

1 Korīntios

1 Pau²lah³lo²na¹xai²na² ũ³wha²li¹la¹txã³nxa²
 ũ³hũ¹nx2ta¹tu¹wa². A²kxã³nxa² Txa²wã¹sũ³na²
 hi²sen³su² ĩ³sa²si¹hã³ũ¹sa¹nx2ti³na²hẽ³la².
 ĩ³sa²si¹hã³ũ¹sa¹nx2ti³ha²kxai³ Je³su²
 Kris²tu³jah¹lai²na²wãn³txai³tã²ĩ³hen³txi³jah¹lo²sa¹wa².
 Txa²wã¹sũ³na² a²ten³jau³su² ha²kxai³
 hxi²kan¹txi³lot3sa³na²hẽ³la². Sos³tẽ²yah³lo²su²
 txa²wã¹lon³yah³lo²su²yxau³ya³sain¹nũ³na³la².

2 Ko³rĩn²to²thĩ³na² yxau³yah³lxin¹tũ³kã³txi³
 ĩ³nxa² Je³su²jah³lai²na² wãn³txa² yxo²ĩ²sxã³
 yxau²xai³tũ³kã³txi³ ĩ³nxa² ain³kxi²sah¹lxi³hẽ¹la².
 Je³su² Kris²tu³jah¹la² sa²kxai³lu²
 txa²wã¹ẽ¹nãu³ai²na² sa²wa²su¹txa²lxi³ha²kxai³
 ko³nxe³thin¹yah³lxin¹ju³ta² ã³wa²sut1sxã³
 yxau³yah³lxi¹lxa². Yxo²ĩ²yah³lxi³si¹nx2ti³nũ³jau³su²
 ĩ³kaix1so¹nx2ti³nũ³na²hẽ³la². Te²yã¹nxe³sxã³
 ha³lo²a² ĩ²li³thĩ³na² yxau³yah³lxin¹tũ³kã³txi³
 ĩ³nxa²na² Je³su² Kris²tu³jah¹la²
 Txa²wã¹hxi²kan¹ta² Si³yxau³jah¹lo²su²
 ha²kxai³ ã³non²ta³kxi¹nx2ti³si¹jau³su²
 ĩ³ye³kxi²yah³lxin¹te² ĩ³nxa² ũ³wha²li¹lhxũ¹nx2ta¹wa².
 Ain³kxi²sah¹lxi³hẽ¹la².

3 Nxa¹ha²kxai³ Txa²wã¹sũ³na² Si³yxau³tãu³a²
 Txa²wã¹wĩ³nu²su² nxe³te²nãn²tu³ Je³su²
 Kris²tu³jah¹la² Txa²wã¹hxi²kan¹ta² Si³yxau³jah¹lo²su²
 nxe³te²nãn²tu³ nxe³ya³sxã³ kãin² thãĩ³ti³la²
 a³lxi²nx2ti³si¹hi² wxa²nxũ²kwai³nãu³a²

ã³nhãu²no³txa²lxi³si¹hi² nxe³nx2ti³si¹ha¹jau³su²
ten³sa³nha²wa².

Txa²wã¹sũ³na² wi¹lhin¹sxã³ĩ²nẽ³jau³su²

4 Txa²wã¹sũ³nu²kxai³lu² kãin² thãi³ti³la²
a³lxi¹nx2ti³ha²kxai³ Je³su² Kris²tu³jah¹la²
ã³nũ²nx²sxã³ yxau³yah³lxi¹lxa².

5 Nxe³yah³lxin¹ju³tan¹te²kxa³ya³lhu²
Txa²wã¹sũ³na² wãn³txa² wain³txi³
a³la³kxah¹lxi¹nha²kxai³ wxi²kan¹txi³
ĩ³tih³nxe³nyhu¹ah³lxi¹nha²kxai³ nxe³yah³lxi³ta¹hi¹nhẽ¹la².
Jã¹xah³lxin¹ju³tai²na² Txa²wã¹sũ³na²
sa²nẽn¹kxi²to³ha¹wa².

6 Txa²wã¹sũ³na² wãn³txa² e³kxi¹nx2ta¹jau³xai³tã²
Kris²tu³jah¹la² wi¹lhin¹ti³hi¹txa²ti³jau³xai³tã²
ya²la³la¹ kãi³ũh¹nx2ti³tai¹ti²tu³wa².

7 Nxe³sxã³ Je³su² Kris²tu³jah¹la²
Txa²wã¹hxi²kan¹ta² Si³yxau³jah¹lo²su² ha²kxai³
a³ka³nx²ju³ta³nũ³a² wahx3yah³lxin¹tãu³a²
wxa²e¹nãu³ai²na² yen³kxa² wi¹te²a²
wã³ko³txa²lxi³xa³hẽ³la². A²yo²ha³kxa¹
ũ³hũ¹nx2ti³na²hẽ³la².

8 Nxe³hĩ¹nãn¹te²tu³ a³ka³nx²nxa³ta³lxa¹
ã³nxũ²kwai³lxũ¹nxa²lxi³tu¹wa². ã³nxũ²kwai³lxũ¹nxa²lxi³ha²kxai³
kxãn³ton³tãu³a¹ Je³su² Kris²tu³jah¹la²
Txa²wã¹hxi²kan¹ta² Si³yxau³jah¹lo²su² ha²kxai³
a³ka³nx²tãu³a¹ ko³nxe³ti³ kãi³yah³lxin¹ju³ta²
wxãi³ti³nx2ti³xa³lho³la², Sũ³na² wãn³txa² kan²txi³
yxo²ĩ²yah³lxi¹nha²kxai³la².

9 Txa²wã¹sũ³na² wãn³txai²li² ya²la³lai²la¹wa².
Wãn³txa² e³kxai²nãn²tu³ ya²la³tu³ ĩ³yũt1se³tu¹wa².
A²nxe³jah¹la² hi²sen³su² ĩ³kaix1so¹nx2ti³ha²kxai³
Je³su² Kris²tu³jah¹la² Txa²wã¹hxi²kan¹ta²

Si³yxau³jah¹lo²su² ha²kxai³ yxo²i²yah³lxi¹lxa².
 Wxa²ē¹nāu³ai²na² ā³nū²kxi¹nx2ti³sxā³
 yxau²xai³lah³lxi¹lxa². A²nxe³jah¹lai²na² sa²kxai³lu²
 Txa²wā¹sū³na² Ta²hai²la¹wa².

Yxo²i²tū³kā³txa² ā³nhai²ta³lxi³ yxau²xai³jau³su²

10 Txa²wā³tā³nāu³xāi³. Ī³ye³kxi¹nx2ta¹tu¹wa².
 Wi¹lain³kxi²sah¹lxi³hē¹la². Je³su²

Kris²tu³jah¹la² Txa²wā¹hxi²kan¹ta²
 Si³yxau³jah¹lo²su² ha²kxai³ nxe³te²na² a²wān³txa²
 i³yau¹ū¹nx2ta¹tu¹wa². Ī³ye³i³yi²lhon¹ta³kxi²sxā³
 ā³nhai²ta³lxi³yah³lxi³txa³hē¹la². Hāi¹sxā³

wxa²ē¹nān¹jau³xa² yxau³ka³na³ka³nat3sxā³
 ain³nha¹jah³lxi³hē¹la². Ā³lxa²txi³
 ain³waun¹txi³nyhu¹ah³lxi³txa³hē¹la². Kō³nxe³ti³
 i³yī¹li²waun¹nyhu¹ah³lxi³txa³hē¹la².

11 Txa²wā³tā³nāu³xāi³. Klo³e²yah³la²
 a²sa³wi³ha³lxa² ĩ³hen³txi³sain¹na²hē³la².
 Ī³ye³i³yi²lhon¹ta³kxi²sxā³ ĩ³hait2ta³lxi³nyhu¹ah³lxi³ta¹hi¹nhē¹la².

12 Nxe³yah³lxin¹jau³xa²sa¹, wxa²ha³tih³xan¹tū³kā³txi³
 i³nxa² a²wān³txi³kxai³lu¹:

— Txai²li² Pau²lah³lai²na² wān³txa²
 sa²yxo²we¹jah¹lo²sa¹wi¹. Yxah³lxi¹nha²kxai³:

— A³po²lah³lai²na² wān³txa² sa²yxo²we¹jah¹lo²sa¹wi¹.
 Yxah³lxi¹nha²kxai³:

— Txai²kxai³ Pe²jah³lai²na² wān³txa²
 sa²yxo²we¹jah¹lo²sa¹wi¹. Yxah³lxi¹nha²kxai³:

— Yxān¹ta¹ txai²li² Kris²tu³jah¹lai²na² wān³txa²
 sa²yxo²we¹jah¹lo²sa¹wi¹. Yxah³lxi¹nha²kxai³
 yah³lxi³ta¹hi¹nhē¹la². Yau³xā³lxa³txi³
 e³xai³yah³lxi³ta¹hi¹nhē¹la².

13 Nxe³yah³lxi¹nha²kxai³ Kris²tu³jah¹la²kxai³lu²
 i³hait2ta³lxi²xai³hī³te²la¹xa³? Pau²lah³lo¹na²
 sa²kxai³lu² i³hxi²kī¹la³kxi²nū¹nx2tain¹te²la¹xā³?
 Pau²lah³la² i³lxa² yxo²i²yah³lxi¹nha²kxai³ i³yau³xa²
 ũ³hū¹kxi²sa²sai¹nx2tain¹thai¹la²? Hai³txi³
 ti³he¹nx2nxa³wa².

14 i³yau³xa² ũ³hū¹kxi²sa²sai¹nx2ti³xa³tai¹ti²tu³wa².
 Yxān¹ta¹ Kris³po²ah³la² so¹lxi³ Kai²ah³la²
 so¹lxi³ tē³sxā³ ũ³hū¹kxi²sa²sai¹ai¹na¹ta¹ti²tu³wa².
 Nxe³na¹jut3su² Txa²wā¹sū³na² sa²nēn¹kxi²na¹wa².

15 Nxe³ha²kxai³ hxi²kan¹txi³ e³yah²lxa³lxa².
 E³yah²lxan³te³nah¹lxi¹:

— Pau²lah³lai²na² a²i³lxa² yxo²i²a¹ha²kxai³
 i³yau³xa² ũ³hū¹kxi²sa²sai¹sa³na²hē³li¹.
 Yah³lxin¹jau³su², hxi²kan¹txi³ e³yah²lxan³tho³la².

16 Jā¹nxa¹jut3su² Es³te²fa³na²sah³la² nū³ka³txa²
 tē³sxā³i³yau³xa² ũ³hū¹kxi²sa²sai¹ain¹nū³na¹ta¹tu³wa².
 A²nū²a² ā³xa² ũ³hū¹kxi²sa²sai¹nū³na¹te²ta²hē³ku²
 nxa¹nha²wa², Yxān¹ta¹ hāixite²sī³lxi³nha³la². Te²na²
 so¹lxin³na³la².

17 A²nū²a² tē³sxā³i³yau³xa² ũ³hū¹kxi²sa²sai¹si¹sain¹jau³su²
 i³sa²si¹hā³sai¹nxa³hē³la². Yxān¹ta¹ Txa²wā¹sū³na²
 wān³txa² wi¹jau³xa² i³yau¹ū³nx2ti³si¹sain¹jau³su²
 i³sa²si¹hā³sain¹na²hē³la². A²nū²a² a²hoh³lxi³su²
 jau³khai³xa² e³nxa³hē³la². Kris²tu³jah¹la²
 ya³lu²kxi³nē³jau³xai³tā² hi³sa³ka³txa²
 i³hxi²kī¹la³kxain¹ju³ta² so¹lxi³ e³a¹ta¹ti²tu³wa².
 Nxe³yān¹ta¹ Je³su²jah³la² ya³lu²kxi²nē³jau³xai³tā²
 e³nxa³ke³la³te²kxai³kwa²toh³lxi³jau³su² hī³nx2na³la².

*Txa²wā¹sū³na² wān³txa² wā³nxī¹ni² a²hoh³lxi³si²
 nxe³jau³su²*

18 Nxe³yān¹ta¹ Kris²tu³jah¹la² ya³lu²kxi²nē³ju³ta²
 hi³sa³ka³txa² i³hxi²kī¹la³kxain¹ju³ta² nxe³jau³xai²na²
 te³nai¹nxa³te²na² yū²na³la². Ā³la² a²ē¹nāu³ai²na²
 ya³lu²ju³ta³nū³a² ā³la² yū²na³la², Kris²tu³jah¹lai²na²
 wān³txa² yxo²i²ai¹nxa³ha²kxai³la². Nxe³yān¹ta¹
 txa²wā¹kī³na¹xai²na² kwa²toh³lxi³jau³sxa³wa².
 Nxe³nxa²ha¹te¹ Kris²tu³jah¹lai²na² wān³txa²
 yxo²i²kī³sa²kxai³ txa²wā¹ē¹nāu³ai²na² ka³te³na²
 wi¹tāu³a¹ ā²la² ū³hū¹nē³na³la². Wān³txa²
 wā³nxīn¹jau³su²na³la².

19 Kxā³kxai³ Txa²wā¹sū³na² ū³wha²li¹jau³su²
 nxe³te³nah¹lxi¹:

— A²nū²a² a²hoh³lxi³si²ju³khai³xa² ā³na¹a¹tu¹wi¹.
 Te²yā¹nxe³sxā³ a²nū²a² wain³txi³
 wā²nxū¹hain³nhain¹ju³khai³xa²
 ā³na¹nū³na¹tu¹wi¹.

Nxe³ta¹hxai²hē¹la². Je³su² Kris²tu³jah¹la²
 ya³lu²kxi²nū¹nhē³ju³ta² te³nai¹nxa³ha²kxai³ nxe²
 ū³wha²li¹ta¹hxai²hē¹la².

20 Jā¹nxe³ju³kxai³lu² a²nū²a² wān³txa²
 a²hoh³lxi³su² te²na² kāi²nxa³ha²kxai³
 ha³teh³nxā³na² ū³wha²li¹txā³nxai³tā²i³yau¹ū³te²su²
 te²na² kāi²nxa³ha²kxai³ a²nū²a² a²hoh³lxi³su²
 ha²kxai³ i³ye³i³yi²lhon¹ta³kxi²nyhu¹te²su² te²na²
 kāi²nxa³ha²kxai³ nxe²na³la². Txa²wā¹sū³na²
 yen³nāu³a¹:

— Kwa²toh³lxi³jau³xai²la¹wi¹, yuh³xai²nān¹jau³xa²su¹.
 Txa²wā¹sū³na²nxēn³ta²wa².

21 Nxe³ha²kxai³ yuh³xai²nān¹te²a² a²hoh³lxi³su²
 ju³ta² so¹lxi³ yū³kxai²nān²tu³ hxi²kan¹txi³
 Txa²wā¹sū³na² i²hī³kī³sxa³wa². Nxe³yān¹ta¹
 Txa²wā¹sū³na² wān³txa² yxo²i²te²su² te²a² so¹lxi³

a²ē¹na² sa²hau³ko³tain¹na³la². Txa²wā¹sū³na²
wān³txa² ī³yau¹ū³sī¹na¹jau³xa² a²nū²a²
ā³xa² kwa²toh³lxi³jau³hū³ye²kxan²ti³ a²ē¹na²
sa²hau³ko³tū¹nhē³jau³xai²la¹wa². Nxe³ju³ta² so¹lxi³
Txa²wā¹sū³na² ten³te²ju²hē³la².

22 Jā¹nxe³sxā³ Ju³te²an¹te²su² te²a² sa²kxai³lu²
wā³nxīn¹sxā³ kāi³ju³ta² so¹lxi³ te³nai¹nha²kxai³
Kre²ka² nū³ka³txe²nān¹te²su² te²a² sa²kxai³lu²
a²hoh³lxi³sa²ju³ta² so¹lxi³ te³nai¹nha²kxai³
nxain¹na³la².

23 Nxain¹kxan²ti³ Je³su² Kris²tu³jah¹lo²su²
te²kxai³lu² hi³sa³ka³txa² ī³hxi²kī¹la³kxain¹sxā³
ya³lu²kxi²nē³tai¹ti²tu³wa². Nxe³jau³xai²na² so¹lxi³
ī³yau¹ū³nx2ti³jah¹lo²sa¹wa². Jā¹nxe³jau³xai²na²
Ju³te²an¹te²su² te²a² ain³kxi²nha²kxai²nān²tu³
ī³xan³tai¹nha²kxai³ Ju³te²an¹te²sxa³te²a²
ain³kxi²nha²kxai²nān²tu³ kwa²toh³lxi³jau³su²
yai¹nha²kxai³ nxe³yain¹na³la².

24 Nxe³kxan²ti³ a²nū²a² ī²li³te²su² te²a²
Txa²wā¹sū³na² ī²sxā³ ī³so¹tu¹wa². Ju³te²an¹te²su²
te²la³ tā³nxā² Ju³te²an¹te²sxa³te²su² te²la³ tā³nxā²
Txa²wā¹sū³na² hi²sen³su² ī²sxā³ ī³so¹tu¹wa².
Nxe³te²nān²tu³ Kris²tu³jah¹lo²su² te²kxai³lu²
Txa²wā¹sū³na² a²wā³nxīn¹ye²kxe³la³ ha²kxai³
Txa²wā¹sū³na² a²hoh³lxi³ye²kxe³la³ ha²kxai³
nxe²na³la². Kris²tu³jah¹lo²su² na³la².

25 Nxe³sxā³ a²nū²a² yuh³xai²nān¹te²a²
a²hoh³lxi³su² ju³ta² jū¹nxe² a²hoh³lxi³su²
na³la². Nxe³yān¹ta¹ Txa²wā¹sū³na² wān³txa²
kwa²toh³lxi³jau³su² ki³lxo³yxah³lxin¹jau³xai²na²
ā²la² ā³sen³sai¹sxā³ a²hoh³lxi³su² jau³xai²la¹wa².
Te²yā¹nxe³sxā³ a²nū²a² a²nū³kxūn³ju³ta²

jū¹nxa² yū²na³la². Nxe³yān¹ta¹ Txa²wā¹sū³na²
kū³we²ki²la² nū³kxū³nxa³ki³lxo³xa³lhin¹kxan²ti³ ā²la²
ā³sen³sai¹sxā³ nū³kxū³khaix¹nx²na³la².

26 Txa²wā³tā³nāu³xāi³. Ain³kxi²sah¹lxi³hē¹la².
Txa²wā¹sū³na² ĩ²sxā³ ĩ³so¹nx²ti³hī¹nai³tā²
ĩ²xi²nha¹jah³lxi³hē¹la². Nxe³hī¹nai³tā²
yuh³xai²nān¹te²a² a²hoh³lxi³su² te² ĩ³nxa²
ka³lxa¹yah³lxa³nha²kxai³ hxi²kan¹khai¹nxe³te²
ĩ³nxa² ka³lxa¹yah³lxa³nha²kxai³ a²nū²a² kāin²
sa²nēn¹kxi¹nx²ti³xa³ha²kxai³ nxe³nx²ti³tai¹ti²tu³wa².

27 Te²yā¹nxe³sxā³ yuh³xai²nān¹te²a² a²hoh³lxi³su²
te²a² kāin² yū³yah²lxa³lxa². Nxe³yah²lxan³kxan²ti³
Txa²wā¹sū³na² a²hoh³lxi³su² ju³ta²
ne³ti³hi¹txa²lxi³ha²kxai³ ā³sen³sai¹ain¹yah³lxi¹lxa².
Te²yā¹nxū³sxā³ yuh³xai²nān¹te²a²
a²nū³kxū³ju³ta² kāin² yū³yah²lxa³lxa².
Nxe³yah²lxan³kxan²ti³ Txa²wā¹sū³na²
a²nū³kxū³ju³ta² ĩ³nū³kxū³ti³nx²ti³ha²kxai³
ā³sen³sai¹ain¹yah³lxi¹lxa². Nxe³yah³lxin¹ju³tan¹te²kxa³ya³lhu²
āu²lxa²to³tain¹yah³lxin¹tu¹wa².

28 A²nū²a² hxi²ka¹nxa³jah¹lo²hū³jah¹la²
Txa²wā¹sū³na² ĩ²sxā³ ĩ³so¹ain¹na²hē³la².
Kō³te²hū³te²a² ĩ²sxā³ ĩ³so¹ain¹na²hē³la².
Nxe³ha²kxai³ yuh³xai²nān¹te²su² te²a²
kāin²ki³lxo³nha²ju³ta² ā³na¹la³kxi²nha²ti³hi¹tu¹wa².

29 Jā¹nxe³jut³su² ha²kxai³ Txa²wā¹sū³na²
yen³nāu³a¹ hxi²kan¹txi³ yxo²kāin²txi³
e³te²sxa³yu²hē³la².

30 Txa²wā¹sū³na² hi²sen³su² ka³te³na²
wi¹tāu³la³ ũ³hū¹nx²ti³na³la². Nxe³sxā³ Je³su²
Kris²tu³jah¹la² ā³nū²kxi²wxe³nū¹nx²ti³na³la².
Kris²tu³jah¹lai²na² sa²kxai³lu² txa²wā¹kī³na¹xai²na²

a²hoh³lxi³su² nū¹nhē³na³la². Kris²tu³jah¹lo²kxai³lu²
 yxo²ĩ²ki³sa²kxai³ Txa²wā¹sũ³nu²su² te²kxai³lu²
 wain³te²lo³tē³na³la². Nxe³ha²kxai³ wi¹lhin¹sxā³
 yxau²xai³ti³hi¹tē³na³la². Ko³nxe³ti³ kã³ki³kxa²
 yo³ha² ā³wa²su¹kxi²nē³sxā³ yxau³ya³nhē³na³la².

31 Nxe³ju³tai²li² Txa²wā¹sũ³na²
 ũ³wha²li¹txā³nxai³tā² nxe³te³nah¹lxi¹:
 — A²nũ²a² ĩ²li³te²a² wā²nxũh¹
 yxo²kāin²e³kxai²nān²tu³ wai³nxa³wi¹. Yxān¹ta¹
 Txa²wā¹sũ³na² ĩ³hau³ko³tũ¹nhē³ju³ta²
 so¹lxi³ yxo²kāin²e³kxai²nān²tu³ wain³na³li¹.
 Nxe³ta¹hxai²hē¹la².

2

Je³su²jah³la²ya³lu²kxi²nē³ju³su²

1 Txa²wā³tā³nāu³xāi³. A²wi¹lhĩ¹nai³tā²
 Txa²wā¹sũ³na² wān³txa² ĩ³yau¹ũ³nx2ti³te³lhxā³
 wxā³na¹hĩ¹nai³tā² wān³txa² wa³lxe³ju³su²
 e³kxi¹nx2ti³nxa³ha²kxai³ nxe³nx2ta¹tai¹ti²tu³wa².

2 Nxe³yān¹ta¹ Je³su² Kris²tu³jah¹lai²na²
 wān³txa² so¹lxi³ ĩ³yau¹ũ³nx2ta¹ju³ta² ten³sa³hē¹la².
 Hi³sa³ka³txa² ĩ³hxi²kĩ¹la³kxai¹nha²kxai³
 ya³lu²kxi²nē³ju³ta²so¹lxi³ ĩ³yau¹ũ³nx2ta¹tai¹ti²tu³wa².
 Yau³xā³xa² yxo²ha³kxa¹ nxe³wā²na³a¹tai¹ti²tu³wa².

3 Nxe³nx2ta¹hĩ¹nai³tā² ya³lo³txi³na¹ju³ta²
 yũ³sa²nxa³ha²kxai³ yuh³lxi³sa²sxā³
 ka³tā³tā³sa³ha²kxai³ sa³tai¹ti²tu³wa², Sũ³na²
 wān³txai²na² wain³txi³ ĩ³yau¹ũ³nx2ti³nxa³kxa²yan³txi³sa³.

4 Txa²wān³txa² e³kxi¹nx2ta¹ju³su²
 wa³lxe³txa³ha²kxai³ yuh³xai²nān¹te²a²
 a²hoh³lxi³su² jau³xa² e³kxi¹nx2ti³nxa³ha²kxai³
 nxe²nx2ta¹tai¹ti²tu³wa². Hãi¹sxā³

Txa²wā¹sũ³na² Yău³ka³jxah¹la² ĩ³hxi²kat1sa²jau³su²
wxi²kan¹txi³ ĩ³yau¹ũ³nx2ta¹tai¹ti²tu³wa².
Nxe³nx2ta¹ju³tan¹te²kxa³ya³lhu² Kris²tu³jah¹la²kxai³
yxo²ĩ²yah³lxin¹tai¹ti²tu³wa².

5 Nxe³sxã³ yxo²ĩ²yah³lxin¹ju³ta² hai³txi³ a²nũ²a²
a²hoh³lxi³su² khai³xan¹jau³xa² hxi²kan¹txi³
ã³nhxi²wxe³nũh¹ki³sxa³wa². Txa²wā¹sũ³na²
wãn³txa² wã³nxin¹jau³khai³xai²la¹wa².
Nxe³jau³xai²na² so¹lxi³ ã³nhxi²wxe³nũh¹ki³tã³la².

Txa²wā¹sũ³na² wãn³txa² a²hoh³lxi³su² jau³su²

6 Nxa²ha¹te¹ Txa²wā¹sũ³na² wãn³txa²
ã³ne³wxe³te²su² te²a² kã²non³te²na² so¹lxi³
wãn³txa² a²hoh³lxi³su² jau³xa² ĩ³yau¹ũ³ai¹na¹wa².
Yuh³xai²nãn¹te²a² a²hoh³lxi³su² jau³xa²
e³nxa³ha²kxai³ yuh³xai²nãn¹te³a³ hxi²kan¹te²na²
wãn³txa² a²hoh³lxi³su² jau³xai²li² e³nxa³ha²kxai³
te²sa¹wa². A²nxe³jau³xai²na² yxo²ha³kxa¹ ye³jen¹na²
ã³wa²sut1sxã³ ne³ki³son³tu¹wa².

7 Txa²wā¹sũ³na² a²hoh³lxi³su² jau³xa² so¹lxi³
e³a¹wa². A²nũ²khai³xa² kō³nhain¹jau³sxa³wa².
A²wi¹lhĩ¹nu¹tai²nãn²tu³ txa²wā¹ha³lo²a²
yũ²nxa³hĩ¹nũ¹tai²nãn²tu³ Txa²wā¹sũ³na²
hi²sen³kxai³lu² a²ẽ¹nãn¹jau³kxai³ e³te³nah¹lxi¹:

— A²nũ²ai²na² sa²kxai³lu² Txa²ki³lha³lxa²
yxo²ĩ²te²na² sa²kxai³lu² wi¹lhin¹ti³hi¹tai¹na¹tũ¹xã¹.
Txa²ki³lha³lxi³na² sa²kxai³lu² ĩ³hxi²kĩ¹la³kxi²sxã³
su²lhã³ain¹tũ¹xã¹. Nxain¹kxai²nãn²tu³ kō³nxe³ti³
kã³ain¹ju³ta² sa²wa²su¹kxai¹na¹tũ¹xã¹. Txa²wẽ³sa²
yã¹xain¹tũ¹xã¹. Txa²wā¹sũ³na² a²ẽ¹nãn¹jau³kxai³lu²
nxe³ta¹hxai²hẽ¹la². Nxe² kã³jau³nũ³a²
Txa²wā¹sũ³nu²kxai³lu² a³la³kxi²ta¹hxai²hẽ¹la².

8 Yuh³xai²nān¹te²a² a²hxi²kan¹ti³nāu³xai²na²
 Txa²wā¹sū³na² a²hoh³lxi³su² jau³xa²
 a³la³kxain¹jau³sxa³wa². A³la³kxain¹ke³la³te²kxai³
 Txa²wā¹hxi²kan¹ta² Si³yxau³jah¹la² Txa²wā¹sū³na²
 Tah²si²ha²kxai³ tē³sxā³ hi³sa³ka³txa²
 ĩ³hxi²kī¹la³kxai¹nhī³nx2nxa³wa².

9 Jā¹nxe³jut3su² Txa²wā¹sū³na²
 ũ³wha²li¹txā³nxai³tān¹jau³xa² e³te³nah¹lxi¹:

— Txa²wā¹sū³na² a³lxi²ki³te²nāu¹xai²na²
 Txa²wā¹sū³na² hxi²ki³kxai³lu² yen³kxa²
 wi¹te²a² āu¹la³kxi²nē³na²hē³li¹.
 A²nxe³te²na² txa²wā¹ye³na²
 ĩ²ki³sxa³ha²kxai³ txa²wā¹ne³nxē³na²
 ain³kxi²nha²ki³sxa³ha²kxai³ txa²wā¹ē¹nāu³a²
 a³la³kxi²ki³sxa³ha²kxai³ ki³sxa³ju³tai²la¹wi¹.
 Wi¹ju³ta³nū³a² so¹lxi³ yū³nē³tu¹wi¹.

Nxe³ta¹hxai²ti³ai¹ti²tu³wa².

10 Nxe³ha²kxai³ Txa²wā¹sū³na² wā²nxūh¹
 au³txi³ e³kxi²nha²jau³khai³xa² ĩ³yau¹ū¹nhē³na³la².
 Txa²wā¹sū³na² Yāu³ka³jxah¹la² hi²sen³su²
 ĩ³yau¹ū¹nhē³jah¹lai²la¹wa². A²hoh³lxi³su²
 khaix1jah¹lai²la¹wa². Txa²wā¹sū³na² au³txi³
 e³kxi²nha²jau³khai³xa² ĩ³yau¹ū¹nhē³na³la².

11 Nxa²ha¹te¹ a²nū²a² ka³na³ka³na³te²a²
 wā²nxūh¹ e³kxi²nha²jau³xa² hxi²kan¹txi³
 a²nū²a² ā³xa² e³kxi²nha²ye²nyhu¹in¹jau³xa²
 ain³kxi²nyhu¹ki³te²sxa³yu²hē³la². Wān³txa²
 wā²nxūh¹ e³kxi²nha²jah¹la² so¹lxi³
 a³la³kxi²te²ju²hē³la². Te²yā¹nxe³sxā³ Txa²wā¹sū³na²
 wā²nxūh¹ e³kxi²nha²jau³xa² a²nū²a² ā³xa²
 a³la³kxi²hī³ki³sxa³wa². Txa²wā¹sū³na²
 Yāu³ka³jxah¹la² so¹lxi³ Txa²wā¹sū³na²

e³kxi²nha²jau³xa² a³la³kxi²hĩ³nx2na³la².

12 Nxe³ha²kxai³ Txa²wā¹sũ³na²
 hi²sen³su² A²yāu³ka³txi³khai³xa²
 nxũ²kwai³yxau³nẽ³ye²si¹jau³nũ³su²
 ũ³hũ¹nẽ³na²hẽ³la². Hai³txi³ yuh³xan¹te²a²
 yāu³ka³txi³la³ kō³nxe³te²la³ ũ³hũ¹nẽ³lxa³hẽ³la².
 Yxān¹ta¹ Txa²wā¹sũ³na² Yāu³ka³txa²
 ĩ³sa²si¹hā³ũh¹nẽ³kxah³lai²na² ũ³hũ¹nẽ³na²hẽ³la².
 Nxe³lha²kxai³ Txa²wā¹sũ³na² wān³txa²
 ā³ne³wxe³nũh¹ki³tā³la². Txa²wā¹sũ³na² wi¹lhin¹sxā³
 ĩ²nẽ³jau³nũ³su² ā³ne³wxe³nũh¹ki³tā³la².

13 Jā¹nxe³jau³su² wān³txai²li²ĩ³yau¹ũ³nx2ta¹jau³xai²na²
 Txa²wā¹sũ³na² Yāu³ka³jxah¹la² ĩ³yau¹ũ¹sa²jau³xa²
 so¹lxi³ ĩ³yau¹ũ¹nx2ta¹wa². Hai³txi³ a²nũ²a²
 kwa² a²hoh³lxi³su² ki³lxo³te²a² wān³txi³sxa³wa².
 Oh³nān¹jau³xa² so¹lxi³ Txa²wā¹sũ³na² wān³txa²
 so¹lxi³ tẽ³sxā³ĩ³yau¹ũ³nx2ta¹wa².

14 Yxān¹ta¹ a²nũ²ai²li² Txa²wā¹sũ³na²
 Yāu³ka³jxah¹la² nxũ²kwai³yxau²nxa³jah¹la²
 sa²kxai³lu² hxi²kan¹txi³ Txa²wā¹sũ³na² wān³txa²
 ā³ne³wxe³te²sxa³yu²hẽ³la². Hāi¹nxe³sxā³:

— Kwa²toh³lxi³jau³syex1nx2na³li¹.

Nxe³nyhu¹te²ju²hẽ³la². Txa²wā¹sũ³na²
 Yāu³ka³txai²na² nxũ²kwai³yxau³jah¹la² so¹lxi³
 oh³xai²nān¹jau³xa² a³la³kxi²te²ju²hẽ³la².

15 Nxe³yān¹ta¹ Txa²wā¹sũ³na² Yāu³ka³jxah¹la²
 nxũ²kwai³yxau³jah¹la² sa²kxai³lu² ĩ²li³ju³ta²
 wi¹tā³nxa² wi¹lxa³tā³nxa² a³ya³txi²te²ju²hẽ³la².
 Yxān¹ta¹ yuh³xai²nān¹jau³xa² so¹lxi³ ain³kxi²jah¹la²
 sa²kxai³lu² ha³lo²a² wi¹tā³nxa² wi¹lxa³tā³nxa²
 hxi²kan¹txi³ a³ya³txi²te²sxa³yu²hẽ³la².

16 Nxe³jau³xai²li² Txa²wā¹sū³na²
ū³wha²li¹txā³nxai³tān¹jau³xa² e³te³nah¹lxi¹:

— Txa²wā¹sū³na² wā²nxū^h¹ e³kxi²nha²jau³xa²
a³la³kxi²nū¹te²la³ yū³ki³te²sxa³yu²hē³li¹.
A²nū²a² Txa²wā¹sū³na² ī³tih³nxe³ki³ju³ta²
yū³te²sxa³yu²hē³li¹.

Nxe³ta¹hxai²hē¹la². Nxe³yān¹ta¹ wā²nxū^h¹
Kris²tu³jah¹lai²na² ain³nha²jau³xa² so¹lxi³
ū³hū¹nē³na³la².

3

Txa²wā¹sū³na² wa³ka³la² kāi³ki³tā³la².

1 Txa²wā³tā³nāu³xāi³. Ain³kxi²sah¹lxi³hē¹la².
Wē³ha³lxa² yā¹yxah³lxi¹lxa². Je³su²jah³lai²na²
wān³txa² kwēn¹ta² yxo²ī² ā³si³wxe³jah¹la²
yā¹yxah³lxi¹lxa². Yuh³xai²nān¹ta² wān³txa²
so¹lxi³ ain³kxi²yah³lxi¹lxa². Wxa²ē¹nāu³ai²na²
hxi²kan¹yah³lxa³nha²kxai³ hxi²kan¹txi³ wān³txa²
hxi²kan¹jau³la³ ī³yau¹ū¹nx2ti³nxa³hē³la².

2 Wē³sai²na² a²su³su³yau³xa² so¹lxi³
i³te²ju²hē³la². Yain³txi³khai³xa²
hxi²kan¹txi³ ī³yain³te²sxa³yu²hē³la².
Jā¹nxe³jut3sū³nxe²yah³lxi¹lxa². Txa²wā¹sū³na²
wān³txa² kwēn¹tai²na¹ yxo²ī² ā³si³wxe³te²yā¹yxah³lxi¹lxa².
Txa²wā¹sū³na² wān³txa² wxi²kan¹jau³khai³xa²
hxi²kan¹txi³ ā³ne³wxe³yah²lxa³lxa².

3 Yuh³xai²nān¹jah¹la² yā¹nxe²
yxau³yah³lxi¹lxa². Wxa²nū³ka³txi³ ī³nxai²na²
ī³ka³tā³nxe³nyhu¹ah³lxi¹nha²kxai³ kwa² wān³txa²
ī³ye³sxā³ ī³yi²yi²lhon¹ta³kxa¹ah³lxi¹nha²kxai³
nxe³yah³lxi³ta¹hi¹nhē¹la². Nxe³yah³lxi¹nha²kxai³

yuh³xai²nān¹jah¹la² yā¹yxah³lxi¹lxa².
 Yuh³xai²nān¹jah¹la² yā¹nxe²kāi³yah³lxi¹lxa².

4 Wxa²nū³ka³txai²na² ī²li³te²a²
 e³lah³lxin¹te³nah¹lxi¹:

— Pau²lah³lai²na² wān³txa² so¹lxi³
 sa²yo²we¹jah¹lo²sa¹wi¹. Nxe² e³i², āh¹ ī²li³te²a²
 e³lah³lxin¹te³nah¹lxi¹:

— Txa²li² A³po²lah³lai²na² wān³txa²
 so¹lxi³ sa²yo²we¹jah¹lo²sa¹wi¹. Nxe² e³i²,
 nxe³yah³lxin¹kxai²nān²tu³ yuh³xai²nān¹jah¹la²
 yā¹nxe²kāi³yah³lxi¹hī³nxa¹lxa².

5 Nxe³ha²kxai³ A³po²lah³lai²li²
 hxi²kan¹jah¹lo²sxa³wa². Te²yā¹nxe³sxā³txai²li²
 Pau²lah³lo²na¹xai²li² hxi²kan¹jah¹lo²su²nū³nxa³wa².
 Hāi¹sxā³Txa²wā¹sū³na² a²sa³wi³ha³lxi³su²sī¹na¹wa².
 Txa²wā¹sū³na² wān³txa²ī³yau¹ū¹nx2ti³sī¹na¹ha²kxai³
 yxo²i² ā³si³wxe³yah³lxin¹tai¹ti²tu³wa².
 Txa²wā¹sū³nai²li² ī³kwa³na³sa²sī¹nha²kxai³ ju¹tai²li²
 ī³yau¹ū²xai³nxa²lxi³sī¹na¹wa².

6 Hai³sxai²na² wa³kon³ki³ju³ta² yā¹nx2na³la².
 Hai³sxai²na² ū³whī¹ki³jut3sū³nxe² Txa²wā¹sū³na²
 wān³txa² ī³tih³nxe³nx2ta¹tai¹ti²tu³wa².
 Yain³ta³ne³kxa² ī³yau³xa² ū³whā³kxi²ki³jut3sū³nxe²
 A³po²lah³lai²kxai³ Txa²wā¹sū³na² wān³txa²
 ī³yau¹ū¹nx2ti³ta¹hē¹la². Nxe³nx2ti³ha²kxai³
 Txa²wā¹sū³na² hi²sen³kxai³lu² yain³ta³ne³kxai²na²
 ī³wi¹we¹kxa² yā¹nxe² a²nū² ī³nxai²na²
 yxo²i²si¹nx2ti³na³la².

7 Nxe³yān¹ta¹ ki¹ai²na² ū³whī¹jah¹lai²li² hai³txi³
 hxi²kan¹jah¹lo²sxa³ha²kxai³ ka³lū³ju³ta³nū³a²
 ī³yau³xa² ū³whā³kxi²jah¹lai²li² hai³txi³
 hxi²kan¹jah¹lo²sxa³ha²kxai³ nxe³te²ju²hē³la².

Nxe³yān¹ta¹ Txa²wā¹sũ³nai²na² so¹lxi³
 yain³ta³ki³ai²na² ka³lũ³ti³hi¹tha²kxai³
 wi¹wen¹ti³hit¹tha²kxai³ nxe³te²ju²hē³la². Nxe³jah¹la²
 so¹lxi³ hxi²kan¹sa²sai¹jah¹lai²la¹wa².

8 Nxe³ha²kxai³ ũ³whĩ¹kxi²jah¹lo²su² tā³nxa²
 ĩ³yau³xa² ũ³wha³kxi²jah¹lo²su² tā³nxa²
 ā³sen³sai¹nyhu¹ki³ju³ta³la³ yũ³ai¹nxa³wa².
 A²hxi²kan¹ju³ta² hau³kon³yah³na³la². Wi¹kāi³xa²
 ai³ya³ha²kxai³ Txa²wā¹sũ³na² ũ³yho³hxi²te²ju²hē³la².

9 Jā¹nxe³nha¹ha²kxai³ Txa²wā¹sũ³na²
 wa³ka³li³lot³sa²tũ³ka³txi³si²nha¹wa². Nxe³ha²kxai³
 wxāi²na² Txa²wā¹sũ³na² hai³sxa² yā¹xah³lxi¹lxa².
 Nxe³nx²ta¹ti²tu³wa². Te²yā¹nxe³nũn³sxā³
 Txa²wā¹sũ³na² sxi²ha² yā¹yxah³lxi³nũ³ni¹lxa².

10 Sxi²ha² txah³lxa³kxa² au³txi³
 ā³kat¹ta³ka³ta³nũ³su² ũ³wha¹kxi²ju³ta²yā¹nxe²na³la²,
 Kris²tu³jah¹la²sa². Au³txi³ ā³ka³ti³si¹hin¹jau³su²
 ũ³si³ya³ki³kxai²nān²tu³ sxi²ha² hai³txi³ ā³ya³hxi²sxā³
 ā³kho³te²sxa³yu²hē³la². Jā¹nxe³jut³sũ³nxe²
 khāuh³lxa³txon³nyhah¹lxin¹kxa²yan³txi³su²
 Kris²tu³jah¹lai²na² wān³txa² yxo²ⁱ²ah³lxi³si¹nx²ta¹jau³su²
 ĩ³yau¹ũ¹nx²ti³to³ha¹tai¹ti²tu³wa². Txa²wā¹sũ³na²
 hi²sen³kxai³lu² yxo²ⁱ²xa³te²nāu³xa²
 ĩ³yau¹ũ³si¹hai¹na¹jau³su² ĩ³hxi²kat¹sain¹na²hē³la².
 Jā¹nxe³kxe³su² Kris²tu³jah¹lai²na² wān³txan²tu³
 ĩ³hen³txi³ki³kxe³su² sxi²ha² au³txi³nāu³xa²
 yā¹nx²na³la². Txai²yā¹nxe³sxā³ a²nũ²a² ā³xa²
 wi¹lĩ³sxa³kat³sũ³na³la². A²nxe³te²na² sxi²ha²
 txon³tũ³ka³txa² yā¹nxain¹na³la². Wain³txi³
 ĩ³tih³nxe³txai¹lxa².

11 Jā¹nxe³ju³kxai³lu² Txa²wā¹sũ³na² hi²sen³kxai³lu²

Je³su² Kris²tu³jah¹la² ī³sa²si¹hā³ũ¹nhē³na²hē³la².
 ī³sa²si¹hā³sxā³ ī³ye³kxi²nē³te³nah¹lxi¹:

— Txa²ki³lha³lxa² so¹lxi³ yxo²ī²sa²tē³jah¹lxi³hē¹li¹.
 A²nũ²a² ā³xai²na² yxo²ī²ah³lxi³txa³hē¹li¹.
 Nxe³nē³lain¹na²hē³la². A²nxe³jah¹la² sxi²ha²
 txah³lxa³ki³a² au³txi³ ũ³si³ya³kxi²ki³ka³ta²
 yā¹nxe² Txa²wā¹sũ³na² A²ki³lha³lxa²
 ũ³whxe³ũ¹nhē³na²hē³la². Nxe³ju³tan¹te²kxa³ya³lhu²
 yxo²ī²ki³kxai²nān²tu³ en²nē³nxa³lho³la².

12 Nxe³tũ³ka³txai²na² sxi²ha² ton³tũ³ka³txa²
 yā¹nxain¹na³la². Jā¹nxe³nũ²la² a²nũ²a²
 ī²li³te²a² ou²ro²ki³su² tā³nxa² pra²ta²ki³su²
 tā³nxa² txah³lxa³kxa² a³lxi²ki³a² ī²li³ki³su²
 tā³nxa² nxe³ki³a² tē³sxā³ sxi²ha² wi¹thi³na²
 txo³nai¹nhī³nx2na³la². A²nxe³thi³nai²na²
 wān²ju³ta³la³ yũ³hī³nx2nxa³wa². Jā¹nxe³jut3sũ³nxe²
 ī³tih³nxe³nx2ti³tũ³ka³txa²kxai³ wain³jau³su²
 ī³tih³nxe³nx2ti³kxai²nān²tu³ sxi²ha² wā²nxa³thi³na²
 ton³tũ³ka³txa² yā¹nxain¹na³la². Te²yā¹nxũn³jut3su²
 a²nũ²a² ā³xa² hi³sa³kat3su² tā³nxa² wai³nhxān³sxu²
 tā³nxa² si³sa³nxān³su² tā³nxa² nxe³sxā³ tē³nũ²la²
 sxi²ha² txo³nai¹nhī³nx2na³la². A²nxe³thi³nai²na²
 wān²ju³ta² yũ³hī³nx2na³la². Jā¹nxe³jut3sũ³nxe²
 ī³tih³nxe³nx2ti³tũ³ka³txa² wai³nxa³jau³su²
 ī³tih³nxe³nx2ti³kxai²nān²tu³ sxi²ha² wān²thi³na²
 ton³tũ³ka³txa² yā¹nxai¹nhī³nx2na³la².

13 Nxain¹kxai²nān²tu³ kxā³non³tāu³a¹
 Kris²tu³jah¹la² a³ka³nxī²sxā³ wxā³tāu³a¹
 txa²wā¹wa³ka³li³yu³ta² ī²te³lhxā³ wxā³tāu³a¹
 kāi³ki³ju³ta² ī²nē³lain¹tu¹wa². Kāi³ki³ju³ta²
 wi¹tā³nxa² wi¹lxa³tā³nxa² e³lxah¹ ī²nē³lain¹tu¹wa².

ĩ²nē³lhxã³ a³ya³txi²sxã³ ĩ³yĩ¹li²nē³tu¹wa².
 ĩ³yĩ¹li²nē³ju³ta² ha³nxe²a² yã¹nxe³hĩ³nx²na³la².
 Kãĩ³kĩ³ju³ta² ha³nxe²a² yan³sxã³ wãn²kĩ³kxa²
 yã¹nxe³sxã³ Kris²tu³jah¹lai²na² ĩ²nē³lhãn²sxã³
 ĩ³yĩ¹li²nē³lain¹tu¹wa².

14 A²nxe³jah¹la² sxi²ha² txon³thĩ³na²
 wã²na³kxi²ti³hi¹txa³jah¹lo²su² kxai²nãn²tu³
 wi¹wi¹nxe² ũ³yho³hi²nyhain¹tu¹wa².

15 Nxe³yãn¹ta¹ sxi²ha² ũ³txo³nain¹ju³ta²
 wã²nhxan³kxai²nãn²tu³ ũ³yho³hi²kxe³nũ³a²
 tĩ¹kxi²hĩ³nx²na³la². Nxe³ha²kxai³ sxi²ha²
 ũ³ton³jah¹la² sa²kxai³lu² ha³nxe²a²
 wãn²kxi²kxai²nãn²tu³ a²nũ²a² so¹lxi³ih³hĩ³nx²na³la².
 Nxe³kxa² yã¹nxe² Txa²wã¹sũ³na² wa³ka³li³yu³ta²
 wi¹kãĩ³xa³te²su² te²a² a²yo³ha² yũ³hĩ³nx²nxa³wa².

16 Nxe³yãn¹ta¹ wxa²nũ³kã³txi³ ĩ³nxai²na²
 Je³su²jah³lai²na² wãn³txa² yxo²i²yah³lxin¹te²
 ĩ³nxai²na² Txa²wã¹sũ³na² sxi²ha²
 yã¹xah³lxi¹lxa². Txa²wã¹sũ³na² Yãu³ka³txa²
 nxu²kwai³yxau³nx²ti³na³la².

17 Jã¹nxe³jut³su² Txa²wã¹sũ³na² sxi²ha²
 yxo²ha³kxa¹ wi¹lhin¹khai¹nx²na³la². Wxa²nũ³kã³txi³
 ĩ³nxai²na² Txa²wã¹sũ³na² sxi²su² yã¹xah³lxi¹lxa².
 Nxe³ha²kxai³ Txa²wã¹sũ³na² sxi²ha² sa²nai¹te³lhxã³
 a²nũ²a² nxe³ke³la³te²kxai³ a²nxe³te²a² sa²kxai³lu²
 Txa²wã¹sũ³na² hi²sen³su² ko³nxe³ti³ ĩ³yĩ¹li²tu¹wa².

18 Nxa²ha¹te¹ wxa²ẽ¹nãu³ai²na²
 ĩ³ki³ha¹kxi²nha²yah³lxi³txa³hẽ¹la². Wxa²nũ³kã³txi³
 ĩ³nxai²na² wãn³txi³kai³lu¹, e³yah³lxin¹te³nah¹lxi¹:

— Txai²na² a²nũ²a² a²hoh³lxi³sa²ju³ta²
 yũ³na¹nha¹. Nxa¹ha²kxai³ a²hoh³lxi³sa¹nha¹.

Wxa²ē¹nān¹jau³xa² yah³lxin¹kxai²nān²tu³ hai³txi³
a²hoh³lxi³syah¹lxi³hī³nx2nxa³lxa². Oh³xai²nān¹ta²
a²hoh³lxi³su² jah¹la² so¹lxi³ a²hoh³lxi³khai³lxa³
hī³nx2na³la².

— Nxe³jau³xai²na² kwa²toh³lxi³jau³xai²la¹wi¹.

Yuh³xai²nān¹te²su² te²a² nxe³nx2tai¹nha³ta²wa².
19 Nxe³sxā³ yuh³xai²nān¹te²a² a²hoh³lxi³su²
jau³xai²na² sa²kxai³lu² Txa²wā¹sū³na² ye³i²tāu³a²
kwa²toh³lxi³jau³su² na³la². Nxe³sxā³ Txa²wā¹sū³na²
ū³wha²li¹txā³nxai³tān¹jau³xa² e³te³nah¹lxi¹:

— Yuh³xai²nān¹te²a² a²hoh³lxi³su²
te²su² te²a² ku³kuh³nxe² e³te²ju²hē³li¹.
Nxe³te²na² Txa²wā¹sū³nu²su² hi²sen³su²
kwa²to³toh³lxi³jau³xai²la¹wi¹. Nxe²

ī³yī¹li²;jah¹lai²la¹wi¹. Nxe³ta¹hxai²hē¹la².

20 Te²yā¹nxe³te³nah¹lxi¹:

— Yuh³xai²nān¹te²a² a²hoh³lxi³su² ju³ta²
hai³txi³ wā³nxīn¹te²sxa³yu²hē³li¹. Kwa²hāi¹nxe²
toh³lxi³jut³su² te²ju²hē³li¹. Txa²wā¹hxi²kan¹ta²
Si³yxau³jah¹lai²na² so¹lxi³ ju¹tai²li²
wi¹la³la³kxi²te²ju²hē³li¹. Nxe³ta¹hxai²hē¹la².

21 Nxe³ha²kxai³ yuh³xai²nān¹te²a² a²hoh³lxi³su²
jah¹la² ā³si³tē³kxi²te² ī³nxai²na² yxo²kāin²txi³
āu²la²ti³ e³yah³lxi³txa³hē¹la². Txa²wā¹sū³na²
hi²sen³kxai³lu² yen³kxa² yxo²ha³kxa¹
ū³hū¹nē³kxai²la¹wa².

22 Pau²lah³lo²na¹xai²na², A³po²lah³la², Pe²jah³la²,
nxe³sīn¹sxā³ hxi²nū¹nxa²lxi³si¹sa²sīn¹jau³su²
Txa²wā¹sū³na² ũ³hū¹nxa²sah¹lxi³sīn¹na³la².
Wi¹lhin¹nxa²lxi³si¹sīn¹jau³su² Txa²wā¹sū³nu²su²
te²kxai³lu² txa²wā¹ha³lo²a² ũ³hū¹nxa²lxi³na³la².
Ka³te³na² wi¹tāu³a² ũ³hū¹nxa²lxi³na³la².

Ya³lu²yah³lxin¹kxan²ti³wi¹lha²hau³ko³tūh¹nxa²lxi³tu¹wa².
 Yen³kxa² tau³ton³kxi¹nx2ti³kxa² Txa²wā¹sū³nu²su²
 te²kxai³lu² ũ³hū¹nxa²lxi³tu¹wa². Hā³lo²a²
 hāi¹nxe³ti³xa¹ ũ³hū¹nxa²lxi³tu¹wa².
²³ Nxe³nxa²ha¹te¹ Kris²tu³jah¹lai²na² sa²kxai³lu²
 Wxa²hxi²kan¹txa² Si³yxau³jah¹lai²la¹wa².
 Jā¹nxū³sxā³ Kris²tu³jah¹lai²na² sa²kxai³lu²
 Txa²wā¹sū³na² Ta²hai²la¹wa².

4

Kris²tu³jah¹la² ĩ³sa²si¹hā³sa²sīn¹jau³su².

¹ A³po²lah³la² txai²na² nxe³sxā³
 Kris²tu³jah¹la² ĩ³sa²si¹hā³sa²sīn¹na²hē³la².
 Txa²wā¹sū³na² wān³txu¹ta²na² hāi³jau³xu¹ta²na²
 ĩ³yau¹ū³sain¹sīn¹jau³xa² ĩ³hen³txi³jah¹lo²su²
 sī¹na¹wa².

² Nxe³na¹kxa²yā¹nxe³te²he³la³kxi³ ĩ³nxai²na²
 sa²kxai³lu²:
 — Txa²wā¹sū³na² wān³txa² a²yo²ha³kxa¹
 sa²wai³wait³sxā³ wi¹kāi³xa²xai³txai¹lxi¹.
 Nxe³te²ju²hē³la².

³ Jā¹nxa¹ju³su² a²nū²ai²li² ĩ²sa²sxā³
 ĩ³yī¹li²sa²ju³ta³nū³a² hxi²waun³txin²nxa³lho³la².
 Wxāi²la³ tā³nxa² a²nū²a² hxi²kan¹te²la³ tā³nxa²
 ĩ³yī¹li²sa²ju³ta³nū³a² hxi²waun³txin²nxa³lho³la².
 Kāi³a¹ju³khai³su² kxan²ti³ ĩ²nha²sxā³
 ĩ³yī¹li²nha²ye²sa²nxa³lho³la².

⁴ Txa²e¹nāu³ai²na² kō³nxe³ti³ kāi³a¹ju³ta²
 txai²na² ĩ²nha²nxa³nha²wa². Wā²nxū¹h¹lxi³txi³
 wi¹lhin¹ti³hi¹nha²ju³ta³la³ te²txā³wa².
 Txa²wā¹hxi²kan¹ta² Si³yxau³jah¹lai²na² so¹lxi³
 ĩ²sa²sxā³ ĩ³yī¹li²sa²ju³ta³nū³su² hxi²ka¹nh¹ĩ³nx2na³la².

5 Jā¹nxe³sxā³ a²nũ²ai²li² ko³nxe³ti³
 i²yī¹li²hain¹yah³lxi³txa³hē¹la². Ha³lo²a²
 ā³nhau³ko³txā³wa². Nxe³ta¹ Txa²wā¹hxi²kan¹ta²
 Si³yxau³jah¹lai²na² a³ka³nxi²ju³ta²
 wah³nxe³jah³lxi³hē¹la². A³ka³nxi²hī¹na¹
 a²nũ²a² hāi³jau³xa² a²ē¹na² au³txi³ hāi³jau³xa²
 yxo²ha³kxa¹ i³yau¹ũ¹nhē³tu¹wa². A²ē¹na²
 ko³nxe³ti³ kāi³so¹nhain¹ju³ta² yxo²ha³kxa¹
 i³ko²ko²txa²ne¹nhē³tu¹wa². Jā¹nxe³sxā³
 Txa²wā¹sũ³na² hi²sen³kxai³lu² a²nũ²kī³na¹xai²na²
 sa²nēn¹kxi²xai³nē³tu¹wa².

6 Txa²wā³tā³nāu³xāi³. Wain³txi³
 i³yau¹ũ¹nx2ta¹jau³su² txai²na² Pau²lah³lo²na¹xai²na²
 A³po²lah³lai²na² kāi³a¹jau³hũ³jau³sye¹nx2ti³na³la².
 Wxa²hxi²kan¹jah¹lo²nāu³xa² txai²la³ tā³nxa²
 A³po²lah³lai²la³ tā³nxa² i²li³te²a² hxi²kan¹te²su²
 te²la³ tā³nxa² ā³kāi³xai³ju³tai²na² so¹lxi³
 sa²nēn¹kxi²xai³txai¹yah³lxi³hē¹la². Nxe³yān¹ta¹
 a²nũ²a² ā³xa² ā³kāi³nũn³ju³tai²na² ā³kāi³so¹ain¹sxā³
 sa²nēn¹kxain¹yah³lxi³txa³hē¹la². A²nũ²a²
 ā³xa² ha³ya³kxa³lxi³su² hi¹ain¹jau³su²
 i³kāu³kxain¹yah³lxi³txa³hē¹la².

7 Īh¹te²a² hxi²ka² sa²sen³sai¹sxā³
 hxi²kan¹te²lo³txa²lxi³te²la¹xā³? Txa²wā¹sũ³na²
 hi²sen³su² yen³kxa² yxo²ha³kxa¹
 ũ³hũ¹nx2ti³xa³lhaj¹la²? Nxe³ha²kxai³
 ĩh¹nxe³kxa²ya³ti³tā³nũh¹so¹kxi²ki³lxo³nyhah¹lxin¹te²la¹xā³?
 Yxo²kāin² e³yah³lxin¹kxan²ti³ Txa²wā¹sũ³na²
 hxi²ki³kxai³lu² yen³kxa² yxo²ha³kxa¹
 ũ³hũ¹nx2ti³jah¹lai²la¹wa².

8 Nxe³sxā³ wxa²ē¹nān¹jau³kxai³lu¹:

— Yen³kxa² yxo²ha³kxa¹ yũ³sī¹na¹xā¹.

Yen³kxih³khaix1sī¹na¹xā¹. Ha³lo²a²
 wa³kxēn³sa²sī¹na¹xā¹. Yxān¹ta¹ wxa²nū³ka³txai²li²
 yah³lxi³sī¹nxā³xā¹. Yah³lxin¹jau³su²
 ya²la³tu³ ha³lo²a² wa³kxēn³ti³nāu³su²
 yah³lxin¹ke³la³te²kxai³ ha³lo²a² yxo²ha³kxa¹
 hau³ko³ja³syah¹lxi³si¹hī³nx2na³la². Yxān¹ta¹
 yxah²lxa³lxa².

9 Je³su²jah³la² ī³kaix1so¹sain¹sīn¹nha²wa².
 Nxe³kxan²ti³ ā³si³wxē³not3sa²sīn¹ta²nū³nha²wa².
 A²nū²a² su²lhā³tū³ka³txi³ hū³sa²sīn¹nha²wa².
 Ī²sa²sān²sīn¹sxā³ ko³nxe³ti³ kāi³tū³ka³txa²
 yā¹nxā² su²lhā³te³lhxā³ sa²sīn¹ta²nū³nha²wa².
 Oh³xan¹tū³ka³txa² ĩ²i², yuh³xan¹tū³ka³txa² ĩ²i²,
 nxe²sain¹sīn¹nha²wa².

10 Nxe³ha²kxai³lu¹ Kris²tu³jah¹la² wān³txa²
 sa²yxo²we¹tha²kxai³ kwa²toh³lxi³jau³su²
 e³e¹nx2ti³sī¹na¹wa². Wxāi²na² Kris²tu³jah¹la²
 ā³nū²kxi¹nx2ti³ha²kxai³ a²hoh³lxi³su²
 khai¹ye²yah³lxi³nhi¹lxa². Hxi²tha²on³sa²sīn¹kxan²ti³
 nū³kxūn³khaix1ye²yah³lxi³nhī¹lxa².

Ko³te³kxi²sain¹sīn¹kxan²ti³ wxāi²na²
 sa²nēn¹kxi¹nx2tain¹sīn¹na³la².

11 Ye³ka³lxa¹txi³ he³ja³lu²sa²to³sī¹nha²kxai³
 ya³lxu²ja³lu²sa²to³sī¹nha²kxai³ sa²sīn¹toh³na³la².
 Wān²txa²sa²to³sī¹nha²kxai³ kāin²
 waix1sain¹to³sī¹nha²kxai³ nxe³sain¹te²sa²sī¹na¹wa².
 Hai³txi³txa²sxi²khai³lxa³yū³sa²sī¹nxā³wa².

12 Txa²yain³txa² so¹kxi²te³lhxā³
 kāin² wa³kon³nha¹wa². Yxo²xūn³txi³
 ĩ³ye³kxi²sain¹sīn¹kxan²ti³ wi¹lhiti¹sxā³
 ĩ³yī¹li²hain¹nha¹wa². Nū³kxūn³txi³
 khāuh³lxa³txi³sain¹sīn¹kxan²ti³ ya³nān³ta³ki²la²sxā³
 yxau²xai³sī¹na¹wa².

13 Ko³te³kxi²sain¹sīn¹kxan²ti³ wān³txa²
wi¹jau³xa² ī³wa²lū³xain¹nha¹wa². A²kuh³lxa³txi³su¹
syex¹tain¹sīn¹na³la². Nxe³hī¹nān¹te²tu³ sxi²ha²
a²nxa³ti³ju³ta² ha³lo²a² sa²tā³kxi³te²jai¹ti²tu³wa².
Jā¹nxe³jut³sū³nxe² nxe³sain¹sīn¹na³la².

14 Jā¹nxa¹jau³su² ū³wha²li¹la³kxi¹nx²ti³sī¹na¹tāu³a²
āu²lxa²to³txa²lxa¹ju³ta²ten³sa²nxa³nha²wa². Hāi¹sxā³
txa²wē³ha³lxi³hū³nxe² a³lxi²na¹kxa² yā¹nxe³sxā³
ī³tih³nxe³nx²ti³te³lhxā³ nxe³nx²ti³nha¹wa².

15 Ī³tih³nxe³nx²ti³jah¹la²nāu³xa² ka³lxa¹txi³
yū³yah³lxin¹kxan²ti³ a²wī³nu²khai³xa²
ka³na³ka³nat³sxā³ yū³nx²ti³hī³nx²na³la².
A²nxe³te²a² wxa²wī³nu²khai³hū³na¹wa².
Je³su²jah³lai²na² wān³txa² wi¹jau³xa² a²wī¹lhī¹na²
ī³yau¹ū¹nx²ta¹tai¹ti²tu³wa². Nxe³nx²ta¹ha²kxai³
nxe³hī¹nān¹te²tu³ Kris²tu³jah¹la² ā³nū²kxi²sxā³
yxau²xai³yah³lxi¹lxa². Jā¹nxe³nx²ta¹ha²kxai³
wxa²wī³nu²khai³hū³na¹wa².

16 Nxe³na¹ha²kxai³ wi¹kāi³a¹kxa² yā¹nxe²
kāi³jah³lxi³hē¹la².

17 Jā¹nxa¹jut³su² Ti³mo²jah³la²
ī³sa²si¹hā³ū¹nx²ta¹tu¹wa². A²kxā³nxa²
Txa²wā¹hxi²kan¹ta² Si³yxau³jah¹lai²na² wān³txa²
ī³tih³nxe³na¹ha²kxai³ yxo²ī² ā³si³wxe³na²hē³la²
Ti³mo²jah³la²sa³. Nxe³ha²kxai³ a³lxi²na¹wa².
Txa²wē³sa² yā¹nx²na³la². Sa²wai³wait³sxā³
wi¹kāi³jah¹lai²la¹wa². A²nxe³jah¹lai²na²
sa²kxai³lu² Je³su² Kris²tu³jah¹lai²na² wān³txa²
wain³txi³ sa²yxo²wet¹sa²tē³si¹nx²ti³jau³su²
ī³yau¹ū³nx²ti³tu¹wa². A²nxe³jau³xai²na²
Je³su² Kris²tu³jah¹la² ka³te³na² wi¹tāu³su²

ũ³hũ¹nx2ti³si¹jau³su² ĩ³yau¹ũ³xi¹nx2ti³tu¹wa².
 Nxe³jau³jau¹xai²na² Je³su²jah³lai²na² wãn³txa²
 yxo²ĩ²tũ³kã³txi³nãu³xa² yxo²ha³kxa¹
 ĩ³yau¹ũ³hain¹to³ha¹wa².

18 Yxãn¹ta¹:

— Pau²lah³la² wa³li²nxã³lho³na¹. Wxa²nũ³kã³txa²
 ha³tih³nũ³kã³txa² wxa²ẽ¹nãu³ai²na² e³kãi²non³sxã³
 ĩ³ye³yah³lxi³ta¹hĩ¹nhẽ¹la².

19 Txa²wã¹hxi²kan¹ta² Si³yxau³jah¹la² a²ten³jau³su²
 kxai²nãn²tu³ wa³su³txi³ wã³li²na¹tu¹wa².
 Wã³li²na¹kxai²nãn³tu³ yxo²kãin²ne³te²
 ĩ³nxã² ĩ²nxã²lxa¹tu¹wa². Wxa²wãn³txa²
 ain³kxi¹nxã²lxa¹tu¹wa². Jã¹nxẽ² wã³nxĩn¹sxã³
 kãi³yah³lxin¹ju³ta² ĩ²nxã²lxi³nũ³na¹tu¹wa².

20 Txa²wã¹sũ³na² wã³nxĩn¹ta²
 Si³yxau³jah¹lai²la¹wa². Nxe³sxã³ Kris²tu³jah¹la²
 ã³nũ²nxĩ²sxã³ yxau²xai³ki³kxai²nãn²tu³:

— Txa²wã¹sũ³nu²su² Txa²hxi²kan¹jah¹lai²la¹wi¹.
 Nxe² e³kxi²ki³kxai²nãn²tu³ ã³ya²la³la¹
 Txa²wã¹sũ³na² wã³nxĩn¹sxã³ ã³si³tẽ³kxi²nẽ³na³la².
 Yxãn¹ta¹ Je³su²jah³la² ã³nũ²nxĩ²sxã³
 yxau²xai³ki³sxa³kxai²nãn²tu³:

— Txa²wã¹sũ³nu²su² Txa²hxi²kan¹jah¹lai²la¹wi¹.
 Nxe²e³kxi²ki³kxan²ti³ kwa² wãn³txi³su² hĩ³nx2na³la².

21 Nxe³ha²kxai³ ju¹tai²li² nũ¹hĩ²jah¹lxi³hẽ¹la².
 Wã³li²na¹tãu³a²ĩ³kwai²kxi²sxã³ ĩ³wai³si¹nx2ta¹jau³su²
 ta³nxã² txa²ẽ¹nãu³ai²na² thãi³ti³la²
 a³lxi²si¹nx2ta¹jau³su² ta³nxã² nũ¹hĩ²jah¹lxi³hẽ¹la².

5

Yxo²ĩ²tũ³kã³txi³nãu³xai²na² ko³nxẽ³thi¹nain¹jau³su².

1 Nxa²ha¹te¹ wxa²nũ³ka³txi³ i³nxa²
 ko³nxe³thin¹khaix¹te²a² yũ³yah³lxi³ta¹hi¹lxa².
 Ko³nxe³khaix¹ju³ta²la¹wa². Hai³txi³
 Ju³te²a² nũ³ka³txi³su² te²a² ta³nxa²
 Ju³te²a² nũ³ka³txi³sxa³te²su² te²a² ta³nxa²
 te²yā¹nxe² kãi³ain¹te²sxa³yu²hẽ³la².
 Wxa²wĩ³na² sxe³xa³ka³lxi³khai³xa² tẽ³sxã³
 so¹yah³lxi³ta¹hi¹nhẽ¹la².

2 Nxe³kxan²ti³nũ¹yo²kãin²e³yah³lxi³ta¹hi¹nhẽ¹la².
 Hai³txi³ i³ãin²ta³kxah¹lxi³ta¹hxã³nhẽ¹la². Jah¹lai²li²
 i³sa²ha³lo²sa²tã³ah³lxi³ta¹hxã³nhẽ¹la².

3 Nxe³yān¹ta¹ txai²li² nxũ²kwai³ye³lot3sxã³
 yxaun²nxa³ta¹ti²tu³wa². Yxān¹ta¹ txa²ẽ¹nāu³ai²na²
 i²nx2ta¹wa². Nxe³ha²kxai³ wxa²yen³nāu³a²
 yxau³na¹kxe³hũ³nxe² ko³nxe³ti³ i³yĩ¹li²hai¹na¹wa².
 Ko³nxe³thin¹sxã³ kãi³jah¹la² ã²la² ko³nxe³ti³
 i³yĩ¹li²hai¹na¹wa². Je³su²jah³la² Txa²wã¹hxi²kan¹ta²
 Si³yxau³jah¹lo²su² ha²kxai³ i³ye³kxi²sa²jau³xa²
 i³ye³kxi¹nx2ta¹wa².

4 Nxe³ha²kxai³ ã³yã³nũ²kxi¹jxah³lxi³hẽ¹la².
 ã³yã³nũ²kxah³lxin¹kxai²nān³tu³ txa²ẽ¹nāu³ai²na²
 ã³nũ³kxi¹nx2ti³nũ³na¹tu¹wa². Je³su²jah³la²
 Txa²wã¹hxi²kan¹ta² Si³yxau³jah¹lo²su² ha²kxai³
 a²wã³nxĩn¹ju³khai³xa² ã³si³tẽ³kxi²nẽ³tu¹wa².

5 A²nxe³jah¹lai²na² sa²kxai³lu² ko³nxe³thin¹sxã³
 kãi³jah¹lai²na² sa²kxai³lu² i³ye³kxi¹jah³lxi³hẽ¹la².
 i³ye³kxah²lxin¹te³nah¹lxi¹:

– Ko³nxe³ti³ kãi³i¹nhẽ³li¹. Sa³ta³na²jah¹la²
 a²wa³kxẽn³syẽ¹txai¹li¹. Yah³lxin¹jau³su²
 i³ye³kxi¹jah³lxi³hẽ¹la². Ko³nxe³ti³ kãi³jah¹lo²kxai³lu²
 Txa²wã¹sũ³na² ã³yo²o³tũ¹si¹yah³lxin¹jau³su²

ĩ³ye³kxi¹jah³lxi³hē¹la². Nxe³kxai²nān²tu³
a²nũ²khai³xa² ã³kho³kxan²ti³ Je³su²jah³la²
Txa²wã¹hxi²kan¹ta² Si³yxau³jah¹la² a³ka³nxi²sxã³
wxã³hĩ¹na¹ a²wi¹tãu³khai³xa² ã³wa²sut¹sxã³
yxau³tu¹wa².

6 Jã¹nxe³jut³su² yxo²kãin²txi³ e³lah³lxin¹ju³ta²
wai³nxa³wa². Te²yã¹nxe³jau³su²
txa²wã¹yah³la²nãu³xa² e³lain¹te³nah¹lxi¹:

— Yain³tũ³xa² ĩ³wa¹kxi²ki³a² jũ¹nxa²
so¹lxi³ ũ³sa²wi¹ki³kxai²nān²tu³ ye³jen¹na²
tũ¹xai²na² yxo²ha³kxa¹ ĩ³wat¹te²ju²hē³li¹.
Txa²wã¹yah³la²nãu³a² nē³lai¹nhxai²tai¹ti²tu³wa².

7 Nxe³ha²kxai³ ko³nxe³ti³ kãĩ³ju³tai³tã²
a²wĩ³na² sxe³xa² so¹kxi²ju³tai³ jã¹nx²na³la².
Ĩ³wa¹kxi²ki³a² yã¹nx²na³la². Jã¹nxe³sxã³ ko³nxe³ti³
kãĩ³ju³ta² ĩ³wa¹kxi²ki³hũ³nxe² ã³na¹jah¹lxi³hē¹la².
Yxah³lxin¹kxai²nān²tu³ wxa²ẽ¹nãu³ai²na²
ã³nhxan³ka²ti³nx²ti³hĩ³nx²na³la². Nxe³sxã³
yain³tũ³xa² tah²nũ³xa² yã¹yxah³lxi³hĩ³nxa¹lxa².
Nxe³kxai²nān²tu³ ko³nxe³ti³ kãĩ³ju³ta²
ĩ³wa¹kxi²ki³hũ³nxe² yũ³yah³lxi³hĩ³nx²nxa³lxa².
A²kxã³nxa² Txa²wã¹sũ³na² sa²kxai³lu²
txa²wã¹yah³la²nãu³xu¹tai²na² e³kxi²te³nah¹lxi¹:

— Wxa²ko³nxe³ti³ kãĩ³yah³lxin¹ju³ta²
yũ³yah³lxi¹nha²kxai³ o³ve²a² wẽ³sa² tẽ³sxã³
su²lhã³jah¹lxi³hē¹li¹. Yah³lxin¹kxai²nān²tu³
ko³nxe³ti³ kãĩ³yah³lxin¹ju³ta² ne³wã²na³kxi¹nx²ta¹tu¹wi¹.
Nxe³ta¹hxai²ti³ai¹ti²tu³wa². Te²yã¹nxe³ju³kxai³lu²
Kris²tu³jah¹la² hi²sen³kxai³lu² o³ve²a² wẽ³sa²
su²lhã³yah³lxin¹kxa² yã¹nx²na³la². ã²la²
ya³lu²kxi²nē³ta¹hxai²ti³ai¹ti²tu³wa².

8 Jā¹nxe³hī¹nān¹te²tu³ Kris²tu³jah¹la²
ya³lu²kxi²nē³ju³ta² ĩ²xi²ki³je³na² Pas²kwa²
yain³txa² yain³ki³tu¹wa². Yain³ki³tāu³a¹ hai³txi³
ĩ³wa¹kxi²ki³a² yain³ki³sxa³lho³la². Hāi¹sxā³
yain³txa² tah²nũ³xa² ĩ³wa¹kxi²ki³la³ yũ²nxa³tũ³xa²
so¹lxi³ yai³nhĩ³ki³tā³la². Jā¹nxe³kxe³hũ³nxe²
ko³nxe³ti³ kãi³ki³ju³tai²na² a²nũ²a² ā³xa² ko³nxe³ti³
ain³kxain¹ki³ju³ta² ā³na¹ki³sa²kxai³ ko³nxe³ti³
kãi³ki³ju³ta² ā³na¹ki³sa²kxai³ nxe³ki³tu¹wa².
Nxe³sxā³ wi¹lhini¹ju³ta² so¹lxi³ kãi³ki³sa²kxai³
ya²la³lyu³ta² so¹lxi³ kãi³ki³sa²kxai³ nxe³ki³tu¹wa².
Nxe³ju³ta² so¹lxi³ ten³ya³sah¹lxi³hē¹la².

9 Jā¹nxa¹ju³kxai³lu²wān³txa²ũ³wha²li¹la³kxi¹nx2ta¹hī¹nai³tā²
e³kxi¹nx2ta¹tai¹ti²tu³wa². A²nũ²a²
ko³nxe³thin¹te²a² ā³na¹sxā³ a³li³si¹nxa²lxa¹jau³su²
kwa³na³nx2ta¹tai¹ti²tu³wa².

10 Yxān¹ta¹ ha³lo²a² yuh³xai²nān¹ta²ko³xai²na²
hin¹yah³lxin¹tāu³a² a²nũ²a² ko³nxe³ti³ kãi³te²su²
te²a² ha³ten¹jah³lxin¹ju³ta² ten³sa²nxa³nha²wa².
A²nũ²ā³xa² yen³kxa² yxo²kwain³jah¹lo²su² tā³nxa²
a²nũ²a² ā³xa² ā³ke³tũ¹sxā³ yen³kxa² so¹kxi²jah¹lo²su²
tā³nxa² txah³lxa³kxa² Txa²wā¹sũ³nu²su²
ki³lxo³sxā³ ten³ju³ta³lot3jah¹lo²su² tā³nxa²
nxe³ju³ta² kãi³sxā³ ha³ten¹jah³lxin¹ju³ta²
kwa³na³nxa²lxi³nxa³hē³la². Nxe³tũ³ka³txa²
yxo²ha³kxa¹ ha³ten¹jah³lxin¹ke³la³te²kxai³
yuh³xai²nān¹ta³ko³xa² a³li³yah²lxi³hĩ³nxa¹lxa².

11 Nxe³yān¹ta¹ a²nũ²a² nxe²e³kxi²te³nah¹lxi¹:

— Txai²li² Je³su²jah³lai²na² wān³txa²
yxo²ĩ²jah¹lo²sa¹wi¹. Nxe³jau³su² ko³nxe³thin¹sxā³
o²la³kxi²tā³nxa² a²nũ²xā³xa² yen³kxa² kāin²

yxo²kwain³ta³nxa² txah³lxa³kxai²li² tē³sxā³
 txa²wā¹sū³nu²su² ki³lxo³sxā³ sa²yxo²we¹ta³nxa²
 a²nū²a² ā³xa² ĩ³wa³ka³si³nyhu¹te²la³
 ta³nxa² ĩ³na²jau³xa² ũ³n³jau³xa² ĩ³na²sxā³
 wen¹ta³nxa² a²nū²a² ā³xa² ā³xa²
 ā³ke³tū¹sxā³ yen³kxa² so¹kxi²ta³nxa² nxe³sxā³
 nxe³te²he³la³ka² Txa²wā¹sū³na² wān³txa²
 yxo²ĩ²te²a² so¹lxi³ a³li³si¹jah³lxi³hē¹la².
 ĩ³yain³kxi²ti³hex¹nyhu¹ah³lxi³txa³hē¹la².

12-13 Nxe³na¹jut³su² a²nū²a² ā³xai²li²
 yxo²ĩ²xa³te²a² ko³nxe³ti³ ĩ³yĩ¹li²hai¹na¹ju³ta²
 hxi²kan¹sa²nxa³nha²wa². Txa²wā¹sū³na²
 hi²sen³kxai³lu² ko³nxe³ti³ ĩ³yĩ¹li²hain¹tu¹wa².
 Yxān¹ta¹ wxa²nū³ka³txi³ ĩ³nxai²na² Je³su²jah³lai²na²
 wān³txa² yxo²ĩ²tū³ka³txi³ ĩ³nxa² ko³nxe³ti³
 ĩ³yĩ¹li²waun¹nyhu¹ah³lxi¹lxa². Nxe³yah³lxi¹nha²kxai³
 a²nū²ai³ta³lxi³ ko³nxe³ti³ kâi³jah¹lai¹ta³lxi³ ā³na¹sxā³
 wxa²li³ti³hi¹jah¹lxi³hē¹la².

6

Yxo²ĩ²tū³ka³txa² ā³nhe¹kxi²nyhu¹ain¹jau³su².

1 Nxa²ha¹te¹ Je³su²jah³lai²na²
 wān³txa² yxo²ĩ²tū³ka³txi³ ĩ³nxai²na²
 ā³nhe¹kxi²nyhu¹ah³lxin¹kxai²nān²tu³
 Je³su²jah³lai²na² wān³txa² te³nai¹nxa³tū³ka³txa²
 a²hxi²kan¹jah¹la² ĩ³hen³txain¹yah³lxi³txa³hē¹la².
 Txa²wā¹sū³na² sa³wi³ha³lxi³ ĩ³nxai²na²
 wxa²hxi²kan¹jah¹la² so¹lxi³ĩ³yau¹ũ¹nha¹jah³lxi³hē¹la².
 2 Nxe³ha²kxai³ kxān³ton³tāu³a¹ yan¹nāu³a¹
 Txa²wā¹sū³na² sa³wi³ha³lxa² Je³su²jah³lai²na²
 wān³txa² yxo²ĩ²tū³ka³txa² sa²kxai³lu²

yuh³xai²nān¹ta³ nū³ka³txi³nāu³xa² yxo²ha³kxa¹
 kāi³ain¹ju³tai²li² wi¹ta³nxa² ko³ta³nxa²
 a³ya³txi²yah³lxin¹tu¹wa². Nxe³ju³tai²li²
 a³la³kxi²yah²lxan³ta²lu¹wa². Nxe³yah³lxi¹nha²kxai³
 ha³lo²a² kāi²nxa³ju³ta² hxi²kan¹txi³
 a³ya³tain¹yah³lxi³hī³nx2nxa³lxa².

3 Kxān³nāu³a¹ oh³xan¹tū³ka³txa²
 kāi³ain¹ju³ta³nū³a² a³ya³txi²nū¹hain¹nūn³ki³tu¹wa².
 Nxe³ha²kxai³ hī¹na² yxau²xai³ki³ju³tai²na²
 kāi³ki³ju³ta²hxi²kan¹txi³ a³ya³txi²yah³lxi³hī³nxa¹lxa².

4 Jā¹nxe³jut3su² Txa²wā¹sū³na²
 yxo²i²xa³tū³ka³txai²na² a²hxi²kan¹jah³la²
 yen³kxa² toh³lxa³ta² wān³txa² toh³lxa³ta²
 i³hau³ko³txa²lxi³si¹hah³lxin¹jau³su²
 i³ye³kxai¹yah³lxin¹kxai²nān²tu³ wai³nxa³wa².
 Je³su²jah³lai²na² wān³txa² yxo²i²sxā³
 yxau²xai³tū³ka³txi³ i³nxai²na² a²hxi²kan¹te²su²
 te²a² so¹lxi³ i³hau³ko³txa²lxi³si¹hah³lxin¹jau³su²
 i³ye³kxain¹yah³lxi³hē¹la².

5 Āu²lxa²tot3sah²lxin¹nha²wa². Wxa²nū³ka³txi³
 i³nxai²na² a²hoh³lxi³su² jah¹lo²su²
 yū³nx2ti³xa³te²la¹xā³? Yen³kxa² toh³lxa³ta² wān³txa²
 toh³lxi³jau³xa² i³hau³ko³te²la³ yū³nx2ti³xa³te²la¹xā³?

6 Yū³te²jai¹ti²tu³wa². Nxe³kxan²ti³
 Txa²wā¹sū³na² wān³txa² ko³nxe²nxa³jah¹la²
 i³yau¹ū³hain¹yah³lxi¹nha²kxai³ yxān¹ta¹
 Txa²wā¹sū³na² wān³txa² ain³kxi²jah¹la²
 i³yau¹ū³hain¹yah³lxa³nha²kxai³ nxe³yah³lxi³ta¹hi¹nhē¹la².
 Nxe³ju³tai²li² wai³nxa³wa².

7 Nxe³yah³lxi¹nha²kxai³ Txa²wā¹sū³na²
 wān³txa² ā³ne³wih¹nxa²lxi³xa³wa². Nxe³ha²kxai³

ko³nxe³ti³ kãi³nxa²lxain¹ju³ta³nũ³a² ta³nxa²
 yen³kxa² kãi³kxi²nxa²lxain¹ju³ta³nũ³a² ta³nxa²
 nxe³ju³ta² ko³nha²sxã³ en³yah³lxa³lxa²,
 wi¹ju³ta² so¹lxi³ kãi³yah³lxin¹kxan²ti³na².
 Nxe³yãn¹ta¹ ã³nhe²kxi²yah³lxi¹nha²kxai³
 wxa²hxi²kan¹jah¹la² yen³nãu³a² i³ye³sxã³
 i³yi²yi²lhon¹ta³kxi²nyhu¹ah³lxi³ta¹hi¹nhẽ¹la².

8 Yxãn¹ta¹ ti³hex¹yah³lxa³lxa².
 Nxe³yah²lxan³kxa²ha³tih³xan²tu³ ko³nxe³ti³
 o²la³kxi²nyhu¹i², yen³kxa² kãi³kxi²nyhu¹i²
 yxah³lxi³ta¹hi¹nhẽ¹la². Wxa²nũ³ka³txi³su² kxan²ti³
 nxe² kãi³nyhu¹yah³lxi³ta¹hi¹nhẽ¹la².

9-10 Wai³nxa³ju³ta² kãi³te²su² te²na² sa²kxai³lu²
 Txa²wã¹sũ³na² ha³lo²ai²li² hxi²kan¹txi³
 ã³wih¹te²sxa³yu²hẽ³la². ã³ke³tũ¹nyhah¹lxi³txa³hẽ¹la².
 Kuh³lxa³thin¹sxã³ o²la³kxi²nxe³jah¹lo²su² ta³nxa²
 txah³lxa³kxa² Txa²wã¹sũ³na² ki³lxot³sxã³
 ten³ju³ta³lot³nxe³jah¹lo²su² ta³nxa² txu¹su² in³txa²
 ã³xo²la³kxi²ta¹ka³lxu³su² ta³nxa² in³txa² txu¹ha²
 ã³xũ³whi¹ta³kxi²nyhu¹jah¹lo²su² ta³nxa² in³txah²lxi³
 in³txah²lxi³ yxo²kwain³sxã³ o²la³kxi²nyhu¹te²su²
 ta³nxa² txu¹ha²lxi³ txu¹ha²lxi³ yxo²kwain³sxã³
 o²la³kxi²nyhu¹te²su² ta³nxa² yen³kxa² kãi³jah¹lo²su²
 ta³nxa² a²nũ²a² ã³xa² yen³kxa² kãin²
 yxo²kwain³jah¹lo²su² ta³nxa² i³na²jau³xa² ã³nau³xa²
 i³na²sxã³ wen¹jah¹lo²su² ta³nxa² a²nũ²a² ã³xa²
 i³wa³ka³si³nxe³nyhu¹jah¹lo²su² ta³nxa² a²nũ²a² ã³xa²
 ã³ke³tũ¹sxã³ yen³kxa² kãi³so¹kxi²nxe³jah³lo²su²
 ta³nxa² nxe² kãi³in¹tũ³ka³txa² yxo²ha³kxa¹ hai³txi³
 Txa²wã¹sũ³na² yxau³ju³ta² ã³wxe³kxi²hĩ³ki³sxa³wa².

11 Wxa²nũ³ka³txi³ i³nxai²na² i²li³te²su² te²

ĩ³nx² kxã³kxai³ te²yã¹yxah³lxin¹tai¹ti²tu³wa².
 Nxe³yã¹ta¹ ko³nxe³ti³ kã³yah³lxin¹ju³ta²
 sa²wa²su¹kxi¹nx2ti³na²hẽ³la². Txa²wã¹sũ³na²
 so¹lx³ sa²yo²we¹tũ³ka³txi³sah¹lx¹lxa².
 Je³su² Kris²tu³jah¹la² Txa²wã¹hxi²kan¹ta²
 Si³yxau³jah¹lo²su² ha²kxai³ ya³lu²kxi²nẽ³lha²kxai³
 wi¹lhin¹te²lo³txa²lx³na³la². Txa²wã¹sũ³na²
 Yãu³ka³txa² nxũ²kwai³yxau³nx2ti³ha²kxai³
 wi¹lhin¹te²lo³txa²lx³na³la².

Txa²wã¹nũ²ai²na² wain³txi³kã³kĩ³jau³su²

12 Nxa²ha¹te¹ wxa²nũ³ka³txi³ ĩ³nxai²na² ĩ²li³te²su²
 te²ĩ³nx²wã³txi³kxai³lu¹, e³kxi²yah³lxin¹te³nah¹lx¹:

— “Ī²li³ju³ta² kã³ti³ten³sa³nha¹.” Na¹kxai²nã²tu³
 hxi²kan¹txi³ kã³hĩ³na¹wi¹. Nĩ¹jau³su² kxai²nã²tu³
 wain³na³la². Yxã¹ta¹ yu³ka³na³ka³na³ju³ta²
 so¹lx³ wi¹lhin¹nũ¹nhẽ³te²ju²hẽ³la².
 Te²yã¹nxe³yah³lx³nũ³nĩ¹te³nah¹lx¹:

— “Ī²li³ju³ta² kã³ti³ten³sa³nha¹.” Na¹kxai²nã²tu³
 hxi²kan¹txi³ kã³hĩ³na¹wi¹. Na¹jau³su². Wain³na³la².
 Yxã¹ta¹ ju¹tai²li² a¹thũ³jut3su² ju³ta²
 a²wa³kxẽ³sa¹ju³ta² ten³te²txã³wa².

13 Ī²li³jah¹lai²na² wã³txi³kxai³lu¹ e³kxi²te³nah¹lx¹:

— Yain³txa²so¹lx³yain³weh³na²kĩ³ta³yo²ka³nũ³su²
 te²ju²hẽ³li¹. Nxe³ha²kxai³ txa²wã¹yo²kxai²li²
 yain³txa²so¹lx³yain³weh³na²kĩ³te²ju²hẽ³li¹.
 Yxã¹ta¹yan¹ye³jen¹nãu³a¹ txa²wã¹yo²kxai²li²
 ne³kĩ³son³ti³hit1sa²kxai³ yain³txa²
 ne³kĩ³son¹ti³hit1sa²kxai³ nxe³tu¹wa², Txa²wã¹sũ³na²
 hxi²ka²sa³. A²wi¹lhĩ¹nu¹tai²na² Txa²wã¹sũ³na²
 hi²sen³kxai³lu² a²nũ²a² we¹ta¹hxai²ti³ai¹ti²tu³wa².
 A²nxe³te²a² ko³nxe³thin¹sxã³ o²la³kxi²kĩ³ju³ta³nũ³a²

sa²yo²wet1si¹ki³jau³nũ³a² so¹lxi³ we¹txa³ha²kxai³
 hã¹sxã³ Txa²wã¹hxi²kan¹ta² Si³yxau³jah¹la²
 sa²yo²wet1si¹ki³jau³nũ³a² we¹tha²kxai³
 nxe³ta¹hxai²ti³ai¹ti²tu³wa². Nxe³hĩ¹nu¹tai²nãn¹ju³ta²
 so¹lxi³ yxau²xai³ki³tã³la². Nxe³ha²kxai³ wain³txi³
 sa²yo²wet1si¹ki³jau³nũ³a² Txa²wã¹hxi²kan¹ta²
 Si³yxau³jah¹la² ĩ³hxi²ka¹tũh¹sa²tẽ³nẽ³na³la².

14 Jã¹nxe³jut3su² Txa²wã¹sũ³na² hi²sen³kxai³lu²
 Kris²tu³jah¹la² Txa²wã¹hxi²kan¹ta² Si³yxau³jah¹lo²su²
 ha²kxai³ a²nxe³jah¹lo²su² jah¹lo²kxai³lu² ka³ten³su²
 ĩ³sa²yxau³xi²si¹ta¹hxai²ti³ai¹ti²tu³wa². Jã¹nxe³jut3su²
 kxãn¹non³tãu³a¹ wã³nxĩ¹ni² hxi²ka¹ni² nxe³ha²kxai³
 ka³ten³su² ĩ³sa²yxau³ti³hi¹tẽ³nũn³tu¹wa².

15 Txa²wã¹nũ²khai³ki³na¹xai²na² whã²na¹
 Kris²tu³jah¹la² hi²sen³su² a²wa³kxẽn³ta²nẽ³na³la².
 Nxe³te²jai¹ti²tu³wa². Nxe³ha²kxai³
 txa²wã¹nũ²khai³ki³na¹xai²na² a²ĩ³lxi³te²su²
 te²a² tẽ³sxã³ tu¹ha² ko³nxe³thin¹ta¹ka³lxa²
 o²la³kxi²ki³ke³la³te²kxai³ ko³nxe³ju³ta²
 a²wa³kxẽn³ti³hi¹tẽ³hĩ³nx2na³la². Ju¹tai²li²
 wain³ti³he¹nx2nxa³wa².

16 Jã¹nxũn³sxã³ ko³nxe³thin¹ta¹ka³lxa²
 ũ³whĩn¹ti³ki³kxai²nãn²tu³ nxẽn¹ta¹ka³lxu³su²
 ta¹ka³lxa² ko³nxe³thin¹ta¹ka³lxa² a²nũ²a²
 ã³nũ²kxi²sxã³ yu³ka³na³ka³na³ju³ta³nũ³su²
 kã³hĩ³ki³tã³la². Jã¹nxe³jut3su² Txa²wã¹sũ³na²
 ũ³wha²li¹txã³nxa² nxe³te³nah¹lxi¹:
 – Ũ³whĩn¹ta³kxi²ki³kxai²nãn²tu³ ã³nũ²kxi²sxã³
 wxa²nũ²a²nãu³a² yu³ka³na³ka³na³ju³ta³nũ³su²
 kã³hĩ³ki³tã³li¹. Nxe³ta¹hxai²hẽ¹la².

17 Te²yã¹nxe³jut3su² Kris²tu³jah¹la²
 Txa²wã¹hxi²kan¹ta² Si³yxau³jah¹lo²su² ha²kxai³

yxō²i²sxā³ ā³yā³nū²kxi²ki³kxai²nān²tu³
Txa²wā¹sū³na²yen³nāu³a¹nū¹ka³na³ka³nat³ja³nhē³na³la².

18 Nxe³ha²kxai³ kuh³lxa³thin¹sxā³ o²la³kxin¹ju³ta²
u²lā³na¹sxā³ ā³waix³jah¹lxi³hē¹la². Ko³nxe³ti³
kāi³ju³ta² i²li³ju³ta² kāi³ki³kxai²nān²tu³
txa²wā¹nū²khai³xa² hai³txi³ ā³kāi³ti³hi¹tē³te²su²
jut³su² nxa³wa². Yxān¹ta¹ txu¹ha² tā³nxa²
in³txa² tā³nxa² ā³xa² ũ³whīn¹ta³kxi²ju³ta²
o²la³kxi²ki³kxai²nān²tu³ txa²wā¹nū²khai³xa²
kuh³lxa³thin¹sxā³ kāi³ju³ta² ā³kāi³ti³hi¹nha²ki³tā³la².

19 Txa²wā¹nū²khai³xa² sa²kxai³lu² Txa²wā¹sū³na²
Yāu³ka³jxah¹la² nxū²kwai³yxau³nē³jah¹la²
a²yxau³ju³khai³su² ta¹hxai²ti³ai¹ti²tu³wa².
Txa²wā¹sū³na² hi²sen³su² sa²si¹hā³ū¹nhē³jah¹lo²su²
ta¹hxai²ti³ai¹ti²tu³wa². Txa²wā¹nū²khai³xa² nxūh¹
wa³kxēn³ta³kxi²sxa³wa².

20 Txa²wā¹sū³na² so¹kxi²nē³ta¹hxai²ti³ai¹ti²tu³wa².
A²yo³ha² ũ³yho³hi²sxā³ so¹kxi²nē³ta¹hxai²ti³ai¹ti²tu³wa².
Nxe³nē³lha²kxai³ Txa²wā¹sū³na²
i³kāin²ti³hit¹jah¹lxi³hē¹la². Wxa²nū²khai³xa²
hāi¹nxe³ti³xa¹ sa²nēn¹kxi¹jah³lxi³hē¹la².

7

A²nū²a² so¹nyhu¹ju³ta² i³tih³nxe³jau³su²

1 Ju¹ta³la³ nxe³ha²kxai³ i³wā³txi³sah¹lxin¹jau³xa²sa¹.
i³yau¹ū³nx²ta¹tu¹wa². Ain³kxi²sah¹lxi³hē¹la².
Jah¹lai²li² wxa²ha³tih³ i³nxai²nān¹jah¹la²
nūh¹yxau³ju³ta² wi¹na³la². Txu¹ha² so²nxa³kxan²ti³
wi¹na³la².

2 Nxe³yān¹ta¹ kuh³lxa³thin¹sxā³ kāi³ju³ta²
yū³khaix¹te²jai¹ti²ti¹. Txu¹ha² so²nxa³ta¹ka³lxu²su²
ū³whīn¹ta³kxi²nyhu¹kxi³ju³ta² yū³khaix¹te²jai¹ti²ti¹.

Nxe³ha²kxai³ in³txi³nāu³xa² hāi¹nxe³ti³xa¹
a²txu¹khai³xa² so²xai³ju³ta² wain³na³la².
Te²yā¹nxe³sxā³ tu¹txi³nāu³xa² hāi¹nxe³ti³xa¹
a²in³txi³khai³xa² yū²xai³ju³ta² wain³na³la².

3 Nxe³sxā³ a²wē³sāi¹yah³lai²na² sa²kxai³lu²
a²sxe³khai³xa² sxe³xi²kxi³ju³ta² wain³na³la².
Te²yā¹nxe³sxā³ a²sxe³xa³ka³lxai²na² sa²kxai³lu²
a²in³txi³khai³xa² in³txi³nhīn³ju³ta² wain³na³la².
Nxe²kāi³nyhu¹kxi³ju³ta² wain³na³la².

4 A²sxe³xai²na² sa²kxai³lu² a²nū²khai³xa²
a²wa³kxēn³na³ka³lxu³sxa³wa². Yxān¹ta¹
a²wē³sāi¹yah³lai²na² sa²kxai³lu² a²wa³kxēn³yah³lai²la¹wa².
Te²yā¹nxe³sxā³ a²wē³sāi¹yah³lai²na² sa²kxai³lu²
a²nū²khai³xa² a²wa³kxēn³yah³lo²sxa³wa².
Yxān¹ta¹ a²sxe³xa³ka³lxai²na² sa²kxai³lu²
a²wa³kxē³na³ka³lxai²la¹wa². A²wa³kxēn³su²nyhu¹kī³tā³la².

5 Wxa²nū²khai³xa³ a³lxi²nha¹ja³hē¹la². Hāi¹sxā³
Txa²wā¹sū³na² nūh¹e³kxi³ti³ten³nxa²kxai²nān²tū³
nxe³hī¹na¹ so¹lxi³ ā³nha¹ja³hē¹la². Txa²wā¹sū³na²
nūh¹e³kxi²ta³lu²nīn¹nū²la² ā³nū²kxi²xi¹nha¹ja³hē¹la².
Jā¹nxe³ wī¹ti³nyha¹to³hin¹kxai³ jā¹nxe³ja³hē¹la².
A²nū²kxi²xi²ya³hxa³kxai²nān²tū³
Sa³ta³na²jah¹lo²su² hi²sen³kxai³lu² txu¹ha² ā³xa²
ū³whīn¹ti³sih¹nxa²ha³ta²wa², wxa²nū²khai³xa²
hxi²kan¹txi³ ā³wa³kxēn³txa³ya³hxa³nha²kxai³la².

6 Nxe³jau³xai²li² kwa³na³nxa²lxi³jau³sxa³wa².
Hāi¹sxā³ kwa²ti³tih³nxe³nx2ti³jau³xai²la¹wa².

7 Txa²ē¹nān¹jau³la³:

— A²nū²a² yxo²ha³kxa¹ nūh¹yxau³na¹kxa²
yā¹nxe³sxā³ yxau³ain¹kxai²nān²tū³ wī¹na³na¹.
Nxe³na¹tah¹lxa¹ Txa²wā¹sū³na² sa²kxai³lu² a²nū²a²
ha³tih³xa² so¹nyhu¹ju³ta² ī³hxi²ka¹ta¹nha²kxai³

a²nũ²a² ã¹jã¹nxe² ã³sa²nũ³te²a² nũh¹yxau³ju³ta²
ĩ³hxi²ka¹tain¹nũ³nha²kxai³nxe³nẽ³na³la².

8 Nxa²ha¹te¹ nũh¹yxau³te²su² te²na²
wha³te³sa³ka³lxi³su² te²na² nxe³sxã³
txai²yã¹nxe³sxã³ nũh¹yxau³ain¹kxai²nãn²tu³ ã²la²
wi¹na³la².

9 Yxãn¹ta¹ wxa²nũ²khai³xa² hxi²kan¹txi³
ã³wa³kxên³txi³nxa³kxai²nãn²tu³ txu¹ha²
a²yxō²kwain³nxa²te²la³:

— Te²na² ten³khaix¹sa³nha¹. Nxẽn¹te²la³
yũ²nxã³ka³tu³:

— Hãi¹sxã³ta¹ka³lxa²te³ni² ã³ta¹ka³lxa²te³ni² nxe²
hu³ nxe²xai³na¹nhã¹. Nxẽn¹kxai²nãn²tu³ wa³su¹txi³
wxa²txu¹khai¹xa²so¹sẽ¹la².

10 Nxa²ha¹te¹ a²nũ²a² ã²la² so¹nyhain¹te²su²
te²a² wãn³txa² e³kxai¹na¹ju³ta² yũ³nũ³na³la².
Txa²wã¹hxi²kan¹ta² Si³yxau³jah¹lai²na²
wãn³txai²la¹wa². Wãn³txi³khai¹xai²la¹wa², Txu¹ha²
in³txa² so¹ta¹ka³lxa² sa²kxai³lu² in³txa² ã³ju³ta²
wai³nxa³wa².

11 Nxe³yãn¹ta¹ in³txa² ã³na¹in¹kxai²nãn²tu³ in³txa²
ã³xa²so¹txa³hẽ¹na². Yxãn¹ta¹:

— ãh¹ in³txa² ã³xa² so¹na¹tũ¹xã¹.
Nxẽn¹kxai²nãn²tu³ in³txa² a²kxã³nxa²
tẽ³sxã³ ã³na¹in¹kxah³la² so¹lxi³ hãu²not³sxã³
ãh¹so¹xĩ¹sẽ¹na². Te²yã¹nxũ³kxe³hũ³nxe²
in³txi³ ĩ³nxai²na² sa²kxai³lu² wxa²sxe³khai³xa²
ã³na¹txa³hẽ¹la².

12 Nxa²ha¹te¹ a²nũ²a² ã³xai²na²
Txa²wã¹sũ³na² wãn³txa² e³kxai¹na¹jau³xa²
yũ²nxa³wa². Txa²ẽ¹nãn¹jau³xai²na²
so¹lxi³ wã²nxũh¹ain³nha¹jau³xai²na² so¹lxi³
e³kxi²na¹tu¹wa². A²sxe³xa³ka³lxu³sxu¹nxa²te²a²
sa²kxai³lu² Txa²wã¹sũ³na² wãn³txa²

yxō²i²xa³kxan²ti³ a³lxi²sa²na³na¹ nxēn¹kxai²nān²tū³
kwa²a³na¹txa³hē¹la². Yxau³ya³nxa²ju³ta²
ten³kxai²nān²tū³ ā³na¹txa³hē¹la², ta¹ka³lxai²na²sa².

13 Te²yā¹nxe³sxā³ a²wē³sāi¹yah³lo²su¹nxa²te²a²
sa²kxai³lu² Txa²wā¹sū³na² wān³txa²
yxō²i²xa³kxan²ti³ a³lxi²sa²na³na¹ nxēn¹kxai²nān²tū³
yxau³ya³nxa²ju³ta² ten³kxai²nān²tū³
ā³na¹txa³hē¹na², jah¹lai²na²sa³.

14 Te²yā¹nxe³sxā³ in³txa² yxō²i²xa³jah¹lai²na²
sa²kxai³lu² a²sxe³xa³ka³lxa² yxō²i²
ā³si³wxe³kxai²nān²tū³ a²so¹nyha¹ju³tai³tā²
wain³ti³hit¹te²ju²hē³la², Txa²wā¹sū³na²sa³.
Te²yā¹nxūn³sxā³ txu¹ha² yxō²i²xa³ta¹ka³lxai²na²
sa²kxai³lu² a²wē³sāi¹yah³la² yxō²i²
ā³si³wxe³kxai²nān²tū³ a²so¹nyha¹ju³tai³tā²
wain³ti³hit¹te²ju²hē³la², Txa²wā¹sū³na²sa³.
Nxe³ju³tan¹te²kxa³ya³lhu² a²wē³ha³lxi³khai³xa²
a²kuh³lxa³thi¹nai¹nxa³lho³la².

15 Nxe³yān¹ta¹ yxō²i²xa³te²su² te²na² sa²kxai³lu²
yxau³kxi²nyha¹ju³ta² te³nxa³kxai²nān²tū³
a³li³ju³ta² wain³na³la². Nxe³ju³tai²na² yxō²i²sxā³
yxau³te²na² sa²kxai³lu² a²wē³sāi¹yah³lo²su² tā³nxa²
a²sxe³xa³ka³lxu³su² tā³nxa² txa²wā³tā³su² ha²kxai³
a²ē¹nāu³a² ā³wa²su¹kxi²nha²sxā³ yxau³hī³nx²na³la².
Hāu²non³txi³sxā³ yxau³kī³ju³ta² Txa²wā¹sū³na²
ten³na³la².

16 Nxe³sxā³ yxō²i²xa³te²su² te²ai³ta³lxi³
ain³kxi¹nxa²ha²kxai³ yan¹nāu³a¹ yxō²i²
ā³si³wxe³nūn³tā³nxa² nxe³kī³tu¹wa². Nxe³sxā³
a²sxe³xa² yxō²i²ta³ka³lxu³ ī³nxa²na²
wxa²wē³sāi¹ah³la² yxō²i²xa³jah¹lai¹tā²
ain³kxi¹nxa²kxai²nān²tū³ yan¹nāu³a¹

yxo²i² ā³si³wxe³ta³nxa² nxe³ki³tū¹xā².
 Jā¹nxūn³sxā³ a²wē³sāi¹a² yxo²i²jah¹lo² i³nxai²na²
 wxa²sxe³xa³ka³lxai¹tā² yxo²i²xa³ta¹ka³lxai¹tā²
 ain³kxi¹nxa²kxai²nān²tu³ yan¹nāu³a¹ yxo²i²
 ā³si³wxe³ta³nxa² nxe³ki³tu¹wa².

Txa²wā¹sū³na² wān³txa² sa²yxo²wet¹sxā³
 yxau²xai³ki³jau³su²

17 Kris²tu³jah¹la² Txa²wā¹hxi²kan¹ta²
 Si³yxau³jah¹lo²su² ha²kxai³ i³hxi²ka¹txa²lxi³ju³ta²
 ū³hū²xai³nx2ti³na²hē³la². Nxe³sxā³ Txa²wā¹sū³na²
 tīh³na² ai³si¹nx2ti³jau³su² nxe³nxa²lxi³tīh³na²
 ā³si³tē³xai³jah¹lxi³hē¹la². Nxe³jau³jau¹xai²na²
 Txa²wā¹sū³na² wān³txa² yxo²i²tū³ka³txi³nāu³xa²
 yxo²ha³kxa¹ nxe² i³yau¹ū³hain¹to³ha¹wa².

18 In³txai²na² Txa²wā¹sū³na² tīh³na²
 ai²ān³si³wxe³hī¹nai³tā² Ju³te²a² yah³la²nāu³u¹tai²na²
 wān³txu¹tai²na² sa²yxo²wet¹si¹hain¹jau³su² ā²la²
 ū³sa³si³tū³ko¹kxā¹kxai²nān²tu³ i³ki³we²nxi²si¹jau³su²
 ā³ten³txa³hē¹la². Te²yā¹nxe³sxā³
 Txa²wā¹sū³na² tīh³na² ai²ān³si³wxe³hī¹nai³tā²
 ū³sa³si³tū³ko¹kxā¹ju³ta² ā²la² kāi³xa³kxai²nān²tu³
 ū³sa³si³tū³ko¹kxā¹ju³ta² ā³ten³txa³hē¹la².

19 Nxe³ha²kxai³ ū³sa³si³tū³ko¹kxā¹ju³ta² Ju³te²a²
 nū³ka³txa² o²la³kxai¹nhxai²kxai³ jāx¹ju³ta²
 we¹ta³nxa² we¹txa³ta³nxa² nxēn¹kxai²nān²tu³
 hai³txi³ Txa²wā¹sū³na² a²yen³nāu³a² kāi²nxa³wa².
 Txa²wā¹sū³na² wān³txa² kwa³na³nē³jau³xu¹tai²na²
 sa²yxo²we¹ki³ju³ta² so¹lxi³ kāi²na³la².

20 Nxe³yah³lxin¹ju³tai³ta²sa¹ kxā³nxai³tā²
 Txa²wā¹sū³na² wān³txa² sa²yxo²we¹jah²lxa³nhī¹nai³tā²
 hi¹nho³ah³lxi³hxain¹kxai³ jā¹nxe³jah³lxi³hē¹la².

21 A²kxã³nxai³tã² kwa²wa³ka³li³lot3sxã³
 wa³kon³yah³lxin¹kxai²nãn²tu³hxi²waun³jah³lxix³txa³hẽ¹la².
 ã³na¹sxã³ o²la³kxah¹lxix³txa³hẽ¹la². Yxãn¹ta¹
 ã³wa²sut1sxã³ yxau³ah³lxin¹ju³ta³nũ³a²
 i³hxi²kan¹ya³nx2tain¹kxai²nãn²tu³
 i³wet1sa²so¹jah³lxix³hẽ¹la².

22 Nxe³sxã³ kwa²wa³ka³li³lo³te²su²
 te²a² Txa²wã¹sũ³na² wãn³txa² yxo²i²
 ã³si³wxe³kxai²nãn²tu³ nxe³hĩ¹nãn¹te²tu³
 a²ẽ¹nãu³ai²na² ã³wa²sut1sxã³ yxau³hĩ³nx2na³la².
 Te²yã¹nxe³sxã³ a²nũ²a² ã³xa² ã³wa²sut1sxã³
 yxau³jah¹lai²na² sa²kxai³lu² Kris²tu³jah¹lai²na²
 wãn³txa² yxo²i² ã³si³wxe³kxai²nãn²tu³
 Kris²tu³jah¹la² kwa²wa³ka³li³lot3sxã³ o²la³kxi²jah¹la²
 yã¹nx2na³la².

23 Kxã³nxai³tã² Txa²wã¹sũ³na² hi²sen³su²
 a²ki³lha³lxai²li² sa²si¹hã³ũ¹nhẽ³lhxã³
 kãin² a³lxix²nẽ³sxã³ so¹kxi²nẽ³tai¹ti²tu¹wa².
 Txa²wã¹hxi²kan¹ta² Si³yxau³jah¹lai²la¹wa².
 Nxe³ha²kxai³ a²nũ²a² yuh³xai²nãn¹jah¹la² kwa²
 wa³ka³li³lot3ju³ta² ã³ya³wã²lah³lxix³txa³hẽ¹la².

24 Txa²wã³tã³nãu³xã³. Txa²wã¹sũ³na²
 Si³yxau³jah¹la² i²sxã³ i³so¹nx2ti³jah¹lai²la¹wa².
 A²kxã³nxa²i³so¹nx2ti³hĩ¹nai³tã²hi¹nho³ah³lxix³hxain¹kxai³
 jã¹nxe² hi¹nho³jah¹lxix³hẽ¹la². Txa²wã¹sũ³na²
 yen³nãu³a¹ã¹hi¹nho³jah¹lxix³hẽ¹la².

A²nũ²a² nũh¹yxau²xai³jau³su²

25 Nxa²ha¹te¹ txu¹ha² nũh¹lxix³ ta¹ka³lxai²na²sa¹.
 Txa²wã¹sũ³na² e³kxi²sai¹nxa³wa². Txa²ẽ¹nãn¹jau³xa²
 so¹lxix³ e³kxi¹nx2ta¹tu¹wa². Txa²wã¹sũ³nai²li²
 wi¹lhin¹sxã³ thã³ti³la² sa²hau³kot3sa³ha²kxai³

txa²wān³txa² e³kxi¹nx2ta¹jau³nũ³a²
 yxo²ʔ²sah¹lxi³hē¹la².

26 Ha³lo²a² yxau³ki³tāu³a¹ kan²khai¹nxe³sxā³
 wa³lxe³tā³la². Khāuh³lxa³ti³nha²khaix1ki³ju³ta²
 yũ³te²tu³wa². Nxe³ha²kxai³ in³txa²
 nũh¹yxau³kxai²nān²tu³ hai³txi³ txu¹ha²
 so²nxa³kxai²nān²tu³ ā²la² wi¹na³la².

27 A²sxe³xa² hī¹na² yũ³kxai²nān²tu³ ta¹ka³lxa²
 ā³txa³hē¹la². Yxān¹ta¹ yũ²nxā³kxai²nān²tu³ txu¹ha²
 so¹txa³hē¹la².

28 Nxe³yān¹ta¹:

— Txu¹txa²sa³nha¹. So¹na¹tũ¹xā¹
 Nxīn¹kxai²nān²tu³ hai³txi³ ko³nxe³ti³
 kāi³hī³nx2nxā³lxa². Te²yā¹nxe²
 nũh¹lxi³ta¹ka³lxa² in³txa² so¹kxai²nān²tu³
 hai³txi³ ko³nxe³ti³ kāi³hī³nx2nxa³wa².
 Ha³lo²a² kan²ton³kxi²nē³lha²kxai³ a²nũ²a²
 so¹nyhu¹kxi³te²a² khāuh³lxa³ti³nha²ha³ta²wa².
 Jā¹nxe³nx2ti³kxa²yān³ti³su² ā³wa²su¹kxi¹nx2ti³si¹ha¹jau³su²
 ye³nx2ta¹wa².

29 Txa²wā³tā³nāu³xāi³. E³kxi¹nx2ta¹tu¹wa².
 Ha³lo²a² yuh³xan¹ko³xai²na² yxau³ki³ju³ta²
 hai³txi³ a³lu²xa³wa². Ye³jen¹na² txa²wā¹ha³lo²a²
 ne³ki³son³tu¹wa². Nxe³ha²kxai³ nxe³hī¹na²
 txuh¹xi³jah¹la² txu¹txa²kxa² yā¹nxe³jut3sũ³nxe²
 yxau³ain¹tu¹wa².

30 Te²yā¹nxe³sxā³ ĩ³āin²ta³kxi²nh²te²su²
 te²a² āin²ta³kxi²nh²nxa³jah¹la² yā¹txe²hũ³nxe²
 yxau³ha²kxai³ ka³lih³jah¹lo²su² te²a²
 ka³lih³xa³jah¹la² yā¹txe²hũ³nxe² te²yā¹nxũn³sxā³
 yxau³ha²kxai³ nxe²yxau³ain¹tu¹wa². Te²yā¹nxe³sxā³

yen³kxa² so¹kxi²te²su² te²a² yen³kxa² yũ²nxa³jah¹la²
yã¹txe²hũ³nxe² yxau³ain¹tu¹wa².

31 Yuh³xan¹ta¹ yen³kxa² kãin² o²la³kxi²kxan²ti³
hai³txi³ wi¹lxon³kxai¹nxa³lho³la². Nxe³ju³ta²na²
yxo²ha³kxa¹ yuh³xai²nãn¹ju³ta² so¹lxi³
yxo²i²ki³kxai²nãn²tu³ ye³jen¹na² tĩ¹kxi²nẽ³tu¹wa².
Oh³xai²nãn¹ju³ta² so¹lxi³ yxo²i²ki³kxai²nãn²tu³
hai³txi³ tĩ¹kxi²nẽ³lxa³lho³la².

32 Jã¹nxe³jut³su² ha³lo²a² i²li³ju³ta²
o²la³kxah¹lxin¹kxai²nãn²tu³ hxi²waun³txi³yah³lxi³txa³hẽ¹la².
In³txai²li² txu¹txa²jah¹lai²na² sa²kxai³lu²
Txa²wã¹sũ³na² wãn³txa² sa²yxo²we¹ju³ta² hã¹nxe²
o²la³kxi²hĩ³nx²na³la². Ĩ³ka³li³kxi²si¹jau³xa² so¹lxi³
te³nhĩ³nx²na³la².

33 Yxãn¹ta¹ txu¹hxi²jah¹lai²na² sa²kxai³lu²
yuh³xan¹ta² yen³kxa² o²la³kxi²te²ju²hẽ³la². A²sxe³xa²
ka³li¹txi³ju³ta² so¹lxi³ te³nhĩ³nx²na³la².

34 Nxe³ha²kxai³ tĩh³na² ha¹lon³txi²na³la².
Nxa²ha¹te¹ txu¹ti³nãu³xa² yã¹nxe² ai³hĩ³nx²na³la².
In³txi³txa²ta¹ka³lxa² a³ka³lxon¹ta¹ka³lxu³su²
ta³nxa² wã¹ta¹ka³lxu³su² ta³nxa² te²yã¹nxe²
ai³nhĩ³nx²na³la². Txa²wã¹sũ³na² wãn³txa²
sa²yxo²wet¹si¹jau³su² te³nain¹na³la². A²nũ²a²
whã¹na¹ a²ẽ¹nãn¹jau³xa² whã¹na¹ Txa²wã¹sũ³na²
a²yan³txi³nũ³a² so¹lxi³ o²la³kxai¹nhĩ³nx²na³la².
Yxãn¹ta¹ in³txi³ta¹ka³lxa² a²wẽ³sã¹yah³la²
ka²li¹txi³te³lhxã³ o²la³kxi²te²ju²hẽ³la².

35 Jã¹nxa¹jau³su² ã³non²ta³kxi¹nxa²lxi³te³lhxã³
e³kxi¹nx²ta¹wa². Hai³txi³ ĩ³wã³txa¹lxi³nxa³lho³la².
Hã¹sxã³ wain³kxa²ti³ o²la³kxi²yah³lxin¹ju³ta³nũ³a²
ten³sa³nha²wa². Wxa²sĩ³nxũ³nxa²lxi³ju³ta²

hāi¹nxe³ti³xā¹ Txa²wā¹sū³na²ĩ³ka³li³hū¹hah³lxin¹ju³ta²
ten³sa³nha²wa².

³⁶ Nxe³yān¹ta¹ txu¹txa²jah¹lai²na²
a²ē¹nān¹jau³kxai³lu¹, e³kxi²nha²te³nah¹lxi¹:

— Txu¹hai²li² so¹na¹tū¹xā¹. Ta¹ka³lxai²li²
kxān³su² nūh¹sxa³ju³ta² wai³nxa³xā¹. Ta¹ka³lxa²
yxo²kwain³khaix¹sa³nha¹. Nxe³kxai²nān²tu³

so¹ain¹ju³ta² wain³na³la². Ko³nxe³ti³ kãi³ai¹nxa³wa².

³⁷ Nxa²ha¹te¹ jah¹lai²li² txu¹ha² so¹ju³ta²
te³nxa³jau³su² nxe³te³nah¹lxi¹:

— Txu¹hai²li² kãin² yxo²kwain³sa²nxa³nhā¹.
Nūh¹yxau³na¹tū¹xā¹. Nxa¹kxan²ti³ kuh³lxa³thin¹sxā³
o²la³kxi²nuh¹nxa³lho³na¹. Ain¹jau³su² kxai²nān²tu³
txu¹ha² so²nxa³ju³ta³nū³a² wain³nūn³na³la².
Nūh¹yxau³ju³ta² wain³nūn³na³la².

³⁸ Jā¹nxe³nūn³sxā³ in³txai²li² txu¹ha² so¹jah¹lai²li²
wain³txi³ o²la³kxi²te²ju²hē³la². Jā¹nxūn³sxā³
txu¹lha³ so²nxa³jah¹lai²na² sa²kxai³lu² ā²la² wain³txi³
o²la³kxi²te²ju²hē³la².

³⁹ Txu¹ta³ka³lxai²na² sa²kxai³lu² a²wē³sāi¹yah³la²
ka³ten³su² hin¹kxai²nān²tu³ hxi²kan¹txi³ in³txa²
ā³xa² so²nxa³lho³la². Ko³nxe³ti³ kãi³hĩ³nx2na³la².
Yxān¹ta¹ a²wē³sāi¹yah³la² ya³lu²kxi²kxai²nān²tu³
ā³wa²sut¹sxā³ yxau³hĩ³nx2na³la². Nxe³hĩ¹na² in³txa²
ā³xa² so¹ti³ten³kxai²nān²tu³ hxi²kan¹ta¹ka³lxu³su²
hĩ³nx2na³la². Ta¹ka³lxai²li² Txa²wā¹sū³na² wān³txa²
yxo²ĩ²ta¹ka³lxu³su² ha²kxai³ in³txi³nū³a² te²yā¹nxe²
Txa²wā¹sū³na² wān³txa² yxo²ĩ²jah¹la² so¹lxi³
so¹ju³ta²nū³a² wain³na³la².

⁴⁰ Yxān¹ta¹ txa²ē¹nān¹jau³la³ ta¹ka³lxai²li²
nūh¹yxau³kxai²nān²tu³ ā²la² ka³lih³hĩ³nx2na³la².
Nxe³jau³jau¹xi³na² txa²ē¹nān¹jau³xai²la¹wa².

Yxān¹ta¹ Txa²wā¹sū³na² Yāu³ka³jxah¹la²
 nxū²kwai³yxau³sa³ha²kxai³ Txa²wā¹sū³na²
 wān³txain²txi²na³la².

8

Txa²wā¹sū³na² ki³lxo³kxa² yain³txa²
 ũ³ye³wxe³kxi³jau³su²
 1 Ju¹ta³la² nxe³ha²kxai³ yain³txa²
 a¹thūn³te²su² Txa²wā¹sū³nu²su² ki³lxo³ka³txa²
 ũ³ye³wxe³te²ju²hē³la². Nxe³ju³ta²
 ī³yau¹ū¹nx2ta¹tu¹wa². Wān³txa² tī³yau³u¹ta²li¹.
 Nxe³hxai²na²hē³la². Nxe³te³nah¹lxi¹:
 — Txa²wā¹ki³na¹xai²li² a³la³kxi²ki³tā³li¹.
 Nxe³hxai²na²hē³la². Nxe³ju³ta²
 a³la³kxi²ki³ju³ta²li² txa²wā¹ē¹nāu³ai²na²
 yxo²kāin²txi³ ī³ye³kxi²nha²ki³te²ju²hē³la².
 Nxe³na¹ta¹ a³lxi²waun¹nyhu¹ki³kxai²nān²tu³
 ī³nxū²kwai³lxū¹waun¹nyhu¹hī³ki³tā³la².
 2 A²nū²a² ī²li³te²su² te²a² a²ē¹nān¹jau³kxai³lu¹
 e³kxi²nha²te³nah¹lxi¹:
 — A²hoh³lxi³sa¹xā¹. Jau³su² kxan²ti³
 hai³txi³ a²hoh³lxi³su² ju³ta² kāi²nxa³wa².
 A²hoh³lxi³su²kxi³ju³ta² ā²la² kāin² taju³ton³na³la².
 3 Yxān¹ta¹ Txa²wā¹sū³na² a³lxi²ki³kxai²nān²tu³
 Txa²wā¹sū³nu²kxai³lu² ī²nē³te²la¹wa².
 Nxe³sxā³ Txa²wā¹sū³na² a²ē¹nān¹jau³kxai³lu¹
 e³kxi²nha²te³nah¹lxi¹:
 — Jah¹lai²li² a³lxi²san³tā¹. Nxe³ha²kxai³
 Txa²ya³lxai²la¹xā¹. Nxe³jau³su² Txa²wā¹sū³na²
 nxe³tu¹wa².
 4 Jā¹nxe³jut3su² Txa²wā¹sū³na²su²
 ki³lxo³nxe³kxah³la² so¹lxi³ hai³txi³

ka³ten³yah³lo²sxa³wa². Txa²wā¹sū³na²
 Si³yxau³kah³lo²khai³xa² ka³ten³yah³la²
 ka³na³ka³na³tā³la².
 5 Txa²wā¹sū³na² Si³yxau³jah¹la² ā³xa²
 yū³te²sxa³jai¹ti²tu³wa². Txa²wā¹sū³nu²su²
 ki³lxo³ain¹kxah³lai²na² yū², txa²wā¹hxi²kan¹ti³su²
 te²na² yū² nxe³te²ju²hē³la². Oh³nāu³nū¹ka³na¹
 yū² yuh³xai²na² yū² nxe³te²ju²hē³la². Ka³lxa¹txi³
 yū³te²ju²hē³la².

6 Yxān¹ta¹ Txa²wā¹sū³nu²khai³su²
 ka³na³ka³na³tā³la². Txa²wā¹sū³na² Si³yxau³tāu³a²
 hi²sen³kxai³lu² txa²wā¹ha³lo²a² whāi²na¹
 i³yūt¹sxā³ kwa³na³jah¹lo²su² ta¹hxai²ti³ai¹ti²tu³wa².
 A²nxe³jah¹lai²li² sa²yxo²wet¹si¹ki³jau³su²
 yxau³nūh¹ki³tā³la². Te²yā¹nxe³sxā³
 Txa²wā¹hxi²kan¹ta² Si³yxau³jah¹la² Je³su²
 Kris²tu³jah¹lo²su² ha²kxai³ ka³na³ka³na³tā³la².
 Yen³kxa² whāi²na¹ wet¹jah¹lo²su²
 ta¹hxai²ti³ai¹ti²tu³wa². A²nxe³jah¹lai²li² ka³te³na²
 wi¹tāu³la³ ũ³hū¹nhē³lha²kxai³ ka³ten³su²
 ti³hi¹tē³jah¹lai²la¹wa².

7 Nxe³ha²kxai³ wxa²nū³ka³txa²
 yxo²i²yah³lxin¹te² i³nxai²na² a²ha³tih³xai²na²
 jū¹nxa² so¹lxi³ a³la³kxah¹lxi¹lxa².
 A²kxā³nxai³tā² Sū³na²ki³lxo³nxe³ka³txa²
 so¹lxi³ sa²yxo²we¹jah³lxi³hxai¹nhē³la²,
 yuh³lxah³lxi¹nha²kxai³la¹. Nxe³sxā³ yain³txi³su²
 sū³na²ki³lxo³nxe³ka³txa² ũ³hū¹yah³lxin¹te² yain³txa²
 yuh³lxah³lxin¹jau³su² i³yain³yah³lxi³ta¹hxā³nhē¹la².
 Jā¹yxah³lxi¹lxa². Nxe³sxā³ i³ye³yah³lxin¹te³nah¹lxi¹:
 — Yain³txi³su² Sū³na²ki³lxo³nxe³ka³txa²
 ũ³hū¹ain¹kxa² yain³ki³kxai²nān²tu³

wai³nhĩ³nx2nxa³i¹. Yah³lxin¹jau³su²
 nxe³yah³lxi³ta¹hi¹nhē¹la².

8 Wi¹lĩ²yũ¹nhē³ju³ta³la³ yũ²nxa³wa².
 Yain³ki³ju³txain²txi³ yain³ki³sxa³ju³tain²txi³
 Txa²wā¹sũ³na² yen³nāu³a¹ hau³hau³kon³ye²na³la².
 Yain³ki³sxa³kxai²nān²tu³ ko³nxe³ju³ta²
 ĩ²ũ¹nhē³lxa³lho³la². Te²yā¹nxe³sxā³
 a²yain³kxi²ki³kxai²nān²tu³wi¹lĩ²yũ¹nhē³nũ³nxa³lho³la².
 ĩ²li³ju³ta²na¹ hau³hau³kon³na³la².

9 Nxe³ha²kxai³la¹ wi¹la³ a³la³kxi²ki³kxan²ti³nũ¹
 txa²wā³tā³nāu³ ĩ³nxa² a²ē¹na² a³la³kxi²nxa³te²a²
 ĩ²jah¹lxi³hē¹la². Ya³lo³txi²sxā³yain³yah³lxin¹kxai²nān²tu³
 a²ē¹na² a³la³kxi²nxa³te²na² sa²kxai³lu²
 Txa²wā¹sũ³na² wān³txa² a³la³kxi²nxa³ha²kxai³
 ko³nxe³ti³ kãi³yain¹kxa²ya³n³txi³su²
 nxe³ya³nx2ta¹wa².

10 Te²yā¹nxũn³sxā³ a³la³kxi²te² ĩ³nxai²na²
 txa²wā¹sũ³na²su² ki³lxo³te² sxi²ha²
 ĩ³yain³te³lhxā³ ā³wih¹yah³lxin¹kxai²nān²tu³ a²ē¹na²
 a³la³kxi²nxa³te²na² sa²kxai³lu² a²wān³txi³kxai³lu¹
 a²ē¹na² e³kxi²nha²te³nah¹lxi¹:

— Jah¹lai²li² txa²wā¹sũ³nu²sa²ki³lxo³te²
 sxi²ha² ā³wih¹na³na¹. Ā³wih¹sxā³ yain³na³na¹.
 Nxe³ye²ha²kxai³ te²yā¹nxe² kãi³nũ³na¹tũ¹xā¹,
 ko³nxe³ti³ kãi³a¹kxan²ti³nā¹. Nxe²
 e³kxi²nha²hĩ³nx2na³la².

11 Nxe³kxai²nān²tu³ jah¹lai²li²
 a²ē¹na² a³la³kxi²nxa³jah¹la² sa²kxai³lu²
 wā³txi³nũ¹hĩ³nx2na³la². Je³su²jah³lai²na² wān³txa²
 wā³txi³ha²kxai³ jau¹xai²na² yxo²i²xa³lho³la².
 Nxe³kxai²nān²tu³ ā²la² a³la³kxi²te² ĩ²nxai²na²
 wxāi³ti³thin¹te²lah³lxi³hĩ³nxa¹lxa², Je³su²jah¹la²

hi²sen³kxai³lu² a²ẽ¹na² sa²hau³ko³te³lhxã³
ya³lu²kxa²nu¹hain¹kxan²ti³na².

12 Nxe³yah³lxin¹kxai²nãn²tu³ a³la³kxi²nxa³jah¹la²
wxa²wã³tã³su² jah¹lan²tu³ ko³nxe³ti³
kãi³ti³hi¹tain¹yah³lxi³hĩ³nxa¹lxa². Nxe³sxã³
Kris²tu³jah¹la² ko³nxe³ti³ kãi³si¹yhah³lxi³nũ³nhĩ³nxa¹lxa².

13 Jã¹nxa¹jut³su² ka³yxuh³xa² sĩ³na²
ĩ³so¹jĩ²na¹ju³tan¹te²kxa³ya³lhu² kãin²
a³la³kxi²nxa³jah¹la² kãi³a¹kxe³su² ĩ²sai¹nha²kxai³
wã³txi³sxã³ ko³nxe³ti³ kãi³si¹hai¹na¹kxa²yan³txi³su²
ka³yxuh³xa² sĩ³na² ĩ³so¹jĩ²xin²nxa³lho³la².
Nxe³hĩ³na¹wa².

9

Txa²wã¹sũ³na² ĩ³kaix1so¹te²su² yxau²xai³kxi³jau³su²

1 Nxa²ha¹te¹ ã³wa²sut1sxã³ yxau³na¹wa².
Je³su²jah³lai²na² ĩ³kaix1so¹sa²jah¹lo²su²
na¹wa². Je³su²jah³lai²na² Txa²wã¹hxi²kan¹ta²
Si³yxau³jah¹lo²su² ha²kxai³ txa²yen³khai¹xai²na²
wi¹wi¹nxe² ĩ²jah¹lo²su² te²sa¹wa². Je³su²jah³lai²na²
wãn³txa² yxo²ĩ²yah³lxin¹ju³ta³nũ³su² kãin²
o²la³kxi²nũ¹nx2ta¹tai¹ti²tu³wa².

2 Je³su²jah³lai²na² ĩ³kaix1so¹sa²ju³ta² a²nũ²a²
ã³xa² yxo²ĩ²yũ¹sai¹nxa³wa². Nxe³sain¹kxan²ti³
wxãi²na² yxo²ĩ²yũ¹sah¹lxi¹lxa². Txa²hxi²kan¹ta²
Si³yxau³jah¹la² Kris²tu³jah¹lo²su² te²a²
ĩ³yau¹ũ¹nx2ti³jah¹lo²su² te²sa¹jai¹ti²tu¹wa².

3 Nxe³sxã³ yxo²ĩ²sai¹nxa³te²na²
ĩ³wã³txi³sain¹kxai²nãn²tu³ nxe² ĩ³wa²lũ³xai¹na¹wa².

4 Jā¹nxe³sxā³ wa³ko³na¹tāu³a² yain³txi³su² ta³nxa²
ī³na²kxi²jau³su² ta³nxa² ũ³hūh¹sain¹kxai²nān²tu³
sa²so¹kxai¹na¹ju³ta² wain³na³la². Hxi²ka¹nhī³na¹wa².

5 Te²yā¹nxe³sxā³ txu¹ha² Txa²wā¹sū³na²
wān³txa² yxo²ī²ta¹ka³lxa² so¹na¹tū¹xā¹.
Nxa¹kxai²nān²tu³ wain³na³la². U²lxi³ hai³kxa²
ai³li² kan²txi³ tē³i² nxe³na¹ju³ta² wain³na³la².
Txa²wā¹sū³na² ī³kaix¹so¹tū³ka³txa² te²yā¹nxe²
kāi³i² Je³su²jah³lai²na² Txa²wā¹hxi²kan¹ta²
Si³yxau³jah¹lai²na² a²lon³ti³nāu³xa² te²yā¹nxe²
kāi³ai¹ni² Pe²jah³lo¹na² te²yā¹nxe² kāi³i²
nxain¹te²ju²hē³la². Te²yā¹nxe² kāi³a¹ju³ta²
hxi²kan¹nūn³na¹wa².

6 Nxe³sxā³ Bar³na³be²ah³la² txai²na²
Txa²wā¹sū³na²wān³txa² o²la³kxi²nūh¹nx2ti³ya³ha¹tāu³a²
ū³yho³hi²si¹sah¹lxi³nhīn¹jau³nū³su²
kwa³na³sih¹nxa²lxa¹jau³su² wai³nhī³nx2na³la².

7 Te²u¹jā¹nxe³jut3su² so³ta²to² nū³ka³txa²
wa³ko³nain¹kxai²nān²tu³ nūh¹wa³kon³sxā³
yain³txa² so¹kxain¹te²sxa³yu²hē³la². Yxān¹ta¹
o²la³kxain¹kxa² yo³ha² ũ³yho³hi²hain¹te²jai¹ti²tu³wa².
Te²yā¹nxe³sxā³ hai³sxa² ũ³whī¹jah¹lai²na²
sa²kxai³lu² a²hai³sxa³khai³xa² yain³txa² ka³to³kxa²
ī³yain³te²jai¹ti²tu³wa². Te²yā¹nxūn³sxā³ po¹na²
wa³kxēn³yah³la² sa²kxai³lu² po¹na² a²su³su³yau³xa²
wxa²wxi¹so¹sxā³ ī³na²te²jai¹ti²tu³wa².
Te²u¹jā¹nxe³nū³nhī³na¹wa².

8 Nxe³nxa²ha¹te¹ ũ³wha²li¹txā³nxu¹tai²nān¹jau³xa²
te²yā¹nxe² e³kxi²nē³ta¹hxai²ti³ai¹ti²tu³wa².

9 Nxe³sxā³ Moi³se²ah³lo²nu¹tai²na²
ū³wha²li¹txā³nxu¹tai²nān¹jau³xa² e³te³nah¹lxi¹:

— Po¹nai²na² yū¹te²a² yain³txa³ki³a² tū³ka³la³sxā³

tī³hau³si¹hin¹jau³su² ā³ki³hain³kxi²xai³tāu³a²
 nxēn¹tāu³a² po¹na² yxo²a² sa²yxo²tai³txa³hē¹li¹.
 ĩ³yain³ti³ten³kxai²nān²tu³ ĩ³yain³tai²li¹.
 Nxe³ta¹hxai²hē¹la². Nxe³jau³xu¹tai²na² sa²kxai³lu²
 po¹na² ũ³yhai¹ki³ju³ta² so¹lxi³ e³kxi²hī³nē³te²la¹xā³?

10 Ti³he¹nx²nxa³wa². Wa³kon³ki³kxa²
 yo³ha² ĩ³hau³ko³tū¹nhē³te³lhxā³ nxe²
 ĩ³tih³nxe³nē³lain¹te²jai¹ti²ti¹. Hai³sxa²
 ũ³whī¹jah¹lai²na² sa²kxai³lu² yain³txa²
 ki³kan¹ju³ta³nū³a² wah³nxe³ha²kxai³ yain³txa²
 ki³kan¹ki³a² wa²ni²lho¹jah¹la² wah³nxe³ha²kxai³
 nxe³te²jai¹ti²ti¹. Wa²ni²lho¹hxa³tāu³a¹
 yain³txa² wā²nhū¹nyhu¹si¹nyhain¹jau³nū³su²
 wah³nxain¹te²jai¹ti²tu³wa².

11 Jā¹nxa¹jut³su² wxa²ē¹nāu³ai²na² wān³txa²
 wi¹jau³xa² ĩ³tih³nxe³nx²ti³nha¹ha²kxai³
 wxa²yen³kxi³khai³xa² wā²nhū¹sah¹lxi³nhīn¹ju³ta²
 wain³na³la².

12 Txa²wā¹sū³na² wān³txa² ĩ³hen³txi³tū³ka³txai²na²
 sa²kxai³lu² a²yxo²ha³kxa¹ nxe²kāi³ū¹hain¹yah³lxin¹nū²hē³la².
 Te²yā¹nxūn³sī¹na¹wa². Sa²sen³so¹sain¹sī¹nxa³wa².
 Yen³kxa² wā²nhū¹nyhu¹ah³lxin¹kxa²
 so¹kxi¹nx²ti³sī¹na¹ju³ta² wai³nhī³nx²na³la².
 Yxān¹ta¹ wain³kxan²ti³ hai³txi³ wxa²yen³kxa²
 ten³sīn¹te²txā³wa². Kris²tu³jah¹lai²na² wān³txa²
 wi¹jau³xa² ĩ³wā³wā³txi³yah³lxin¹kxa²yan³txi³su²
 txa²hxi²ka² wa³kon³sī¹na¹tai¹ti²tu³wa².

13 Te²yā¹nxe³ju³kxai³lu¹ a²nū²a²
 ĩ²li³te²a² ka³yxuh³xa² tē³sxā³ wxā³nū²la²
 Txa²wā¹sū³na² ũ³hū¹te³lhxā³ nxain¹kxai²nān²tu³
 txah³lxa³kxa² a²ne³ka³na²nhāu³a² a²wā³kxi³kxai³
 ũh³wxe² a²wā³kxi³kxai³ sa²so² nxe³sxā³

yai³nain¹te²jai¹ti²tu³wa². Te²yā¹nxe³sxā³
 Txa²wā¹sū³na² sxi²ha² hau³ko³tū³ka³txa²
 wa³ko³nain¹tāu³a² yain³kxi³kxai³ yāx¹te²a²
 yai³nain¹te²jai¹ti²tu³wa².

14 Nxe³kxa² yā¹nxe³sxā³ Txa²wā¹sū³na² wān³txa²
 ī³yau¹ū³tū³ka³txai²na² sa²kxai³lu² ain³kxi²tū³ka³txa²
 hxi²ka² ũ³yhai¹txain¹te²ju²hē³la².

15 Jā¹nxa¹ju³kxai³lu¹ te²yā¹nxe²
 hxi²ka¹na¹kxan²ti³nū¹ ten³sa²nxa³hē¹la². Hai³txi³
 a²hī¹na¹ ten³sa²nxa³lho³la². He³ja³lu²sa²te³lhxā³
 sa³kxan²ti³ yain³txa² ī³yai³nxū³nxa²lxi³te²txā³wa².
 Jā¹nxe³sxā³ wxa²yen³kxa² wā²nhūh¹sah¹lxin¹ju³ta²
 ten³sa²nxa³nha²wa². Txa²wā¹sū³na² hi²sen³su²
 yen³kxa² ten³sa²kxa² tā³nxa² yain³txa² yai¹na¹kxa²
 tā³nxa² ī³hau³ko³tūh¹sain¹na²hē³la². Jāx¹sain¹tu¹wa².
 Nxe³ju³ta² so¹lxi³ te³na¹jau³su² yxo²kāin²txi³
 ī³hen³txi³na¹tu¹wa².

16 Txa²wā¹sū³na² wān³txa² wi¹jau³xa²
 ī³yau¹ū³hai¹na¹ju³ta² ten³jau³su²
 ī³sa²si¹hā³sa³na²hē³la². Ī³sa²si¹hā³sa³ha²kxai³
 nxe³ju³tan¹te²kxa³ya³lhu² ju¹tai²li² o²la³kxi²na¹wa².
 Nxe³na¹ju³ta² o²la³kxi²na¹ha²kxai³ yxo²kāin²txi³
 kwait¹te²txā³wa². Yxān¹ta¹ ju¹tai²li²
 ī³hen³txain¹nxa³kxai²nān²tū³ Txa²wā¹sū³na²
 ko³ton³kxi³sa²kxa²yan³txi³su² nxa¹nha²wa².

17 Te²yā¹nxe³ju³kxai³lu¹:

— Txa²wā¹sū³na² wān³txa² wā²nxūh¹lxi³
 ī³hen³txi³na¹tū¹xā¹. Na¹ke³la³te²kxai³
 ī³hen³txi³na¹kxa² yo³ha² yū³sa³hī³nx²na³la².
 Nxe³na¹ta¹ Txa²wā¹sū³na² kwa³na³sa³na²hē³la².
 Nxe³sa³ha²kxai³ te³na¹jut³su² tā³nxa² ten³nxa³jut³su²
 tā³nxa² yū²nxa³wa². Sa²wai³wait³sxā³

sa²yo²we¹tai¹na¹ju³ta² so¹li³ yū²na³la².

18 Nxe³na¹jut³su² yā¹te²ta³ ũ³yho³hi²sa²te³ji¹wa²?
 Wān³txai²li² ĩ³hen³txi³na¹tāu³a¹ a²yo³ha²
 ten³nxa³ju³ta² ka³lih³kxi²sa³tu¹wa². Ju¹tai²na²
 so¹li³ ten³sa³nha²wa². Wā²nxūh¹ ĩ³hen³txi³na¹wa².
 Ū³yho³hi²sa²si¹yhah¹lxin¹jau³su² hxi²kan¹txi³
 kwa³na³nx²ta¹kxan²ti³ wxa²yen³kxa² ten³te²txā³wa².

19 Ā³wa²sut¹sxā³ yxau³jah¹lo²sa¹wa².
 Ū³yho³hi²sa²jah¹lo²la³ yū³sa²nxa³ha²kxai³
 sa²yo²we¹ta¹ju³ta³la³ yū³sa²nxa³nha²wa².
 Nxe³yān¹ta¹ a²nū²a² ĩ²li³te²su² te²a²
 Kris²tu³jah¹lai²na² wān³txa² ĩ³yau¹ū³te³lhxā³
 nxa¹wa². Nxe³sxā³ wā²nxūh¹ wi¹lh¹it¹sxā³
 kwa²wa³ka³li³yu³ta³lo³tū¹ha¹tu¹wa².

20 Jā¹nxa¹ju³kxai³lu² Kris²tu³jah¹lai²na²
 wān³txa² sa²yo²we¹ta¹ha²kxai³ ā³wa²sut¹sxā³
 yxau³na¹wa². Hai³txi³ Ju³te²a²
 nū³ka³txai²na² yxau²xai³lain¹ju³ta³la³
 a²wa³kxēn³tot³sai¹nxa³ha²kxai³ Moi³se²ah³lu¹tai²na²
 kwa³na³jau³xu¹tai²na² a²wa³kxēn³tot³sa²nxa³ha²kxai³
 nxe³jah¹lo²sa¹wa². Nxe³te²sa¹kxan²ti³
 Ju³te²an¹ta² sxi²nhāu³a² yxau²xai³la¹kxai²nān²tu³
 Ju³te²an¹tū³ka³txa² yxau²xai³kxa²yā¹nxe²
 yxau²xai³la¹wa². Nxa¹ju³tan¹te²kxa³ya³lhu²
 Je³su²jah¹lai²na² wān³txa² yo²i² ā³si³wxe³ain¹tu¹wa².
 Te²yā¹nxe³sxā³ Moi³se²ah³lo²nu¹tai²na²
 wān³txa² sa²yo²we¹jah¹lai²na² sxi²nhau³a²
 yxau²xai³la¹kxai²nān²tu³ nxe³jah¹lu¹ta² yā¹nxe²
 yxau²xai³la¹wa², Je³su²jah³lai²na² wān³txa²
 yo²i²si¹hain¹jau³sa³.

21 Te²yā¹nxe³sxā³ Ju³te²a² nū³ka³txi³sxa³te²nāu³xa²

a²sxi²nhãu³a² yxau²xai³la¹kxai²nãn²tu³
 Moi³se²ah³lo²nu¹tai²na² kwa³na³jau³xu¹tai²na²
 nxe³wã²na³a¹wa², Kris²tu³jah¹lai²na² wãn³txa²
 sa²yo²wet¹si¹hai¹na¹jau³sa³. Jã¹nxa¹jut³su²
 Txa²wã¹sũ³na² kwa³na³jau³xa² sa²yo²ã³nxa³hẽ³la².
 Nxe³yãn¹ta¹ Kris²tu³jah¹lai²na² kwa³na³jau³xa²
 sa²yo²we¹ta¹jau³lo³na¹wa².

22 A²nũ²a² a²ẽ¹nãu³a² a³la³kxi²nxa³te²a²
 yxau³kxai¹na¹kxai²nãn²tu³ ã²la² kãn²
 a³la³kxi²na¹jau³xai²na² yo²kãn²txi³
 i³yau¹ũ³hai¹na¹ju³ta² yũ²nxa³wa². Nxe²nxa³ju³ta²sa¹:

– Toh³li³jau³su² e³i¹lx¹. A³la³kxi¹nxa³lx¹.
 Nxa¹jau³la³ e³sa²nxa³nha²wa². Nxe³na¹ju³kxai³lu²
 a²nũ²a²ĩ²li³te²su²te²a²hxi²kan¹txi³ĩ³yan³ta³kxi²sxã³
 yxau³nũ¹ha¹kxai²nãn²tu³ nxe²kã³ũ¹ha¹wa².
 Kris²tu³jah¹lai²na² wãn³txa² yo²ĩ²ain¹jau³nũ³a²
 so¹lx³ten³sa³nha²wa².

23 A²nũ²a² a²yo²ha³kxa¹ Kris²tu³jah¹lai²na²
 wãn³txa² ain³kxi²si¹hai¹na¹jau³su²
 nxe²kã³a¹wa². Nxe³sxã³ ain³kxain¹kxai²nãn²tu³
 i³ka³li³kxi²nũ¹sain¹na³la².

24 Nxa²ha¹te¹ a²nũ²a² kwa²wa³ni³lon³sxã³
 ã³naun³ti¹hain¹kxai²nãn²tu³ ka³na³ka³nat³sxã³
 ne³ka³ta²xi²te²an²tu³ a²yo³ha² so¹kxi²te²ju²hẽ³la²,
 a²yo²ha³kxa¹ ã³naun³ti¹hain¹kxan²ti³na².
 Ne³ka³ta²xi²jah¹la² so¹lx³ yãn¹txi³ nũ³kxũn³txi³
 ã³ni³ha²kxai³ a²yo³ha² so¹kxi²te²ju²hẽ³la².
 Ju¹ta² yã¹nxe³jut³sũ³nxe² nxũ²kwa¹lxũ¹txi³
 Je³su²jah³lai²na² wãn³txa² sa²yo²we¹jah³lx³hẽ¹la².

25 Kwa²wa³ni³lon³kxi²te²su² te²a²
 a²yo³ha² ã³nhe³hẽ¹nha²ka³lo³a² so¹te³lxhã³
 ne³ka³ta²ain¹te²ju²hẽ³la². Û³nhe³hẽ¹nha²ka³lo³a²

so¹te³lhxã³ ain¹kxai²nãn²tu³ a²nũ²khai³nãu³ai²na²
 nũ³kxũn³txi³ a³wa³ni³lon³sai³nhain¹sãn²te²ju²hẽ³la².
 Ain¹kxai²nãn²tu³ ã³nhe³hẽ¹nha²ka³lo³a²
 so¹hĩ³nx2na³la². ã¹nxe³ka³lo³a² wa³su³txi³
 khon³kxi²te²ju²hẽ³la². Yxãn¹ta¹ Kris²tu³jah¹lai²na²
 wãn³txa² wain³txi³ sa²yxo²wet1sxã³
 yxau³kxi²kĩ³kxai²nãn²tu³ kxãn¹nãu³a¹ oh³nãu³a¹
 yxau³kĩ³tãu³a¹ ã³yho³hi²nẽ³tu¹wa². A²nxe³nẽ³te²a²
 khon³kxi²ti³he¹nxe³lxa³lho³la².

26

Nxe³te²yo³ha² so¹kxi²te³lhxã³
 nũ³kxũn¹txi³ ã³nih³jut3sũ³nxe² o²la³kxi²na¹wa².
 Jã¹nxũn³sxã³ a²nũ²a² ha¹li¹ ã³wa³ni³lon³sxã³
 ã³nhe¹lain¹te²ju²hẽ³la². Nxe³ya³kxai²nãn²tu³
 a²nxe³jah¹lo²su² jah¹la² nũ³kxũn³jah¹la²
 a²hxi²kan¹jah¹lo²su² hĩ³nx2na³la².
 Yxãn¹ta¹ nũ³kxũn³yah³xa³kxai²nãn²tu³
 hxi²kan¹txi³sya¹hĩ³nx2nxa³wa². Jã¹nxe³jut3sũ³nxe²
 Txa²wã¹sũ³na² wãn³txai²li² ã³yau¹ũ³a¹jau³xai²li²
 nũ³kxũn³sxã³ o²la³kxi²na¹wa².

27

Nxe³na¹ju³ta² txa²nũ²nãu³khai³xai²na²
 sa²yxo²we¹nha²si¹sa²jau³su² txa²nũ²khai³xa²
 wxa²ka³to³nha² yxau²xai³nha¹wa². Nxe³ha²kxai³
 kxã³nãu³a¹ Je³su²jah³la² yen³nãu³a¹
 wãn³txa² wi¹jau³xa² ã³yau¹ũ³ta³lu²na¹tãu³a¹
 txa²nũ²nãu³khai³xa² wxa²ka³to³nha²
 yxau²xai³na¹ju³tai³tã² wi¹lĩ²sa²nxa³kxa²yan³txi³su²
 nxe² o²la³kxi²na¹wa².

10

Sũ³na² ki³lxo³ka³txa² sa²yxo²we¹jau³su²

1 Nxa²ha¹te¹ txa²wã³tã³nãu³xãi³.
 Txa²wã¹yah³la²nãu³xu¹tai²na² ã³xi²nha¹jah³lxi³hẽ¹la².

Moi³se²ah³lo²nu¹tai²na² ai³tũ³ka³txu¹txai²na² E³ji²ta²ko³xa² a³lan²ta² o³sĩ³na² ai³nu¹hain¹ta¹hxai²hẽ¹la². kah³je³na² yxu²ha³ti³lhi³ain¹ta¹hxai²nxa³hẽ¹la². Txai²wã¹sũ³na² o²la³kxi²sxã³ jã¹tĩh³na¹ sa²kxai³lu² a²yu³kxa² wã³nxĩn¹sxã³ i³ye³na² nxũ²kwai³ye³la²tĩh³na¹ sa²we¹ta¹hxai²hẽ¹la². we¹tũ²la² yxu²ha³kxa¹ i³ha³la³te²ti³hi¹tĩh³na¹ Txai²wã¹sũ³na² sa²kxai³lu² wã³nxĩn¹sxã³ i³ye³na² nxũ²kwai³ye³la²tĩh³na¹ jã¹tĩh³na¹ a²yu³kxa² ai³tĩh³na²nũ³a² sa²we¹ta¹hxai²hẽ¹la². A²nxe³tĩh³na² te²tĩh³na² yxu²ha³kxa¹ i³ha³la³te²ti³hi¹tĩh³na¹ aun³ta² yxu²ha³ti³lhi³yah³lxi³ta¹hxai²hẽ¹la².

2 Ai¹nha²kxai³ a²yxu²ha³kxa¹ Moi³se²ah³lo²nu¹tai²na² yxu²i²ai¹nha²kxai³ so¹nain¹ta¹hxai²hẽ¹la². o³sĩ³nai²na² nxũ²kwai³ye³la³tĩh³na² nxain¹ta¹hxai²hẽ¹la². a²nũ³ka³txi³khai³su² A²yxu²ha³kxa¹ ã³nũ²nxi² ai³ai¹nha²kxai³ i³ye³na² yxu²ha³ti³lhi³ai¹nha²kxai³

3 Ai¹nha²kxai³ a²yxu²ha³kxa¹ oh³nãu³a² i³sa²si¹hã³tũ³xa² yai³nain¹ta¹hxai²hẽ¹la². yain³tũ³xa²

4 A²yxu²ha³kxa¹ yũ²nxa³ko³xa² hi²sen³su² hi³sa³ka³txa² i³su²ta¹hxai²hẽ¹la². ã³si³wxe³ye²ta¹hxai²hẽ¹la². A²kxã¹nxa¹ i³yau³xa² Txai²wã¹sũ³na² i³kwa³na³ha²kxai³ hxi²tẽ³nha²sxã³ txah³lxa³kxa² i³su²lha²kxai³ i³yau³xa² ha³li³ Ha³li³ye¹nxa²ha¹te¹ Moi³se²ah³la² nũ³ka³txi³nu¹tai²na² na²ain¹ta¹hxai²hẽ¹la². Jã¹nxain¹jut³su²

Tah³lxa³kxi³nũ¹tai²li² wã³nxĩn¹ka³txa³nũ¹tai²li²
ã³si³tẽ³kxain¹ta¹hxai²hẽ¹la². Nxe³ta³ka³txa³nu¹tai²li²
Kris²tu³jah¹lo²su²ta¹hxai²hẽ¹la².

5 Nxe²xai³ain¹kxan²ti³a²ka³lxa¹txi³su²nũn³tãu³a²
hai³txi³ Txa²wã¹sũ³na² i³wi¹lxo³kxi²sxã³
ĩ³ka³li³kxai¹nxa³ju³tan¹te²kxa³ya³lhu² ha³lo²a²
ĩ²ai¹nxa³ko³nãu³a² ya³lun¹ti²hxa³nain¹ta¹hxai²hẽ¹la²,
a²nũ²a² hxi²kan¹ta³nũ³ka³txa²sa².

6 A²nxe³jau³jau¹xai²na² i³yau¹ũ³nhẽ³jau³xai²la¹wa².
Kõ³nxe³ti³ kãĩ³sxã³ yxo²kwai³nain¹kai³
jã¹nxe³ki³kxa²yan³ti³su² i³yau¹ũ³nhẽ³jau³xai²la¹wa².

7 Te²yã¹nxe² txa²wã¹sũ³nu²su² ki³lxo³ka³txa²
sa²yxo²we¹tain¹ku¹jã¹xah³lxi³txa³hẽ¹la².

A²kxã³nxa¹ sa²yxo²we¹tain¹ku¹jã¹xah³lxi³txa³hẽ¹la².
Nxe³jau³xai²li² Txa²wã¹sũ³na²ũ³wha²li¹txã³nxai³tãn¹jau³xa²
e³te³nah¹lxi¹:

— A²nũ²a² ã³wxe³ain¹sãn²nũ²la² txa²wã¹sũ³nu²su²
ki³lxo³ka³txa² yain³txa² yai³ni² i³na²kxi²jau³xa²
ĩ³na² ain¹ta¹hxai²hẽ¹li¹. Nxe³nũ²la²
ĩ³sa²yxau³nũ²la² kuh³lxa³thin¹sxã³ kõ³txi³
wa³ni³lo³nain¹ta¹hxai²hẽ¹li¹. Nxe³ta¹hxai²hẽ¹la².

8 Te²u¹jã¹nxe² kuh³lxa³thin¹sxã³
kõ³txi³ o²la³kxi²yah³lxi³txa³hẽ¹la².

A²kxã³nhxĩ¹nu¹tai²na² kuh³lxa³thin¹sxã³
kõ³txi³ o²la³kxi³nyhain¹ta¹hxai²ti³ai¹ti²tu³wa².
Kuh³lxa³thin¹sxã³ kõ³txi³ o²la³kxi²nyhai¹nha²kxai³
ye³ka³na³ka³nat³sxã³ a³la²ni²hĩ¹na¹ a²hĩn¹so¹lxi³
a²nũ²a²nãu³xa² ka³lxa¹khai¹nxe³kxan²ti³ 23.000
nxe³tũ³ka³txa²ya²lun¹txain¹ta¹hxai²hẽ¹la².

9 Txa²wã¹sũ³na² hxi²ye¹ta³lxi³yah³lxi³txa³hẽ¹la².
Nxe³ju³tan¹jau³xa²e³yah³lxi³txa³hẽ¹la². Te³nah¹lxi¹:

— Kõ³nxe³ti³ kãĩ³a¹kxan²ti³ Txa²wã¹sũ³nai²li²
hai³txi³ kõ³nxe³ti³ kãĩ³a¹kxa² yo³ha²

ũ³hũ¹sa²nxa³lho³na¹. Yah³lxin¹jau³la³
e³yah³lxi³txa³hẽ¹la². A²kxã³nxu¹tai²na²

nxe²kãi³ain¹ta¹hxai²ti³ai¹ti²tu³wa².
Nxe²kãi³ai¹nha²kxai³ Txa²wã¹sũ³na² hi²sen³kxai³lu²
txih³xa² wĩx¹te²a² ĩ³sa²si¹hã³ũ¹hai¹nha²kxai³
ka³lxa¹txi³ ĩ³lxa²ya²lu¹ta³lxain¹ta¹hxai²ti³ai¹ti²tu³wa².

10 Txa²wã¹sũ³na² kãi³ũ¹nhẽ³ju³ta² yxo²xũn¹txi³
ĩ³kwai²txa³lxi³yah³lxi³txa³hẽ¹la². A²kxã³nxu¹tai²na²
Txa²wã¹sũ³na² ĩ³kwai²txa³lxi³yai¹nha²kxai³
Txa²wã¹sũ³na² hi²sen³kxai³lu² oh³xan¹jah¹la²
sa²si¹hã³ha²kxai³ a³ka³nxĩ²sxã³ a²nũ²a² ka³lxa¹txi³
ĩ³ya²lu¹ta³lxi³ta¹hxai²ti³ai¹ti²tu³wa².

11 Nxe³ju¹tai²na² yxo²ha³kxa¹ ũ³yhe³ka¹tẽ³ju³ta²
ta¹hxai²hẽ¹la². Nxe³hĩ¹nãn¹te²tu³ jau³jau¹xu¹tai²na²
ĩ²ki³kxai²nãn²tu³ ĩ³tih³nxe³nẽ³jau³xai²la¹wa².
Txa²wã¹ha³lo²a² yuh³xan¹ko³ko¹xai²na²
ne³ki³son³ju³ta³nũ³su² ya³son³na³la².

12 Jã¹nxe³jut³su² ĩ²li³te²a² a²wãn³txi³kxai³lu¹
a²ẽ¹na² e³kxi²nha²te³nah¹lxi¹:

— A³la³kxi²khaix¹na¹xã¹. Hai³txi³ ko³nxe³ti³
kãi³nxa³lho³nã¹ txai²lã¹. Nxe³kxai²nãn²tu³
wi¹lĩ²nha²khai¹nxe³jah¹lxi³hẽ¹la². Ko³nxe³ti³
ã³ni²lhã³ ã³wi¹hã³sxã³ ko³nxe³ti³
kãi³yah³lxi¹nha³ta²wa².

13 Ko³nxe³ti³ kãi³si¹yhah³lxin¹jau³su² a²nũ²a²
yxo²ha³kxa¹ kãi³sain³te²ju²hẽ³la². Nxe² ko³nxe³ti³
kãi³sain³si¹nxa²lxi³tãu³a² Txa²wã¹sũ³na² sa²kxai³lu²
ne³wã²na³nx2ti³xa²lho³la². E³kxi¹nx2ti³jau³xa²
sa²yxo²ã³nha²nxa³sxã³ kãi³ũh¹nx2ti³tu¹wa².
Nxe³ha²kxai³ ĩ³nxũ²kwai³lxũ¹nx2ti³tu¹wa².
Nxe³nx2ti³ju³tan¹te²kxa³ya³lhu² ko³nxe³ti³
kãi³sain³si¹nx2ti³ju³ta³la³ a²ta³a² hxi²ka²

hxi²tha³txa¹lxi³xa³lho³la². Hāi¹sxā³ nū³kxūn³txi³
 ā³sen³sai¹ah³lxin¹tu¹wa².

14 Jā¹nxe³jut³su² a³lxi¹nx2ta¹wa².
 Ka³lih³kxi²la²nha² thāi³ti³la²sxā³ e³kxi¹nx2ta¹tu¹wa².
 Ain³kxi²sah¹lxi³hē¹la². Txa²wā¹sū³nu²su²
 ki³lxo³te²su² sa²nēn¹kxi²yah³lxi³txa³hē¹la².
 Ā³jxah¹lxi³hē¹la².

15 A³la³kxah¹lxi¹nha²kxai³ e³la¹ ī³ye³kxi¹nx2ta¹wa².
 Nxe³sxā³ e³kxi¹nx2ta¹jau³xai²li² wā²nxūh¹
 ī²nha¹jah³lxi³hē¹la².

16 Je³su²Kris²tu³jah¹la²ya³lu²kxi²nē³lhī¹nai³tān¹jau³xa²
 ī²xi²nha¹jah³lxi³hē¹la². A²sa³wi³ha³lxa² ī³kaix¹sxā³
 ā³yā³nū²kxi²sān²nū²la² yain³jau³xa² na²sxā³
 sa²ni²lhon¹ta³kxi²xai³ain¹na²hē³la². Nxe³ki³jau³xa²
 yā¹nxe² na²sxā³ sa²ni²lhon¹ta³kxi²xai³ki³tāu³a²
 Kris²tu³jah¹la² a²ti³ha²yau³xa² ha³li³ū¹nhē³ju³tai³tā²
 ī²xi²ki³tā³la². Te²yā¹nxūn³sxā³ yain³tū³xa²
 yain³yah³lxi³na²hē³la². Yain³tū³xa²
 yā¹nxe² yain³ki³te³na¹ Kris²tu³jah¹la²
 ya³lu²kxa²nu¹nhē³ju³ta²ī²xi²ki³tā³la².

17 Txa²wā¹ki³na¹xai²na² ka³lxa¹ki³kxan²ti³
 tū¹xai²na² yain³tū³xa² nū³ka³na³ka³nat³sxā³
 yain³ki³tā³la². Te²yā¹nxe³kxe³hū³nxe²
 Kris²tu³jah¹la² yxo²ī²ki³tū³ka³txi³ki³na¹xa²
 ka³na³ka³na³ki³tā³la². A²nū²a² ka³na³ka³na³kxa²
 yā¹nxe²ki³tā³la².

18 Nxa²ha¹te¹ Ju³te²a² nū³ka³txa²
 ī²xi²nha¹jah³lxi³hē¹la². Yain³txi³nū³su²
 tū³xa² Txa²wā¹sū³na² ū³hū¹ain¹tū³xa² tē³sxā³
 yai³nain¹ta¹hxai²ti³ai¹ti²tu³wa². Txah³lxa³kxa³txa²
 ū³nhe³hēt¹tain¹sān²nū²la² hā²wxān³txa³
 yai³nain¹ta¹hxai²ti³ai¹ti²tu³wa². Nxe³ki³sa²kxai³

yai³nain¹te³na¹ a²yo²ha³kxa¹ ã³nũ²nxi²sxã³
Txa²wã¹sũ³na² sa²nẽn¹kxain¹ta¹hxai²ti³ai¹ti²tu³wa².

19 Jã¹nxe³jut3su² Txa²wã¹sũ³nu²su² ki³lxo³ka³txa²
yain³txa² ã³hũ¹ki³kxai²nãn²tu³ wã³nxĩn¹ki³ju³ta²
kã³hĩ³ki³te²la¹xã³?

20 Hai³txi³ ti³he¹nx2nxa³wa². Hã¹sxã³
Txa²wã¹sũ³na² yxo²i²ai¹nxa³tũ³ka³txai²na²
sa²kxai³lu² Txa²wã¹sũ³nu²su² ki³lxo³ka³txa²
yain³txa² ã³hũ¹sxã³ sa²nẽn¹kxi²kxai²nãn²tu³
ko³nxe³te²a² yãu³ka³txa² ã³hũ¹nyhai¹nhĩ³nx2na³la².
Hai³txi³ Txa²wã¹sũ³na² wi¹tãu³la³
ã³hũ¹nyhai¹nhĩ³nx2nxa³wa². Jã¹nxe³jut3su²
ha²kxai³ ko³nxe³te²a² yãu³ka³txa²
o²la³kxi²nu¹nyhah³lxin¹ju³ta² ten³ti³hex1sa²nxa³nha²wa².

21 Txa²wã¹sũ³na² na²jau³xai²na²
sa²kxai³lu² Txa²wã¹hxi²kan¹ta² Si³yxau³jah¹la²
ya³lu²kxi²nũ¹nhẽ³ju³tai³tã² i²xi²ki³jau³xai²na²
sa²kxai³lu²i³na²sxã³ sa²ni²lhon¹ta³kxah³lxin¹kxai²nãn²tu³
ko³nxe³te²a² yãu³ka³txa² na²jau³xa² i³na²sxã³
sa²ni²lhon¹ta³kxah³lxin¹ju³ta² wai³nxa³wa².
Yau³ha¹li¹ i³na²yah³lxin¹kxai²nãn²tu³ wai³nxa³wa².
Te²yã¹nxe³sxã³ Txa²wã¹sũ³na² yain³tũ³xai²na²
sa²kxai³lu² Txa²wã¹hxi²kan¹ta² Si³yxau³jah¹la²
ya³lu²kxi²nũ¹nhẽ³ju³tai³tã² i²xi²ki³jau³xai²na²
sa²kxai³lu² yain³yah³lxin¹kxai²nãn²tu³
ko³nxe³te²a² yãu³ka³txa² yain³tũ³xa²
yain³yah³lxi³nũ³nĩn¹kxai²nãn²tu³ wai³nxa³wa².
Ko³nxe³te²a² yãu³ka³txa² yain³tũ³xa²
yain³yah³lxin¹ju³ta² wai³nxa³wa². Tũ³ha¹li¹
yain³yah³lxin¹kxai²nãn²tu³ wai³nxa³wa².

22 Txa²wã¹hxi²kan¹ta² Si³yxau³jah¹la²

ĩ³xan³ta³kxi²nẽ³ju³ta² ten³yah³lxin¹ta¹ji¹wa²?
 Txa²wã¹hxi²kan¹ta² Si³yxau³jah¹la²
 nũ³kxũn³te²jai¹ti²tu³wa². Nxe³to³ta¹ nũ³kxũn³sxã³
 ã³sen³sai¹yah³lxi³hĩ³nxãn¹ji¹wa²? Hai³txi³
 ti³he¹yxah³lxi³hĩ²nxa³lxa².

A³lxi²waun¹nyhu¹sxã³kãi³nyhu¹ki³jau³su²

23 Nxa²ha¹te¹ wxa²ha³tih³ ĩ³nxa²
 nxe²e³kxah¹lxin¹te³nah¹lxi¹:

— “Ĩ²li³ju³ta² kãi³a¹tũ¹xã¹.” Nxa¹kxai²nãn²tu³
 hxi²kan¹txi³ kãi³hĩ³na¹wi¹. Yah³lxin¹jau³xa²
 wain³na³la². Yxãn¹ta¹ wi¹lye²nxa³kxai²nãn²tu³
 wai³nxa³wa². ã³nxũ²kwai³lxũ¹waun¹nyhu¹xa³kxai²nãn²tu³
 wai³nxa³wa².

24 Te²yã¹nxe³sxã³ wxa²ten³yah³lxin¹ju³khai³xa²
 so¹lxi³ ã³no²la³kxi²nyhah¹lxi³txa³hẽ¹la².
 Wxa²wã³tã³xai²na²a²ten³ju³ta² ã³no²la³kxi²nũ¹txain¹yah³lxi³nũ³nh

25 Nxe³sxã³ nxe²kãi³jah¹lxi³hẽ¹la². Ka³yxuh³xa²
 sĩ³na² sxi²ha² so¹kxi²nyhu¹kxi³thĩ³na²
 ai³yah³lxin¹kxai²nãn²tu³ ka³yxuh³xa² ĩ²li³thĩ³na²
 ten³yah³lxin¹kxa² so¹kxi¹txain¹yah³lxi³hẽ¹la².
 Kõ³nxe³te²a² yãu³ka³txa² ĩ³yain³jau³nũ³la³
 ĩ³wã³txain¹yah³lxi³txa³hẽ¹la². ĩ³wã³txain¹yah³lxan³ka³tu³
 e³kxi²nha²yah³lxan³ka³tu³ hãi¹sxã³
 wã²nhĩ¹jah³lxi³hẽ¹la².

26 Nxe³ju³tai²li² Txa²wã¹sũ³na²
 ũ³wha²li¹txã³nxai³tã² nxe³te³nah¹lxi¹:

— Txa²wã¹ha³lo²a² yxo²ha³kxa¹ yen³kxai²na²
 yxo²ha³kxa¹ Txa²wã¹hxi²kan¹ta² Si³yxau³jah¹la²
 a²wa³kxẽn³txa²na³li¹. Nxe³ta¹hxai²hẽ¹la².

27 Nxe³ha²kxai³ Txa²wā¹sū³na²
wān³txa² yxo²i²xa³te²a² ĩ³yain³te³lhxā³
ka²la¹txa³lxi³kxai²nān²tu³:

— Ai³sxā³ yain³kxi²ti³ten³sa³nha¹.
Yxah³lxin¹kxai²nān²tu³ yain³txa²
ũ³hũ¹nx2ti³kxa² hāi¹sxā³ yain³jah¹lxi³hē¹la².
Kāin² a³la³kxi²nxa³jah¹la² yain³txa²
ĩ³wā³txi¹nũ¹hain¹yah³lxi³txa³hē¹la².

28 Nxe³yān¹ta¹ kāin² a³la³kxi²nxa³jah¹lo²su² te²su²
te²a² ĩ³ye³kxi¹nx2ti³te³nah¹lxi¹:

— Yain³txai²li² sū³nu²su² ki³lxo³jah¹lai²na²
yain³txai²la¹wi¹. Nxe³nx2tain¹kxai²nān²tu³
yain³yah³lxi³txa³hē¹la². E³kxi¹nx2ti³jah¹la²
a³la³kxi²nxa³ha²kxai³ko³nxe³ti³kāi³si¹hain¹yah³lxin¹kxa²yan³ti³su²
yain³yah³lxi³txa³hē¹la².

29 Wxa²ē¹nāu³ai²na² a³la³kxi²khai¹xah³lxi¹nha²kxai³
yxān¹ta¹ jah¹la² a³la³kxi²nxa³ha²kxai³
hāi¹nxa¹jah¹lxi³hē¹la². Nxa²ha¹te¹
wxa²ha³ti³ ĩ³nxai²na² wān³txi³kxai³lu¹
ĩ³wa²lũ³xi²sah¹lxin¹te³nah¹lxi¹:

— Ju¹tai²li² ten³sa²nxa³nhai¹. A³la³kxi²nxa³jah¹lai²li²
o²la³kxi²na¹kxe³su²ĩ³kāi²nxa³tot3si¹hai¹na¹kxai²nān²tu³
wi¹lxa³wi¹. Ten³sa²nxa³nhai¹.

30 Yain³txai²li² Txa²wā¹sū³na²
sa²nēn¹kxi²nu¹sān²nũ²la² wi¹lhiti¹sxā³
yai³na¹kxai²nān²tu³ jah¹lai²li² a³la³kxi²nxa³jah¹la²
ĩ³kwai²kxi²sain¹ju³ta² wai³nxa³wi¹. Nxēn¹jau³su²
ha²kxai³,

31 Txa²wā¹sū³na² sa²nēn¹kxi¹jah³lxi³hē¹la².
ĩ²li³ju³ta² kāi³yah³lxin¹ju³ta² yain³txa²
yain³ta³nxa² ĩ³na²jau³xa² ĩ³na²ta³nxa² ĩ²li³ju³ta²

kāi³yah³lxin¹kxai²nān²tu³ Txa²wā¹sū³na²
wxi²kin³ti³ton³ti³hi¹tai¹yah³lxi³hē¹la².

32 A²nū²a²ko³nxe³ti³kāi³ti³hi¹tain¹yah³lxi³txa³hē¹la².
Ju³te²an¹te²su² tā³nxa² Ju³te²an¹te²sxa³te²su²
tā³nxa² Je³su²jah³lai²na² wān³txa² yxo²i²sxā³
yxau²xai³tū³kā³txi³su² tā³nxa² i²li³te²hū³te²a²
ko³nxe³ti³kāi³ti³hi¹tain¹yah³lxi³txa³hē¹la².

33 Txai²yā¹nxe² kāi³jah³lxi³hē¹la². A²nū²a²
yxo³ha³kxa¹ a³la³kxain¹kxa² yā¹nxe²
kāi³ū¹hai¹na¹wa². Hai³txi³ wā²nxū^h1 kāi³nxa³wa².
Ko³nxe³ti³ kāi³yah³lxin¹ju³ta² ā³wa²sut1sxā³
yxau³si¹nx2ta¹jau³su²kāi³na¹wa².

11

1 Nxa²ha²kxai³ kāi³a¹kxa² yā¹nxe²
kāi³jah¹lxi³hē¹la². Txai²li² Kris²tu³jah¹la² kāi³kxa²
yā¹nxe² kāi³jah¹lo²su²te²sa¹wa².

Txu¹ha²wain³txi³kāi³jau³su²

2 Ju¹ta³la³ nxa²ha²kxai³ wi¹lxo³kxi²sah¹lxi¹lxa².
Wān³txa² i³yau¹ū¹nx2ta¹jau³xai³tā²
yxo²ha³kxa¹ sa²yxo²wet1sah¹lxi³ta¹hi¹nhē¹la².
Nxe³wā²na³yah³lxi³ta¹hxā³nhē¹la². Nxe³ju³tai²li²
sa²nēn¹kxi¹nx2ta¹wa².

3 Yau³ā³xa² i³yau¹ū¹nx2ta¹tu¹wa².
i³yau¹ū¹nx2ta¹jau³xa²sa¹, a²hxi²kan¹te²in³txi³nāu³xa²
Kris²tu³jah¹lai²la²na³la². Te²yā¹nxe³sxā³txu¹hai²na²
a²hxi²kan¹txan²tu³ a²wē³sāi¹yah³lai²la²na³la².
Te²yā¹nxūn³sxā³ Kris²tu³jah¹la² a²hxi²kan¹txan²tu³
Txa²wā¹sū³nai²la²na³la².

4 Nxe³ha²kxai³ in³txai²na² sa²kxai³lu²
Txa²wā¹sū³na² i³ye³kxi²kxai²nān²tu³

ũ³nhe³hē¹nha²ka³lo³a² sa²ne³sai¹nha²sān²sxā³
 ī³ye³kxi²hī³nx2na³la². Te²yā¹nxe³sxā³
 Txa²wā¹sū³na² wān³txa² ī³yau¹ū¹te³lhxā³
 jah¹lo²su² kxai²nān²tu³ ũ³nhe³hē¹nha²ka³lo³a²
 sa²ne³sai¹nha²sān²sxā³ ī³yau¹ū¹hī³nx2na³la².
 Nxe³sxā³ sa²ne³sai¹nhā²nxa³kxai²nān²tu³
 Kris²tu³jah¹la² a²i³lxa² ko³te²lo³tai¹nhī³nx2na³la².

5 Te²yā¹nxe³ju³ta² txu¹hai²li² Txa²wā¹sū³na²
 ī³ye³kxi²kxai²nān²tu³ ũ³nhe³hē¹nha²ka³lo³a²
 yū²nxa³kxai²nān²tu³ a²wē³sāi¹yah³la² a²i³lxa²
 ko³te²lo³te²ju²hē³la². Te²yā¹nxe³sxā³ Txa²wā¹sū³na²
 wān³txa² ī³yau¹ū¹te³lhxā³ txu¹ha³ka³lxu³su²
 kxai²nān²tu³ ũ³nhe³hē¹nha²ka³lo³a²
 yū²nxa³kxai²nān²tu³ a²wē³sāi¹yah³la² a²i³lxa²
 ko³te²lo³te²ju²hē³la². Nxe³ta¹ka³lxai²na²
 ũ³nhe³hē¹nha²ka³lo³a² yū²nxa³ta¹ka³lxa²
 ũ³nhe³ko¹lhxa³nha²ta¹ka³lxa² yā¹nxe³te²ju²hē³la².
 Ju¹tai²li² wai³nxa³wa².

6 Nxe³yān¹ta¹:

— ũ³nhe³hē¹nha²ka³lo³a² ten³sa²nxa³nha¹.
 Ta¹ka³lxu²su² kxāi²nān²tu³ ũ³nhe³ko¹la³kxi¹txai¹nhē³la².
 A²wē³sāi¹yah³la² a²i³lxa² ko³te²lo³te²ju²hē³la².
 Yxān¹ta¹ ũ³nhe³ko¹lhxa³ki³nha²ju³ta² tā³nxa²
 kwa²hāi¹nxe² ũ³nhe³ko¹kxe³su² tā³nxa²
 te³nai¹nxa³jau³su² ũ³nhe³tī¹kxi²txai¹nhē³la².

7 In³txai²na² sa²kxai³lu² hai³txi³
 ũ³nhe³hē¹nha²te²sxa³yu²hē³la². A²wi¹lhī¹nu¹tai²na²
 Txa²wā¹sū³na² yā¹nxe² in³txa² we¹ta¹hxai²hē¹la².
 Nxe³ha²kxai³ Txa²wā¹sū³na² a²nū²a²nāu³xai²na²
 yxo²ha³kxa¹ Txa²wā¹hxi²kan¹tai²la¹wa².
 Te²yā¹nxe³sxā³ in³txai²na² sa²kxai³lu²
 txu¹ha² a²hxi²kan¹jah¹lo²su² te²ju²hē³la².

Txa²wā¹sū³na² wxi²kin³ti³ton³ju³khai³xa²
wā²nā³ū¹jah¹lai²la¹wa². Txu¹ha² sa²kxai³lu² in³txa²
wxi²kin³ti³ton³ju³khai³xa² wā²nā³ū¹ta¹ka²lxai²la¹wa².

8 A²wi¹lhī¹nu¹tai²kxai³lu² Txa²wā¹sū³na²
hi²sen³su² in³txa² we¹ta¹hxai²hē¹la².
Wet¹sān²nū²la² in³txa² a²nxi³ta² tē³sxā³ txu¹ha²
we¹ta¹hxai²ti³ai¹ti²tu³wa².

9 In³txi³nū¹ta² nūh¹yxau³ki³nū³a² te³nxa³ha²kxai³
txu¹ha² we¹tūn³ta¹hxai²hē¹la².

10 Nxe³ha²kxai³ oh³xan¹tū³ka³txa²
ī²nē³lai¹nha²kxai³ txu¹hai²na² sa²kxai³lu²
ū³nhe³hē¹nha²ka³lo³a² ūh³nhe³tū¹nha²te²ju²hē³la².

11 Jā¹nxe³jut³su² Kris²tu³jah¹la² tīh³na²
ā³nxi³ki³ju³ta² txu¹hai²na² sa²kxai³lu² in³txai²li²
ā³sxā³ nūh¹xai³ju³ta² hxi²kan¹te²sxa³jai¹ti²tu³wa².
Te²yā¹nxe³sxā³ in³txai²na² sa²kxai³lu²
txu¹hai²li² ā³sxā³ nūh¹xai³ju³ta²
hxi²kan¹nūn³te²sxa³jai¹ti²tu³wa².

12 A²wi¹lhī¹nu¹ta²kxai³lu² Txa²wā¹sū³na²
hi²sen³su² in³txai²li² wet¹sān²nū²la²
in³txai²na² a²nxi³ta² tē³sxā³ a²txu¹ha³ka³lxa²
we¹ta¹hxai²ti³ai¹ti²tu³wa². Nxe³hī¹nān¹te²tu³ in³txa²
wē³sai²na² sa²kxai³lu² txu¹ha² ē¹nāu³a¹ yxau³ni²sxā³
a³li³lah¹sxā³ txon¹te²jai¹ti²tu³wa². Nxe³ha²kxai³
yen³kxa² yxo²ha³kxa¹ Txa²wā¹sū³na² we¹jah¹lo²su²
ta¹hxai²ti³ai¹ti²tu³wa².

13 Jā¹nxe³jut³su² txu¹hai²li² Txa²wā¹sū³na²
e³kxi²tāu³a² ne³hē¹nha²ka³lo²a² yū²nxa³kxai²nān²tu³
wai³nxa³wa². Te²yā¹nxūn³sxā³
ū³nhe³ko¹la³kxi²nha²sān²sxā³ Txa²wā¹sū³na²
e³kxi²kxai²nān²tu³ wain³nūn³nxa³wa². Ju¹tai²li²
wā²nxūh¹ ain³nha¹jah³li³hē¹la².

14 In³txai²li² a²ne³kī³sxa² a³lu²kxai²nān²tu³
 āu²li²jut3su² te²ju²hē³la².

15 Yxān¹ta¹ txu¹hai²na² sa²kxai³lu² a²ne³kī³sxa²
 a³lu²kxai²nān²tu³ ī³wi¹lxo³kxi²te²ju²hē³la².
 A²ne³kī³sxa²li² ũ³nhe³tī¹kxi²nha²ha²kxai³la².

16 Jā¹nxe³ju³tai²li² ī³kwai²kwai²kxi²ta²yah³lxin¹kxai²nān²tu³
 hai³txi³ wain³txi³ kāi³yah²lxa³lxa².
 Sxi²ta² hāi¹nxe³ti³xa¹ jau¹xai²na² so¹lxī³
 ī³yau¹ū¹nxa²lxa¹wa². Txa²wā¹sū³na²
 yxo²ī²tū³ka³txi³nāu³xai²na² yxo²ha³kxa¹ nxe²
 ī³yau¹ū¹hai¹nhxai²na¹hē³la².

Je³su²jah³la² ya³lu²kxi²nū¹nhē³ju³tai³tā² ī²xi²jau³su²

17 Nxe³ha²kxai³ yu³tā³xai²li² e³kxi¹nx2ta¹tu¹wa².
 Nxe³ju³tai²li² wi¹kāi³yah²lxa³lxa². Txa²wā¹sū³na²
 wān³txa² ain³kxi²te³lhxā³ ā³yā³nū²kxah¹lxin¹tāu³a¹
 sa²nēn¹kxi¹nx2ta¹ju³ta² hxi²kan¹sa²nxa³nha²wa².
 Kō³thi¹non³yah³lxī¹lxa².

18 Nxe³sxā³ Je³su²jah³lai²na² wān³txa²
 yxo²ī²sxā³ yxau²xai³yah³lxin¹tū³ka³txi³ ī³nxai²na²
 ā³yā³nū²kxah¹lxin¹te³na¹ a²ha³tih³nāu³ ī³nxā²
 ī³ye³ī³yi²lho¹kxi²nyhu¹ah³lxī³ta¹hi¹nhē¹la².
 Kwa²wān³txi³sxa³nū²nha²wa². Wān³txi³khai³su²nū²nha²wa².

19 Ha³na³ka³lxī³ ain³nha²kī³ju³ta²
 yū²xai³kī³te²ju²hē³la². Yū²xai³kī³sa²kxai³
 a²nū²a² a²hoh³lxī³su² te²su² te²a² e³la¹
 a³la³kxi²nū³ye²kī³tu¹wa².

20 Jā¹nxe³jut3su² ī³yain³kxi²te³lhxā³
 ā³yā³nū²kxah³lxin¹kxai²nān²tu³ hai³txi³
 Txa²wā¹hxi²kan¹ta² Si³yxau³jah¹la²
 ya³lu²kxi²nū¹nhē³ju³tai³tā² ī²xi²kxi³jut3sxa³wa².
 Ha³na³ka³lxin³na³la².

21 Nxe³ha²kxai³ yain³te³lhxã³ yah³lxin¹tãu³a²
 ha³na³ka³lxi³ yai³nxa²xai³yah³lxi³ta¹hi¹nhẽ¹la².
 Wah³nxũ¹hah³lxa³lxa². Hãi¹sxã³ a²yain³txi³khai³xa²
 wa³su³txi³ yai³nxa²xai³yah³lxi³ta¹hi¹nhẽ¹la².
 Nxe³yah³lxin¹sxã³ a²ha³tih³ i³nxa² sa²kxai³lu²
 heh³hi² yxah³lxi¹nha²kxai³ a²ha³tih³
 i³nxa² sa²kxai³lu² i³na²jau³xa² i³na²sxã³
 wen¹yah¹lxi¹nha²kxai³ nxe³yah³lxi³ta¹hi¹nhẽ¹la².

22 Wxa²sxi²khai³xa² yain³txi³su² tã³nxa²
 i³na²kxi³jau³su² ta³nxa² yũ³nxa²lxi³ta²lu¹wa².
 Nxe³sxã³ nxe² o²la³kxi²yah³lxin¹kxai²nã²tu³
 Je³su²jah³lai²na² wãn³txa² yxo²i²sxã³
 yxau²xai³tũ³ka³txa² ko³nxe³ti³ kãi³ũ¹hah³lxi¹nhẽ³la².
 Te²yã¹nxe³sxã³ a²nũ²a² yain³kxi³txa²te²a²
 wxã³te²su² te²a² yai³nhxa³je²yah³lxi¹nha²kxai³
 ãu²li²to³tain¹yah³lxi¹lxa². Nxe²kãi³yah³lxi¹nha²kxai³
 hxi²kan¹txi³ wi¹le³kxi¹nx2ti³nxa³lho³la².

23 Jã¹nxa¹jut3su² i³yau¹ũ³ye¹nx2ta¹jau³xai³tã²
 Txa²wã¹sũ³na² i³tih³nxe³sa²jau³xai²la¹wa².
 Nxe³te³nah¹lxi¹, Je³su²jah¹la² Txa²wã¹hxi²kan¹ta²
 Si³yxau³jah¹lo²su² ha²kxai³ txa²wã¹ha³lo²a²
 yxau³hĩ¹nai³tã² nxe³ta¹hxai²hẽ¹la². Ju³ta²sah³lai¹tã²
 i³ko¹x1ko¹son²kxi²te³lhxã³ ka³nxah³hi²nxa³ta³lxa¹
 Je³su²jah¹la² yain³tũ³xa² hxi²tẽ³nha²sãn²nũ²la²,

24 Txa²wã¹sũ³na² i³wi¹lxon³kxi²si¹jau³xa²
 e³kxi²ta¹hxai²hẽ¹la². Nxe³nũ²la² yain³tũ³xai²li²
 wã²nãu²lxi²sxã³ ũ³hũ²xai³te³nah¹lxi¹, a²sa³wi³ha³lxa²
 e³kxi²te³nah¹lxi¹:

— Tũ¹xai²li² Txa²nũ²a² yã¹nx2na³li¹.
 Ya³lu²kxi²nũh¹nx2ta¹tu¹wi¹. Yain³tũ³xai²na²
 yain³yah³lxi¹nhĩ¹na¹ ya³lu²kxi¹nx2ta¹ju³ta²

ĩ²xi²sa²sxã³ yain³jah¹lxi³to³hẽ¹li¹.
 Nxe³nyhain¹ta¹hxai²hẽ¹la².

25 Te²yã¹nxũn³sxã³ yain³ta³lu²nain¹sãn²nũ²la²
 a²ko²pẽ³na² ĩ³na²tẽ³nai²li² hxi²tẽ³nha²te³nah¹lxi¹:

— Txa²ko²pẽ³na² ĩ³na²na¹jau³xai²li²
 Txa²ti³ha²yau³xa² yã¹nx2na³li¹. Wãn³txa²
 tah²yau³xa² ĩ³ye³kxi¹nx2ta¹jau³xai³ jã¹nxe²
 kã³ũh¹nx2ta¹jau³nũ³ai²la¹wi¹. A²nũ²a²
 ko³nxe³ti³ kã³ju³ta² ã³wa²sut1si¹ha¹jau³nũ³su²
 Txa²ti³ha²yau³xa² ha³li³hxn³sa³tu¹wi¹. Nxe³sxã³
 jau³jau¹xai²na² ĩ³na²yah³lxi³to³hin¹kxai²nãn²tu³
 ãh¹ ĩ²xi²sa²si¹nx2ti³jau³su² yain³jau³xai²li²
 ya³lu²kxi²nũh¹nx2ta¹kxa² ĩ²xi²sah¹lxin¹jau³xai²li²
 ĩ³na²ũh¹sah¹lxi³to³hẽ¹li¹.

26 Nxe³sxã³ te²yã¹nxe² yain³tũ³xai²li²
 ya³lu²kxi²nũh¹nx2ta¹ju³ta² ĩ²xi²sa²sxã³
 yain³tũ³xai²li² ĩ³yai³ni² ĩ³na²jau³xai²li²
 ya³lu²kxi²nũh¹nx2ta¹ju³ta² ĩ²xi²sa²sxã³
 ĩ³na²jau³xai²li² ĩ³na² nxe³yah³lxi³to³hi¹nhĩ¹na¹
 wxa²ẽ¹na² sa²hau³ko³tũh¹nx2ta¹ju³ta²
 ĩ³hen³txi³yah³lxi³to³hin¹tu¹wi¹. A³ka³nxi²sxã³
 wã³li²nxa³ta³lxa¹ jã¹nxe³jah³lxi³to³hẽ¹li¹.
 Je³su²jah³la² nxe³nyhain¹ta¹hxai²hẽ¹la².

27 Te²yã¹nxe³sxã³ a²nũ²a² ĩ²li³te²su²
 te²a² Txa²wã¹hxi²kan¹ta² Si³yxau³jah¹lai²na²
 yain³tũ³xai²li² ya³lu²kxi²nũ¹nhẽ³ju³ta² ĩ²xi²sa²sxã³
 yain³ki³tũ³xai²li² yah³son³sxã³ yai³ni²
 ĩ³na²jau³xai²li² ya³lu²kxi²nũ¹nhẽ³ju³ta² ĩ²xi²sa²sxã³
 ĩ³na²ki³jau³xai²li² yah³son³sxã³ ĩ²na² nxe³jah¹lo²su²
 jah¹la² a²hi²ki³te²lxa²na³la². Kris²tu³jah¹la²
 Txa²wã¹hxi²kan¹ta² Si³yxau³jah¹lo²su² ha²kxai³

a²ti³ha²yau³xa² ko³nxe³ti³ kãi³ũ¹hi² a²nũ²khai³xa²
 ko³nxe³ti³ kãi³ũ¹hi² nxe² kãi³jah¹lo²su² hĩ³nx2na³la².
 Nxe³sxã³ Kris²tu³jah¹la² ya³lu²kxi²nũ¹nhẽ³ju³ta²
 ko³nxe³ti³ e³kxi²jau³su² hĩ³nx2na³la².

28 Nxe³ha²kxai³ yain³tũ³xai²li²
 ya³lu²kxi²nũ¹nhẽ³ju³ta² ĩ²xi²sa²sxã³
 yain³ki³tũ³xai²li² ĩ³yain³yah³lxan³ta³lxa¹
 ĩ³na²jau³xai²li² ya³lu²kxi²nũ¹nhẽ³ju³ta²
 ĩ²xi²sa²sxã³ ĩ³na²ki³jau³xai²li² ĩ³na²yah³lxan³ta³lxa¹
 wxa²ẽ¹nãu³xai²na² wã²nxũ¹ ĩ³na²hã¹jah³lxi³hẽ¹la²,
 kwa²to³to³h³lxi³ e³kxi²nyhah¹lxin¹kxa²yan³ti³su².

29 Nxe³sxã³ ĩ³yai³ni² ĩ³na² yxah³lxin¹tãu³a²
 Txa²wã¹hxi²kan¹ta² Si³yxau³jah¹lai²na²
 kãi³ũ¹nhẽ³ju³ta² ãh¹ ĩ³na²nyhah²lxan³kxai²nãn²tu³
 a²hi²ki³te²la³ yah³lxi³hĩ³nxa¹lxa².
 Nxe³yah³lxin¹ju³tan¹te²kxa³ya³lhu² Txa²wã¹sũ³na²
 hi²sen³kxai³lu² ko³nxe³ti³ ĩ³yĩ¹li¹nx2ti³ju³ta²
 yũ³tu¹wa².

30 Te²yã¹nxe² kãi³yah³lxi³to³hi¹nha²kxai³
 wxa²ha³tih³ ĩ³nxai²na² ĩ³ton³nxa²lxi³i²
 hai²la³kxi²nxa²lxi³i² nxe³nx2ti³kxa²yã¹nxũ³sxã³
 nũ³ka³txi³ã³tũ³ka³txi³ ĩ³nxai²ya²lun¹ta³kxi²nx2tain¹na³la².

31 Nxe³ha²kxai³ ĩ³na²nyhah¹lxin¹jau³khai³xa²
 ĩ²xai³nha¹jah³lxi³sã²nhẽ³la². Nxe³sxã³
 ĩ²nyhah¹lxi³sã²nĩn¹kxai²nãn²tu³ Txa²wã¹sũ³na²
 ko³nxe³ti³ ĩ³yĩ¹li²nxa²lxi³ju³ta³nũ³lo³nyhah¹lxi³hĩ³nx2nxã³lxa².

32 Nxe³yã¹nta¹ Txa²wã¹sũ³nai²li² hĩ¹na²
 ko³nxe³ti³ ĩ³yĩ¹li²nhẽ³ju³ta³lon³kxai²nãn²tu³
 ĩ³wai¹te³kxai²nãn²tu³ kxã³nãu³a¹ a³ka³nxi²sxã³
 wa³li²tãu³a¹ a²nũ²a² ko³nxe³thin¹te²su² te²a²
 ko³nxe³ti³ ĩ³yĩ¹li²hain¹tu¹wa². Nxai¹nhĩ¹na¹

te²yā¹nxe³nē³lxa³lho³la².

33 Jā¹nxe³jut³su² Txa²wā¹sū³na² yain³kī³tū³xai²li²
ya³lu²kxi²nū¹nhē³ju³ta² ī²xi²sa²sxā³
yain³kī³tū³xai²li² ī³yai³ni² ī³na²kī³jau³xai²li²
ya³lu²kxi²nū¹nhē³ju³ta² ī²xi²sa²sxā³ ī³na²kī³jau³xai²li²
ī³na² nxe³kī³te³lhxā³ ā³nū²kxi²yah³lxi¹nhī¹na¹
wah³nxe³nha¹jah³lxi³hē¹la².

34 Nxe³yān¹ta¹ wxa²ha³tih³ ī³nxai²na²:

— Heh³khaix¹sa³nha¹. Yah³lxin¹kxai²nān²tu³
wxa²sxi²khai³xa² yain³jah¹lxi³sā²nhē³la².
Nxe³yah³lxin¹ka³tu³ wxā³sxā³ ā³yā³nū²kxi²yah³lxin¹sxā³
Txa²wā¹sū³na² yain³tū³xai²li² ya³lu²kxi²nū¹nhē³ju³ta²
ī²xi²sa²sxā³ yain³kī³tū³xai²li² ī³yai³ni² ī³na²jau³xai²li²
ya³lu²kxi²nū¹nhē³ju³ta² ī²xi²sa²sxā³ ī³na²kī³jau³xai²li²
ī³na² nxe³jah³lxi³hē¹la², Txa²wā¹sū³na²
ko³nxe³ti³ ī³yī¹li¹nx2ti³kxa²yan³txi³sa².
Nxa²ha¹te¹ wān³txa² yau³ā³xa² yū³nūn³na¹wa².
Yxān¹ta¹ hāi¹nxā¹a¹tu¹wa². Wxā³na¹tāu³a¹
ī³yau¹ū¹nx2ta¹tu¹wa².

12

Txa²wā¹sū³na² Yāu³ka³jxah¹la²
ī³hxi²ka¹tū¹nhē³jau³su²

1 Txa²wā³tā³nāu³xāi³. Txa²wā¹sū³na²
Yāu³ka³jxah¹la² ī³hxi²ka¹tē³ju³ta² ū³hū¹ne³kxa²
ī³yau¹ū³nx2ta¹tu¹wa². A³la³kxi²si¹nx2ta¹jau³su²
ī³tih³nxe³nx2ta¹tu¹wa².

2 ī³yau¹ū³nx2ta¹jau³xa²sa¹, a²kxā³nhxī¹nai³tā²
Txa²wā¹sū³na² wān³txa² yxo²ī²yah²lxa³nhī¹nai³tā²
txah³lxa³kxa² sū³nu²su² ki³lxo³jah³la² so¹lxi³
sa²yxo²we¹jah³lxin¹jah¹lo²lo³jah³lxi³to³hin¹tai¹ti²tu³wa²,

hxi²kan¹txi³ e³kxi¹nx²ti³xa³kxan²ti³na².
 Tīh³na² ko³nxe³ tīh³na² so¹lxi³
 ā³nxai³yah³lxin¹tīh³na²lot3txa²lxi³sa²ki³lxo³jah³lxi³to³hin¹tai¹ti²tu³v
 3 Nxe³ha²kxai³ a²nū²a² ī²li³te²su² te²a²
 ī³ye³te³nah¹lxi¹:

— Je³su²jah³lai²li² ko³nxe³ti³hin¹na³li¹.
 A²ta³ai²la¹wi¹. Nxe³jah¹lo²su² kxai²nān²tu³
 hai³txi³ Txa²wā¹sū³na² Yāu³ka³jxah¹la²
 nxū²kwai³yxau²nxa³wa². Yxān¹ta¹
 ī³ye³kxi²te³nah¹lxi¹:

— Je³su²jah³la² a²hxi²kan¹ti³su² jah¹lai²la¹wi¹.
 Nxe²e³jah¹lo²su² kxai²nān²tu³ Txa²wā¹sū³na²
 Yāu³ka³jxah¹la² so¹lxi³ ī³tih³nxe³jah¹lo²su²
 hī³nx²na³la².

4 Ī³tih³nh³nxe³kxai²nān²tu³ ī³hxi²ka¹tē³ju³ta²
 ī³la³kxi²te²lo³tū¹nhē³ju³ta² yxo²ha³kxa¹
 yau³ka³lxa²na³la². Yxān¹ta¹ ka³lxa¹kxan²ti³
 Txa²wā¹sū³na² Yāu³ka³jxah¹la² a²ī³yau¹ū³nē³jah¹la²
 ka³na³ka³na³tā³la².

5 Te²yā¹nxe³sxā³ txa²wā³tā³nāu³xa²
 ā³nhī²nū¹nū³si¹ki³jau³su² Txa²wā¹sū³na²
 ī³la³kxi²te²lo³tū¹nhē³kxa² nxe³ju³ta² ka³lxa²na³la².
 Yxān¹ta¹ Txa²wā¹hxi²kan¹ta² Si³yxau³jah¹la²
 ka³na³ka³na³jah¹lai²la¹wa².

6 Te²yā¹nxūn³sxā³ Txa²wā¹sū³na²
 ī³hxi²kat1si¹nhē³jut3su² ī³la³kxi²te²lo³tū¹nhē³kxa²
 ka³lxa²na³la². Yxān¹ta¹ Txa²wā¹sū³na²
 ī³hxi²kat1tē³jah¹la² ka³na³ka³na³tā³la².

7 Nxe³sxā³ yxo²ī²te²ki³na¹xai²na²
 ī³hxi²nūn¹si¹nhē³jau³su² Txa²wā¹sū³na²
 Yāu³ka³txa² ū³yhe³ka¹tūh¹xai³nē³na³la².
 ī³hxi²ka¹txa²xai³nē³ju³ta² ū³yhe³ka¹tūh¹xai³nē³na³la².

8 Txa²wā¹sũ³na² Yāu³ka³jxah¹la² hi²sen³su²
 wxa²nũ³ka³txai²na² i²li³te² i³nxa² a²hoh³lxi³su²
 ju³ta² i³hxi²ka¹ta²lxi³ha²kxai³ āh¹ i²li³te²
 i³nxa² Txa²wā¹sũ³na² Yāu³ka³jxah¹lain²txi³
 wa³lxe³jau³nũ³a² a³la³kxah¹lxin¹ju³ta²
 i³hxi²ka¹ta²lxi³ha²kxai³,

9 Āh¹ i²li³te² i³nxa² Txa²wā¹sũ³na²
 Yāu³ka³jxah¹lain²txi³ yxo²i²yah³lxin¹jut3su²
 i³hxi²ka¹ta²lxi³ha²kxai³ āh¹ i²li³te² i³nxa²
 i³ta³ka³txa² wā³nxĩn¹sxā³ we²txi²kxi³ju³ta²
 i³hxi²ka¹ta²lxi³ha²kxai³,

10 Āh¹ i²li³te² i³nxa² Txa²wā¹sũ³na²
 Yāu³ka³jxah¹lain²txi³ wā³nxĩn¹khai¹nxe³sxā³
 kãi³ju³ta² i³hxi²ka¹ta²lxi³ha²kxai³ āh¹ i²li³te² i³nxa²
 Txa²wā¹sũ³na² Yāu³ka³jxah¹lain²txi³ Txa²wā¹sũ³na²
 wãn³txa² wi¹jau³xa² i³yau¹ũ³nxa²lxi³ju³ta²
 i³hxi²ka¹ta²lxi³ha²kxai³ āh¹ i²li³te² i³nxa²
 i³hxi²ka¹ta²lxi³ju³ta²su¹ a²nũ²a² i³li³te²na²
 kãi³ju³ta² i²kxai²nãn²tu³ Txa²wā¹sũ³na²
 Yāu³ka³jxah¹la² i³hxi²kat1si¹jut3su² ta³nxa²
 ko³nxe³te² yāu³ka³txa² i³hxi²kat1si¹jut3su²
 ta³nxa² wain³txi³ a³ya³txi²ju³ta³nũ³a²
 i³hxi²ka¹ta²lxi³ha²kxai³ āh¹ i²li³te² i³nxa²
 Txa²wā¹sũ³na² Yāu³ka³jxah¹lain²txi³ wãn³txa²
 yau³ã³lxa³ti³ a²nũ²a² i³yau¹ũ³xa³jau³su² e³si¹jau³su²
 i³hxi²ka¹ta²lxi³ha²kxai³ āh¹ i²li³te² i³nxa² wãn³txa²
 yau³ã³xa² a²si³yau³tāu³khai³xa² i³yau¹ũ³ju³ta²
 i³hxi²ka¹ta²lxi³ha²kxai³ nxe²xai³hĩ³nx2na³la².

11 Txa²wā¹sũ³na² Yāu³ka³jxah¹la²
 ka³na³ka³na³jah¹lo²su² kxan²ti³ nxe²
 i³hxi²ka²ta²xai³nẽ³na³la². Nxũh¹ i²sxā³ a²ten³jut3su²
 ju³ta² ha³na³ka³lxi³ i³hxi²ka²ta²xai³nẽ³na³la².

*Kris*²*tu*³*jah*¹*la*² *a*²*nũ*²*khai*³*xa*² *sa*²*we*¹*nyhu*¹*si*¹*nhẽ*³*jau*³*su*²
 12-13 *Jã*¹*nxe*³*jut*³*su*² *txa*²*wã*¹*nũ*²*khai*³*xa*²
*ka*³*na*³*ka*³*na*³*tã*³*la*²; *Ka*³*na*³*ka*³*na*³*kxan*²*ti*³
*txa*²*wã*¹*kãi*²*ne*³*kxi*²*nẽ*³*tãu*³*ai*²*na*² *ka*³*lxan*¹*ta*³*kxi*²*nẽ*³*na*³*la*².
*Te*²*yã*¹*nxe*³*sxã*³ *txa*²*wã*¹*kãi*²*ne*³*kxi*²*nẽ*³*tãu*³*ai*²*na*²
*ka*³*lxan*¹*ta*³*kxi*²*nẽ*³*kxan*²*ti*³ *txa*²*wã*¹*nũ*²*khai*³*xa*²
*ka*³*na*³*ka*³*na*³*tã*³*la*². *Te*²*yã*¹*nxe*³*jut*³*su*²*ũ*³*na*³*la*².
*Txa*²*wã*¹*nũ*³*ka*³*txi*³*ki*³*nãu*¹*xa*² *Ju*³*te*²*a*²*jah*¹*la*²
*yũ*³*ha*²*kxai*² *Ju*²*te*²*a*² *nũ*³*ka*³*txi*³*sxa*³*te*²*a*² *yũ*³*ha*²*kxai*³
*a*²*wa*³*kxën*³*yah*³*lo*²*lo*³*nha*²*sxã*³ *yxau*²*xai*³*te*²*a*²
*yũ*³*ha*²*kxai*³ *ã*³*wa*²*sut*¹*sxã*³ *yxau*³*te*²*a*² *yũ*³*ha*²*kxai*³
*nxe*³*ki*³*tã*³*la*². *Nxe*³*sxã*³ *Txa*²*wã*¹*sũ*³*na*²
*Yãu*³*ka*³*jxah*¹*lain*²*txi*³ *ũ*³*hũ*¹*nhãn*²*nẽ*³*na*³*la*².
*Nxe*³*ha*²*kxai*³ *a*²*nũ*²*kĩ*³*na*¹*xai*²*na*²
*ka*³*na*³*ka*³*nat*³*sxã*³ *sa*²*we*¹*nyhu*¹*si*¹*nha*²*nẽ*³*na*³*la*².
*Nxe*³*te*²*hũ*³*sxã*³ *Kris*²*tu*³*jah*¹*la*² *a*²*nũ*²*khai*³*xa*²
*sa*²*we*¹*nyhu*¹*si*¹*nha*²*nẽ*³*na*³*la*². *Nxe*³*sxã*³
*Txa*²*wã*¹*sũ*³*na*² *Yãu*³*ka*³*jxah*¹*la*² *nxũ*²*kwai*³*yxau*²*xai*³*nẽ*³*na*³*la*²,
*yxõ*²*ĩ*²*te*²*ki*³*nãu*¹*xai*²*na*²*sa*³. *Jã*¹*nxe*³*sxã*³
*yxõ*²*ĩ*²*tũ*³*ka*³*txi*³*ki*³*na*¹*xai*²*na*² *a*²*nũ*²*a*²
*ka*³*lxa*¹*kĩ*³*tã*³*la*². *Yxãn*¹*ta*¹ *Txa*²*wã*¹*sũ*³*na*²
*Yãu*³*ka*³*jxah*¹*la*² *hi*²*sen*³*su*² *a*²*nũ*²*a*²
*ka*³*na*³*ka*³*na*³*ti*³*hi*¹*tẽ*³*na*³*la*².
 14 *Te*²*yã*¹*nxe*³*sxã*³ *txa*²*wã*¹*nũ*²*nãu*³*khai*³*xa*²
*ka*³*na*³*ka*³*na*³*tẽ*³*lxa*³*wa*². *Ka*³*lxan*¹*ta*³*kxi*²*nẽ*³*na*³*la*².
 15 *Nxa*²*ha*¹*te*¹ *txa*²*wã*¹*yũ*³*kxi*³*su*²
*e*³*te*³*an*¹*jau*³*kxai*³*lu*¹ *e*³*te*³*nah*¹*lxĩ*¹:
 — *Txa*²*wã*¹*hxi*²*ki*³*su*² *te*²*txã*³*wi*¹. *Nxe*²*nxa*³*ha*²*kxai*³
*hai*³*txi*³ *txa*²*wã*¹*nũ*²*nãu*³*khai*³*xai*²*na*²
*hai*³*txi*³ *te*²*txã*³*wi*¹. *Nxe*²*e*³*kxan*²*ti*³
*txa*²*wã*¹*nũ*²*nãu*³*khai*³*xai*²*na*² *ã*³*nhai*²*ta*³*lxã*¹*kxi*²*nẽ*³*lhĩ*³*nx*²*nxa*³*wa*².
 16 *Te*²*yã*¹*nxe*³*sxã*³ *txa*²*wã*¹*ne*³*nxën*³*su*²
*e*³*te*³*an*¹*jau*³*kxai*³*lu*¹ *e*³*te*³*nah*¹*lxĩ*¹:

— Txa²wā¹yen³su² te²txā³wi¹. Nxe²nxa³ha²kxai³
 hai³txi³ txa²wā¹nū²nāu³khai³xai²na² hai³txi³
 te²txā³wi¹. Nxe²e³kxan²ti³ txa²wā¹nū²nāu³khai³xa²
 ā³nhai²ta³lxā¹kxi²nē³lhī³nx2nxa³wa².

17 Txa²wā¹nū²ai²na² whāi²na¹
 txa²wā¹ye³na² so¹lxi³kxai²nān²tu³
 ih¹nxet3sxā³ ain³kxi²nha²hī³ki³te²la¹xā³?
 Te²yā¹nxe³sxā³ Txa²wā¹nū²nāu³ai²na² whāi²na¹
 a²ne³nxē³na² so¹lxi³kxai²nān²tu³ ih¹nxet3sxā³
 i³nxū³sain³nha²hī³ki³te²la¹xā³?

18 Nxe³ha²kxai³la¹ Txa²wā¹sū³na² hi²sen³su²
 txa²wā¹nū²nāu³ai²li² i²li³te²nāu³ai²na² ha³na³ka³lxi³
 we¹ta²lxi³kxi²nē³lha²kxai³ Txa²wā¹sū³na²
 a²ten³ju³ta² sa²we¹ta³lxi³kxi²nē³nīn²ta²wa².

19 Txa²wā¹nū²nāu³ai²li² ka³lxan¹ta³kxi²nē³lxa³ke³la³te²kxai³
 txa²wā¹nū²a²yū³nē³lhī³nx2nxa³wa².

20 Nxe³yān¹ta¹ txa²wā¹nū²nāu³ai²na²
 ka³lxan¹ta³kxi²nē³kxan²ti³ txa²wā¹nū²nāu³a²
 ka³na³ka³na³tē³na³la².

21 Nxa²ha¹te¹ txa²wā¹yen³nāu³a²
 e³te²sxa³yu²hē³la². E³sxā³ txa²wā¹hxi²ka²
 ain³kxi²ti³an¹jau³kxai³lu¹:

— Txai²na²a²ye³na¹xai²na²hxi²kan¹khai¹nxa¹ha²kxai³
 wxāi²na²a²hxi²kxah³lho³i³nxai²na²hxi²ka¹nxa³lxi¹.
 Nxe³ha²kxai³ten³nxa²hxa³nhai¹. Nxe²
 e³te²sxa³yu²hē³la². Te²yā¹nxe³jut3su²
 txa²wā¹ne³ki³su² e³te²sxa³yu²hē³la². E³sxā³
 txa²wā¹yu³kxa²ain³kxi²ti³an¹jau³kxai³lu¹:

— Txai²na²a²ne³ki³na¹xai²na²hxi²kan¹khai¹nxa¹ha²kxai³
 wxāi²na²a²yu³kxah³lo²i³nxai²na²ten³nxa²hxa³nhai¹.
 Nxe²e³te²sxa³yu²hē³la².

22 Nxe³yān¹ta¹ya²la³tu³ txa²wā¹nū²nāu³khai³xai²na²
 i²li³te²a²sī³nxū³nxa³ju³ta²ū³whi²lā³nhā¹kxai²nān²tu³

hxi²kan¹ti³ ā³yat1sxā³ yxau²xai³lhī³ki³sxa³wa².

23 Nxe³sxā³ txa²wā¹nū²nāu³khai³xa² ī²li³te²a²
jū¹nxe² ā³lxi³kxe³su² kxan²ti³ wā²la²ka³lo³a²
ū³whi²kxi²nha²sxā³ ū³tī¹kxi²nha²ki³te²ju²hē³la².
ī²li³te²nāu³a² wi¹nē³lxa³kxai²nān²tu³ ā²la²
wi¹lī²nha²ki³tā³la².

24 Txa²wā¹nū²nāu³ai²na² ī²li³te²a² wi¹nē³te²su²
ā²la² wi¹lha²kxai³ ī²li³ju³ta² wā²nxū^h¹
hau³ko³nha²hī³nx2na³la². Nxe³ki³ju³tai²li²
txa²wā¹nū²nāu³a² hau³ko³nhā²nxa³ju³ta²
so¹lxi³ wi¹wi¹nxe² hau³ko³nha²hī³ki³tā³la².
Nxe³kxi³ju³tai²na² Txa²wā¹sū³na²
hi²sen³su² txa²wā¹nū²nāu³khai³xa² nxe²
we²ta³lxi³kxi²nē³ta¹lxai²hē¹la².

25 Nxe³nha²ki³sa²kxai³ txa²wā¹nū²nāu³khai³xa²
hai³txi³ ā³nhai²ta³lxā¹nha²hī³ki³sxa³wa².
Hāi¹nxe³sxā³ txa²wā¹nū²nāu³a² yxo²ha³kxa¹
wi¹lo²la³kxi²waun¹nyhe²hī³ki³tā³la². Hai³txi³
ā³nhai²ta³lxi²te²ten³txi³ o²la³kxi²hī³ki³sxa³wa².

26 Nxe³nxa²ha¹te¹ txa²wā¹nū²nāu³a²
sī³nī³ton³nē³nha²kxai²nān²tu³ a²nū²a²nāu³ai²na²
a²sī³na² whāi²na¹ khāuh³lxa³tē³nha²hī³ki³tā³la².
Txa²wā¹nū²nāu³a²ī²li³te²a²ī³wi¹lain³kxi²nha²kxai²nān²tu³
a²nū²a²nāu³ai²na² a²sī³na² whāi²na¹
ī³wi¹lain³kxi²nha²hī³ki³tā³la².

27 Jā¹nxe³jut3su² txa²wā¹nū²khai³xa² a²sī³na²
yā¹nxe² wxāi² ī³nxai²na² sa²kxai³lu² Kris²tu³jah¹la²
a²sī³na² yāx1yah³lxi¹lxa². Kris²tu³jah¹la²
a²nū²nāu³khai³xa²ī²li³te²a² yā¹yxah³lxi¹lxa².

28 Jā¹nxe³sxā³ Txa²wā¹sū³na²
hi²sen³su² yxo²i²ūh¹tū³ka³txa² wain³txi³
ī³hau³ko³ta³wxe³na²hē³la². A²wi¹lhī¹nān¹te²a²su²
a²hxi²kan¹te²la³je³na² sa²kxai³lu²

Txa²wā¹sū³na² ī²sxā³ sa²so¹tū³ka³txa²
 ūh³wxe³na²hē³la². Ā³ta³lo³hē¹tū³ka³txa²
 Txa²wā¹sū³na² wān³txa² ī³hen³txi³tū³ka³txi³la³
 ūh³wxe³na²hē³la². Āh¹ā³ta³lo³hē¹tū³ka³txi³nāu³a²
 yxo²ī²tū³ka³txi³nāu³xa² ī³yau¹ū³te²nāu³xa²
 ūh³wxe³na²hē³la². Āh¹ā³ta³lo³hē¹tū³ka³txi³nāu³a²
 wā³nxīn¹sxā³ o²la³kxi²te²su² te²na²
 ūh³wxe² āh¹ ā³ta³lo³hē¹tū³ka³txi³nāu³a²
 ī³ta³ka³txa² we²txi²si¹kxi³nū³su² te²a²
 ūh³wxe², Āh¹ ā³ta³lo³hē¹tū³ka³txi³nāu³a²
 a²nū²a² ā³non²ta³kxi²te²su² te²a² ūh³wxe²,
 āh¹ ā³ta³lo³hē¹tū³ka³txi³nāu³a² hxi²kan¹txi³
 a²nū²a² hau³ko³te²su² te²a² ūh³wxe²
 a²ne³ki³san¹tū³ka³txan²tu³ hxi²kan¹txi³ a²nū²a²
 wān³txa² yau³xā³lxa³txi³ e³te²su² te²a² ūh³wxe²
 nxe²xai³na²hē³la².

29 Nxe³ha²kxai³ Txa²wā¹sū³na² ī²sxā³
 ī³sa²so¹nē³tū³ka³txi³su² ka³lxa¹nē³lxa³ha²kxai³,
 Txa²wā¹sū³na² wān³txa² ī³hen³txi³tū³ka³txi³su²
 ka³lxa¹nē³lxa³ha²kxai³ yxo²ī²tū³ka³txa²
 ī³yau¹ū³hain¹tū³ka³txi³su² ka³lxa¹nē³lxa³ha²kxai³,
 wā³nxīn¹sxā³ o²la³kxi²tū³ka³txi³su²
 ka³lxa¹nē³lxa³ha²kxai³,

30 Ī³ta³ka³txa² we³txi²si¹tū³ka³txi³su²
 ka³lxa¹nē³lxa³ha²kxai³, wān³txa² yau³ā³lxa³ti³
 e³kxi²tū³ka³txi³su² ka³lxa¹nē³lxa³ha²kxai³,
 yau³ā³lxa³ti³ wān³txi³la³ a²si³yau³tāu³khai³xa³
 ī³yau¹ū³tū³ka³txi³su³ ka³lxa¹nē³lxa³ha²kxai³
 nxe³ki³tā³la².

31 Nxe³ki³sa²kxai³lu¹ ha³lo²a² wi¹ju³tai²na¹
 ā²la² hxi²kan¹kxi²ju³tai²na¹ ā³ten³jah¹lxi³hē¹la².
 Nxa²ha¹te¹ tīh³na² ā²la² wi¹tīh³na²
 ī³yau¹ū¹nx2ta¹tu¹wa².

13

Txa²wā¹ē¹nāu³ai²na² a³lxi²nha²kxi³jau³su²

1 Ī³yau¹ū¹nx2ta¹jau³xa²sa¹, a²nū²a²
 nū³ka³txi³nāu³xai²na² wān³txa² yxo²ha³kxa¹
 hxi²kan¹txi³ ĩ³ye³kxi²na¹ha²kxai³ na¹kxa²yu³su²
 oh³xan¹te²nāu³xai²na² wān³txa² yxo²ha³kxa¹
 hxi²kan¹txi³ ĩ³ye³kxi²na¹ha²kxai³ nxe³na¹kxan²ti³
 txa²ē¹nāu³ai²na² a³lxi²waun¹nyhu¹ju³ta³la³
 yū³sa²nxa³ke³la³te²kxai³ txa²wān³txa²
 e³a¹jau³xai²na² kwa²wān³txa² toh³lxi³jau³su²
 hī³nx2na³la². Kwa³thi³la³ka³txa² ĩ³su²ki³sa²kxai³
 kwa²nxon³nē³te²jai¹ti²tu³wa². Jā¹nxe³hī³na¹wa².

2 Te²yā¹nxe³sxā³ Txa²wā¹sū³na² wān³txa²
 hxi²kan¹txi³ ĩ³hen³txi³na¹ha²kxai³, yen³kxa²
 yxo²ha³kxa¹ a²hoh³lxi³sa¹ha²kxai³, wān³txa²
 hāi³jau³xa² hxi²kan¹txi³ ĩ²a¹ha²kxai³, nū³kxūn³txi³
 Txa²wā¹sū³na² wān³txa² yxo²ī²a¹ha²kxai³
 wā³la³ka³txa² sa²ya²ta³wxe³si¹ha¹jau³su²
 hxi²ka¹na¹ha²kxai³, ju¹ta²na² yxo²ha³kxa¹
 hxi²ka¹na¹kxan²ti³ yxān¹ta¹ txa²ē¹nāu³ai²na²
 a³lxi²waun¹nyhu¹ki³ju³ta³la³ yū³sa²nxa³ke³la³te²kxai³
 hai³txi³ a²hxi²kan¹jah¹lo²su² hī³nxān²nxa³wa².

3 Te²yā¹nxūn³sxā³ txa²yen³kxi³khai³xa²
 wā²nhū²hxa³tai¹na¹ha²kxai³ na¹kxa²yu³su²
 ai³lhxā³ Je³su²jah³la² ĩ³lxa² kan²txi³
 yxo²ī²a¹kxe³su² txa²nū²a²nāu³khai³xa² ha³nxe²khai³
 wā²kxi²sai¹nha²kxai³ nxe³sain¹kxan²ti³
 txa²ē¹nāu³ai²na² a³lxi²waun¹nyhu¹ki³ju³ta³la³
 yū³sa²nxa³ke³la³te²kxai³ Txa²wā¹sū³na² yen³nāu³a²
 hai³txi³ kāin²sa²hī³nx2nxa³wa².

4 A²nũ²a² a³lxi²waun¹nyhu¹kĩ³kxai²nãn²tu³
ya³nãn³ta³ki²la²sxã³ kãi³ũ¹nyhu¹kĩ³te²ju²hẽ³la².
Thãi³ti³la²sxã³ kãi³ũ¹nyhu¹kĩ³te²ju²hẽ³la².
A²nũ²a² yen³kxa² kwa²to³toh³lxi³
yxo²kwain³nũ¹nyhu¹kĩ³te²sxa³yu²hẽ³la². Yxo²kãin²
e³kxi²kĩ³te²sxa³yu²hẽ³la². A²ẽ¹nãu³ai²na²
ĩ³kãin²txi³nha²sxã³ ĩ³ye³kxi²kĩ³te²sxa³yu²hẽ³la².

5 A²nũ²a² a³lxi²waun¹nyhu¹kĩ³kxai²nãn²tu³
wi¹lo²la³kxi²nũ¹hain¹tãu³a² ai¹nhĩ¹na¹ a²nũ²a²
yxo²ha³kxa¹ ã³sen³sai¹sxã³ a²hoh³lxi³sa²sxã³
o²la³kxi² nxe³ki³lxi³nha²kĩ³te²sxa³yu²hẽ³la².
Yã³ni³li³nũ¹nhẽ³ju³ta² so¹lxi³ten³nha²kĩ³te²sxa³yu²hẽ³la².
Kwa²hi²ye¹ta³lxi³nha²kĩ³te²sxa³yu²hẽ³la². A²nũ²a²
ko³nxe³ti³ o²la³kxi²nũ¹nhẽ³kxan²ti³ hai³txi³
yxaih²kxi²nhũ¹kĩ³te²sxa³yu²hẽ³la².

6 A²nũ²a² ã³xa² ko³nxe³ti³ kãi³kxai²nãn²tu³
ĩ³ka³li³kxi²kĩ³te²sxa³yu²hẽ³la². Hãi¹sxã³
ya²la³li²ju³ta² wi¹kãi³kxai²nãn²tu³
ĩ³ka³li³kĩ³te²ju²hẽ³la².

7 A³lxi²waun¹nyhu¹kĩ³kxai²nãn²tu³
ko³to²la³kxi²nũ¹nhẽ³kxan²ti³ ya³nãn³ta³ki²la²sxã³
yxau³kĩ³te²ju³hẽ³la². A²nũ²a² a³lxi²waun¹nyhu¹kĩ³kxai²nãn²tu³
wain³txi³ yxo²ĩ²nyhu¹kĩ³te²ju²hẽ³la².
Wi¹kãi³ju³ta² wah³nxe³kxi²nũ¹hain¹kĩ³te²ju²hẽ³la².
Kõn³ton³kxi²nẽ³kxan²ti³ nxũ²kwaj³lũ¹txi³
yxau²xai³kĩ³te²ju²hẽ³la².

8 A³lxi²waun¹nyhu¹kĩ³ju³ta² ne³ki³so³nxa³lho³la².
Yxãn¹ta¹ Txa²wã¹sũ³na² wãn³txa² ĩ³yau¹ũ¹kĩ³ju³ta²
ne³ki³son³tu¹wa². Wãn³txa² yau³ã³lxa³ti³
e³kxi²kĩ³jau³su² ĩ³hxi²ka¹ti³hi¹tẽ³ju³ta² ye³jen¹na²
ne³ki³son³tu¹wa². A²hoh³lxi³su² kĩ³ju³ta² ye³jen¹na²

ne³ki³son³nūn³tu¹wa².
 9 Nxe³sxā³ hī¹nai²li² ũ³hū¹nhē³ju³ta²
 a²hoh³lxi³si¹nhē³jut³su² tā³nxa² Txa²wā¹sū³na²
 wān³txa² ī³yau¹ū¹hain¹ki³jut³su² tā³nxa² nxe³ju³ta²
 jū¹nxa² so¹lxi³ yū³nū¹nhē³na³la².

10 Nxe³ta¹ yan¹nāu³a¹ Kris²tu³jah¹la²
 a³ka³nxi²sxā³ wā³li²tāu³a¹ jū¹nxa² so¹lxi³
 yū³nū¹ki³ju³ta² ne³ki³son³tu¹wa².

11 Txai²na² txa²wē³sī¹nai³tā² wē³sa²
 o²la³kxi²ju³ta² so¹lxi³ kāi³hxai²na¹hē³la².
 Wē³sa² e³jau³xa² so¹lxi³ e³a¹ha²kxai³ wē³sa²
 o²la³kxi²ju³ta² so¹lxi³ o²la³kxi²na¹ha²kxai³
 wē³sa² wā²nxū¹hain³nha¹jau³xa² so¹lxi³
 e³a¹ha²kxai³ nxe³nhxai²na¹hē³la². Nxe³yān¹ta¹
 in³txi³lo³na¹hī¹nai²na¹ hxi²kan¹to³na¹hī¹nān¹te²tu³
 wēn³sxū³na¹ju³ta³la³ ā³na¹a¹hē³la². Nxe³te²sa¹wa².

12 Es³pe²ya²ka³lo³a² ī²nha²ki³kxai²nān²tu³
 txa²wā¹yāu³ka³txa² ku³kuh³nxe² ī²hī³ki³tā³la².
 Yxān¹ta¹ yan¹nāu³a¹ a²nū²khai³xa²
 ī²ki³kxai²nān²tu³ hai³txi³ ku³kuh³nxa²
 ī²ki³sxa³lho³la². Jā¹nxe³jut³sū³nxe² wain³txi³
 ī²ki³tu¹wa². Te²yā¹nxūn³sxā³ hī¹nai²li² jū¹nxe²
 ā³ye³wxe³ki³tā³la². Yxān¹ta¹ yan¹nāu³a¹ kāin²
 ā³ye³wxe³ki³tu¹wa². Txa²wā¹sū³na² ī²nē³kxa²
 yā¹nxe³sxā³ ī²ki³tu¹wa².

13 Jā¹nxe³jut³su² ha³lo²a² yu³ta² yu³tha¹li¹
 ka³na³ki¹ hxi²kan¹te²la³ yū²na³la². Yxo²ī²ki³ju³ta²
 yū³ha²kxai³ Kris²tu³jah¹la² wā³li²je³na³wa³kxa²
 wahx3nxe³ki³ju³ta² yū³ha²kxai³ a²nū²a²
 a³lxi²waun¹nyhu¹ki³ju³ta² yū³ha²kxai³
 nxe³te²ju²hē³la². Nxe³ju³ta² ha³kxa¹

a³lxi²waun¹nyhu¹ki³ju³ta² ã²la² hxi²kan¹sxã³
ã³sen³sai¹ki³ju³ta³la³ te²ju²hẽ³la².

14

Txa²wã¹sũ³na²
ĩ³hxi²ka¹tũ¹nhẽ³jau³su²

Yãu³ka³jxah¹la²

1 A³lxi²waun¹nyhu¹ah³lxin¹ju³ta²
ã³ten³jah¹lxi³hẽ¹la². Txa²wã¹sũ³na²
Yãu³ka³jxah¹lai²na² hxi²kan¹te²lo³tũ¹nhẽ³ju³ta²
yxo²kwain³jah¹lxi³hẽ¹la². Txa²wã¹sũ³na²
wãn³txa² ĩ³hen³txa³kxain¹yah³lxin¹ju³ta²
yxo²kwain³khai¹nxe³jah¹lxi³hẽ¹la².

2 Nxe³sxã³ wãn³txa² yau³ã³lxi³ti³
e³yah³lxin¹kxai²nãn²tu³ Txa²wã¹sũ³na² ne³nxẽ³na²
so¹lxi³ ain³kxi²sxã³ ã³ne³wxe³hĩ³nx2na³la². A²nũ²a²
hai³txi³ ain³kxi²nha²hĩ³ki³sxa³wa². Hxi²kan¹txi³
ã³ne³wxe³te²sxa³yu²hẽ³la². Txa²wã¹sũ³na²
Yãu³ka³jxah¹la² ĩ³hxi²kat1sxã³ ya²la³lyau³xan²tu³
hãĩ³wã²nxĩn¹jau³xan²tu³ e³kxi²te²ju²hẽ³la².

3 Yxãn³ta¹ Txa²wã¹sũ³na² wãn³txa²
ĩ³yau¹ũ³ki³kxai²nãn²tu³ a²nũ²a² hãĩ¹nxe³ti³xa¹
ain³kxain¹jau³su² hĩ³nx2na³la². ã³non²ta³kxi²jau³su²
ha²kxai³, ĩ³nxũ²kwai³lxũ¹jau³su² ha²kxai³,
sa²ye³kwẽ²kxi²jau³su² ha²kxai³ nxe³hĩ³nx2na³la².

4 Te²yã¹nxe³sxã³ wãn³txa² yau³ã³lxa³ti³
e³jah¹lai²na² sa²kxai³lu² nũ¹hxi²kan¹ti³lon³te²ju²hẽ³la².
Jã¹nxe³sxã³ Txa²wã¹sũ³na² wãn³txa²
ĩ³yau¹ũ³jah¹lai²na² sa²kxai³lu² yxo²tĩ²tũ³ka³txa²
hãĩ¹nxe³ti³xa¹ a²hxi²kan¹nũh¹nũ³nyhai¹nhĩ³nx2na³la².

5 Wxa²nũ³ka³txa² yxo²ha³kxa¹ wãn³txa²
yau³ã³lxa³ti² e³yah³lxin¹ju³ta³nũ³a²

te³nhĩ³na¹wa². Yxān¹ta¹ Txa²wā¹sũ³na²
wān³txa² ĩ³yau¹ũ¹yah³lxin¹ju³ta²
ten³khaix¹sa³nha²wa². Nxe³sxā³ wān³txa²
yau³ā³lxa³ti² e³yah³lxin¹kxai²nān²tũ³
wi¹lhĩ³nx2na³la². Yxān¹ta¹ Txa²wā¹sũ³na²
wān³txa² ĩ³yau¹ũ³yah³lxin¹kxai²nān²tũ³ ā²la²
wi¹khaix¹jau³la³ hĩ³nx2na³la². Jā¹nxe³jut3su²
yau³ā³lxa³ti² e³kxi²sxā³ ain³kxah³lxin¹kxai²nān²tũ³
wān³txai²li² a²si³yxau³tāu³khai³xa²
ĩ³yau¹ũ¹nx2ti³jah¹la² yũ³kxai²nān²tũ³ wi¹na³la².
Yxān¹ta¹ yũ²nxa³kxai²nān²tũ³ hxi²kan¹txi³
a³la³kxah¹lxi³hĩ³nx2nxā³lxa².

6 Nxa²ha¹te¹ txa²wā³tā³nāu³xa²
yā¹yxah³lxī¹lxa². Nxe³sxā³ wxā³sī²nx2ta¹tāu³a¹
wān³txa² yau³ā³lxa³ti² jau³jau¹xai²na²
so¹lxi³ e³kxi¹nx2ta¹kxai²nān²tũ³ hxi²kan¹ti³
ā³non²ta³kxi¹nx2ti³nxa³lho³la². Yxān¹ta¹
Txa²wā¹sũ³na² wān³txa² ĩ³yau¹ũ¹nx2ta¹jau³su²
tā³nxa² a²hoh³lxi³sa²jau³su² tā³nxa² wān³txa²
wi¹jau³su² ĩ³hen³txi³nx2ta¹jau³su² tā³nxa²
nxe³nx2ta¹kxai²nān²tũ³ ĩ³hxi²ka¹txa²lxi³hĩ³na¹wa².

7 Nxa²ha¹te¹ yau³tā³xa²sa¹, yen³kxa²
ka³te³nxa³te²na²sa¹, wāi²lhũ³ka³txa² tā³nxa²
ar²pa²kax3su² tā³nxa² hain³kxai²nān²tũ³
wain³txi³ wxa²hai³nxa³kxai²nān²tũ³ a²nũ²a² ā³xa²
ain³kxi²nē³jah¹la² hxi²kan¹ti³ a²si³yxau³tāu³khai³xa²
ain³kxai¹nhĩ³nx2nxa³wa².

8 Te²yā¹nxũn³sxā³ kwa³jan³ta² so³ta²to²
nũ³ka³txa² he¹li³te³lhxā³ ai³ain¹te²ju²hē³la².
Nxe³te³na¹ wāi²lhũ³ka³txa² trũ³be²ta²kax3su¹
nxe³ka³txa² tē³sxā³ ĩ³hain³te²ju²hē³la².
Wi¹lhain³kxai²nān²tũ³ a²si³yxau³tāu³a²

ã³ne³wxe³ha²kxai³ he¹lain¹te²ju²hẽ³la². Yxãn¹ta¹
wain³txi³ hai³nxa³kxai²nãn²tu³ ko³nhai¹nxa³ha²kxai³
hã¹sxã³ he¹lai¹nxa³ka³tu³ yxau³ain¹te²ju²hẽ³la².

9 Te²yã¹nxe³jut³su² wãn³txa² yau³ã³lxa³ti³
e³yah³lxin¹kxai²nãn²tu³ a²si³yxau³tãu³a²
ã³ne³wxe²nxa³kxai²nãn²tu³ hai³txi³
wi³ti³he¹nxẽ²nxa³wa². Wxa²wãn³txa² ha³lo²a² kwa²
he¹sa³tĩ¹hĩ³nx2na³la².

10 Yuh³xan¹ko³xai²na² whãi²na¹ a²nũ²a²
nũ³ka³txi³nãu³xa² ka³lxa¹khai¹xain¹na³la².
Wãn³txai²li² yau³ã³lxa³ti³ e³xi²xai³ain¹te²ju²hẽ³la².
E³xi²xai³ha²kxai³ a²si³yxau³tãu³a² ha³na³ka³lxi³ nxe²
ai³te²ju²hẽ³la².

11 Nxe³sxã³ e³jau³xai²na² ã³ne³wxe³sa²nxa³kxai²nãn²tu³
ã³lxin³tã¹. Ai¹nhĩ³na¹wa². Te²yã¹nxũ³sxã³
txa²wãn³txa² e³a¹jau³xa² ã³ne³wxe³ai¹nxa³kxai²nãn²tu³
ã³lxin³tai¹. Sai¹nhĩ³nx2na³la². Jã¹nxũ³sxã³
ã³ne³wxe³ai¹nhĩ³nx2nxa³wa².

12 Jã¹nxe³jut³su² Txa²wã¹sũ³na² Yãu³ka³jxah¹la²
ĩ³hxi²ka¹tẽ³ju³ta² ten³yah³lxi¹nha²kxai³ ã²la²
wi¹ju³ta² ã³ten³jah¹lxi³hẽ¹la². Yxo²ĩ²tũ³ka³txai²na²
ã³nxũ²kwai³lxũ¹sxã³ a²hi²ka¹txa²lxain¹ju³ta²
ten³jah¹lxi³hẽ¹la².

13 Nxe³yãn¹ta¹ wãn³txa² yau³ã³xa² hxi²kan¹txi³
e³te² ĩ³nxa² Txa²wã¹sũ³na² ĩ³wã³txi¹jah³lxi³hẽ¹la².
Wãn³txai²li² a²si³yxau³tãu³a² ĩ³wã³txi¹jah³lxi³hẽ¹la²,
ĩ³yau¹ũ³nxa²lxi³si¹yhah³lxin¹jau³nũ³sa³.

14 Wãn³txa² yau³ã³xa² e³sxã³ Txa²wã¹sũ³na²
e³kxi²na¹kxai²nãn²tu³ txa²yãu³ka³txa² so¹lxi³
e³kxi²hĩ³nx2na³la². Hai³txi³ txai²na²
a²hoh³lxi³sa¹ju³ta³la³.

15 Nxe³jut³su² ha²kxai³ ĩh¹nxe² kãĩ³a¹lhon³ku²

nxa¹nha²wa². Yau³ha¹li¹ e³a¹tu¹wa².
 Txa²yāu³ka³txai²na² wān³txa² yau³ā³xa² e³i²
 txa²ē¹nāu³ai²na² wān³txi³khai³xa² e³i² na¹tu¹wa².
 Te²yā¹nxe³sxā³ txa²yāu³ka³txai²na² hain³jau³xa²
 yau³ā³xa² hai³ni² txa²ē¹nāu³ai²na² hain³jau³khai³xa²
 hai³ni² na¹tu¹wa².

16

ĩ³wi¹lxon³kxah¹lxin¹jau³xai²li²
 Txa²wā¹sũ³na² ĩ³ye³kxah¹lxin¹tāu³a¹
 a²yāu³ka³txi³khai³xa² e³kxi²kxai²nān²tu³
 wān³txa² yau³ā³xa² so¹lxi³ e³kxi²kxai²nān²tu³
 a²nũ²a² a³la³kxi²nxa³te²a² wxā³sxā³
 ā³yā³nũ²kxi¹nx2ti³kxai²nān²tu³ e³kxi²jau³xai²li²
 hxi²kan¹ti³ ā³ne³wxe³ai¹nhĩ³nx2nxa³wa².
 Hxi²kan¹txi³ ā³ye³yxo²nũ¹nxa²lxi³jau³la³
 e³ya³nx2ti³xa³lho³la². Hai³txi³
 ā³ne³to³ti³he¹nxai¹nhĩ³nx2nxa³wa².

17

ĩ³wi¹lxon³kxah¹lxin¹jau³xai²li²
 wi¹khai¹kxan²ti³ a²nũ²a² a³la³kxi²nxa³te²a²
 hai³txi³ ĩ³nxũ²kwai³lxũ¹hĩ³nx2nxa³wa²,
 ā³ne³wxe³ai¹nxa³ha²kxai³la².

18 Txai²na² sa²kxai³lu² wān³txa² yau³ā³lxi³jau³xa²
 ā²la² yxau³ka³lxa¹txi³ e³khai¹nxa¹wa².
 Nxe³na¹ju³tai²li² Txa²wā¹sũ³na² ĩ³wi¹lxo³kxi²na¹wa².

19 Nxe³na¹kxan²ti³ yxo²ĩ²ki³tũ³ka³txi³nāu³xai²na²
 ā³yā³nũ²kxi²ki³tāu³a¹ txa²wān³txi³khai³xa² wān³txa²
 ā³ne³wxe³ain¹jau³xai²na² yau³ha¹li¹ yau³ha¹li¹
 ka³na³ki¹ ĩ³yau¹ũ³na¹kxai²nān²tu³ wi¹lhĩ³nx2na³la².
 Yxān¹ta¹ wān³txa² yau³ā³lxi³ jau³jau¹xai²li²
 wān³txa² ā³ne³wxe³ai¹nxa³jau³xa² yau³ka³lxa¹txi³
 ĩ³yau¹ũ³ai¹na¹kxai²nān²tu³ wai³nhĩ³nx2nxa³wa².
 Nxe³ha²kxai³ ā³ne³wxe³ain¹jau³xai²li² ā²la²
 te³nhĩ³na¹wa².

20 Txa²wā³tā³nāu³xāi³. Ī³kāi²non³nyhah¹lxin¹ju³tan¹te²kxa³ya³lh
wān³txa² yau³ā³xa² e³yah³lxin¹kxai²nān²tu³
wē³son³txi³sxā³ hain³nyhah¹lxi³hī³nxa¹lxa².
Jā¹nxe³yah³lxi³txa³hē¹la². Wxi²kan¹sxā³
hain³nyhah¹lxin¹kxai²nān²tu³ wān³txa²
e³yah³lxin¹jau³nū³a² ā³ne³wxe³ain¹tu¹wa².

21 Nxe³sxā³ Txa²wā¹sū³na² ū³wha²li¹txā³nxai³tā²
nxe³te³nah¹lxi¹:

— Txa²wā¹hxi²kan¹jah¹la² e³na²hē³li¹.
E³te³nah¹lxi¹: “Txa²nū³ka³txi³khai³xa²
ī³hen³txi³na¹tu¹wi¹. A²nū²a² ā³xa² wān³txa²
ī³ye³kxai¹na¹tu¹wi¹. Nxe³ai¹na¹kxan²ti³
ā³ne³to³sai¹nhī³nx2nxa³wi¹.”

Txa²wā¹hxi²kan¹jah¹la² nxe³na²hē³li¹.
Txa²wā¹sū³na² ū³wha²li¹txā³nxai³tā²
nxe³ta¹hxai²hē¹la².

22 Jā¹nxe³jut3su² wān³txa² yau³ā³lxa³ti³
e³kxi²kxai²nān²tu³ yxo²i²xa³te²a² ī²yau¹ū³jau³su²
hī³nx2na³la². Yxo²i²te²a² ī³yau¹ū³jau³sxa³wa².
Yxān¹ta¹ Txa²wā¹sū³na² wān³txa²
ī³hen³txi³kxai²nān²tu³ yxo²i²tū³ka³txa²
ī³yau¹ū³jau³su² hī³nx2na³la². Yxo²i²xa³te²na²
ī³yau¹ū³jau³sxa³wa².

23 Nxe³ha²kxai³ ī²jah¹lxi³hē¹la². Yxo²i²tū³ka³txi³
ī³nxa² ā³yā³nū²kxi²yah³lxin¹tāu³a² a²nū²ai²na²
a³la³kxi²nxa³te²su² tā³nxa² yxo²i²xa³te²su²
tā³nxa² wxā³sxā³ ā³yā³nū²kxi¹nx2ti³hī³nx2na³la².
Nxe³kxai²nān²tu³ wān³txa² yau³ā³lxa³ti³
e³yah³lxin¹kxai²nān²tu³ jah¹lai²na² sa²kxai³lu²
ā³ne³wxe²nxa³jau³su² nxe³te³nah¹lxi¹:

— Tū³ka³txai²na² wen¹tū³ka³txi³sin²tā¹.
Nxai¹nhī³nx2na³la².

24 Yxān¹ta¹ hāi¹sxā³ Txa²wā¹sū³na²
wān³txa² ĩ³hen³txi³nyhu¹ah³lxin¹kxai²nān²tu³
yxō²ĩ²xa³te²la³ tā³nxa² a³la³kxi²nxa³te²su²
tā³nxa² ā³yā³nū²kxi¹nx2ti³hĩ³nx2na³la².
Nxe³kxai²nān²tu³ Txa²wā¹sū³na² wān³txa²
ain³kxi¹nx2tain¹kxai²nān²tu³ a²ko³nxe³ti³
kāi³nha²ju³ta² ĩ²nha²sxā³ ā³yxō²o³tū¹hain¹tu¹wa².
Txa²wā¹sū³na² wān³txa² ain³kxi¹nx2tai¹nha²kxai³
ā³yxō²o³tū¹hain¹tu¹wa².

25 A²ē¹na² ain³nha²jau³xa² Txa²wā¹sū³na²
hi²sen³su² e³lxah²lxi³ye²tu¹wa². Nxe³sxā³
ā³ka³ti³wxe³sxā³ Txa²wā¹sū³na² sa²nēn¹kxi²tu¹wa².
Sa²nēn¹kxi²te³nah¹lxi¹:

— Ya²la³tu³ Txa²wā¹sū³na² yxau³a³nhē³lin²tai¹.
Nxe³tu¹wa².

*Yxo²ĩ²sxā³ yxau²xai³lain¹tū³kā³txa² wain³txi³
o²la³kxain¹jau³su²*

26 Txa²wā³tā³nāu³xāi³. ĩ³ye³kxi¹nx2ta¹tu¹wa².
ĩ³ye³kxi¹nx2ta¹te³nah¹lxi¹, yxo²ĩ²tū³kā³txi³
ĩ³nxa² ā³yā³nū²kxi²yah³lxin¹kxai²nān²tu³
a²nxū²kwai³lxū¹nyhu¹ah³lxin¹ju³ta² so¹lxi³
o²la³kxi¹jah³lxi³hē¹la². Ka³na³ki³
hain³jau³xa² yū³yah³lxi¹nha²kxai³ ka³na³ki²
ĩ³yau¹ū¹nyhah¹lxin¹jau³xa² yū³yah³lxi¹nha²kxai³ āh¹
ka³na³ki² Txa²wā¹sū³na² wān³txa² tah²yau³xa²
yū³yah³lxi¹nha²kxai³ ka³na³ki² wān³txa²
yau³ā³lxa³ti³ e³te²a² yū³yah³lxi¹nha²kxai³ ka³na³ki²
yau³ā³lxi³jau³xa² a²si³yxau³tāu³a² ĩ³yau¹ū³ju³ta²
hxi²kan¹te²a² yū³yah³lxi¹nha²kxai³ nxe³jah³lxi³sxā³
ā³nxū²kwai³lxū¹nyhah¹lxin¹ju³ta² kāi³jah³lxi³hē¹la².

27 Nxe³sxã³ ka³na³ki² wãn³txa² yau³ã³lxa³ti²
e³ti³ten³nxa²lxi³kxai²nãn²tu³ ha¹lin¹ta³nxa²
ha¹li¹ ka³na³ki¹ ta³nxa² jau¹xai²na² so¹lxi³
e³xai³jah¹lxi³hẽ¹la². Nxe² e³xai³yah³lxin¹ka³tu³
wãn³txa² jau¹xai²na² a²si³yxau³tãu³a²
ĩ³yau¹ũ³txain¹yah³lxi³hẽ¹la².

28 Yxãn¹ta¹ ĩ³yau¹ũ¹nx2ti³jah¹la²
yũ²nxa³kxai²nãn²tu³ kon³ton³jah¹lxi³hẽ¹la².
Nxe³sxã³ wxa²ẽ¹nãu³ai²na² so¹lxi³ Txa²wã¹sũ³na²
e³kxi¹jah³lxi³hẽ¹la².

29 Te²yã¹nxe³sxã³ ha¹li¹ ta³nxa² ha¹li¹
ka³na³ku² te² ĩ³nxa² Txa²wã¹sũ³na² wãn³txa²
ĩ³yau¹ũ¹nx2ti³jau³xa² yũ³kxai²nãn²tu³ a²wã³kxi³
ĩ³nxa²na² sa²kxai³lu² ka³nahx2sxã³ yxau³sxã³
ain³kxi¹txai¹yah³lxi³hẽ¹la². Ya²la³tu³ jau³su² ta³nxa²
ki³han³jau³su² ta³nxa² a³ya³txi²yah³lxin¹tu¹wa².

30 Ã³wxe³te²a² ĩ²li³te² ĩ³nxa² Txa²wã¹sũ³na²
wãn³txa² kwẽn¹ta² ain³kxi²nha²kxai²nãn²tu³
a²wi¹lhĩ¹na² e³jah¹la² sa²kxai³lu² ã³na¹sxã³
ã³wxe³sẽ¹la². Nxẽ¹kxai²nãn²tu³ kwẽn¹ta²
wxã³jah¹la² ĩ³ye³ ã³si³wxe³txai²la².

31 Wxãi² ĩ³nxa² yxo²ha³kxa¹ Txa²wã¹sũ³na²
wãn³txa² ĩ³yau¹ũ³nyhu¹sxã³ ĩ³yi²lho¹kxa²
ai³jah³lxi³hẽ¹la². Nxe³yah³lxin¹kxai²nãn²tu³
Txa²wã¹sũ³na² wãn³txai²li² ã³ne³wxe³yah³lxin¹tu¹wa².
Yxah³lxi¹nha²kxai³ ã³nxũ²kwai³lxũ¹nyhah¹lxin¹tu¹wa².

32 Txa²wã¹sũ³na² wãn³txa² ĩ³yau¹ũ¹yah³lxin¹kxai²nãn²tu³
wã²nxũh¹ ĩ²nha¹yah³lxi³sxã³ wain³txi³
hau³hau³kot3sxã³ ĩ³yau¹ũ¹nha¹jah³lxi³hẽ¹la².

33 Nxe³sxã³ Txa²wã¹sũ³na² hi²sen³kxai³lu²
ĩ²sxã³ ĩ³kaix1so¹nẽ³te²jai¹ti²tu³wa². Ku³kuh³nxa²

kāi³kī³ju³ta² te³nxa³wa², Txa²wā¹sū³na²sa³.
 Wain³txi³ hau³ko³kī³ju³ta² ten³na³la².
 Je³su²jah³lai²na² wān³txa² yxo²ī²sxā³
 yxau²xai³tū³ka³txi³nāu³xai²na² yxo²ha³kxa¹
 ī³yau¹ū¹hai¹nhxai²na¹hē³la².

34 Txa²wā¹sū³na² sa²nēn¹kxi²te³lhxā³
 ā³yā³nū²kxi²yah³lxin¹kxai²nān²tu³
 txu¹ti³nāu³xai²na² ka³nahx²nxe³sxā³ yxau³sxā³
 ain³kxi²si¹hai¹na¹jau³su² kwa³na³ai¹na¹wa². E³xa²
 yxau³ain¹kxai²nān²tu³ wai³nxa³wa². Nxe³jau³xai²na²
 Txa²wā¹sū³na² ū³wha²li¹txā³nxai³tā² nxe²
 ī³yau¹ū³nē³ta¹hxai²hē¹la².

35 Nxe³sxā³ wān³txa² wā³txi³jau³su²
 yū³kxai²nān²tu³ a²sxi²nhāu³a² a²wē³sāi¹yah³lai²li²
 ī³wā³txi³txai¹la². Jā¹nxe³sxā³yxo²ī²yah³lxin¹tū³ka³txi³
 ī³nxai²na² ā³yā³nū²kxah³lxin¹tāu³a¹ txu¹ha³
 ī³ye³ye¹nx²ti³ju³ta² wai³nxa³wa².

36 Yxān¹ta¹ wxa²nū³ka³txi³ ī³nxai²na² so¹lxi³
 Txa²wā¹sū³na² wān³txa² yū³nxa²lxi³ji¹wa²?
 Wxa²nū³ka³txi³nāu³ ī³nxai²na² so¹lxi³
 ī³tih³nxe³nx²ti³te²la¹xā³? Hai³txi³ ti³he¹nx²nxa³wa².

37 Nxe³ha²kxai³:

— Txa²wā¹sū³na² wān³txa² ī³hen³txi³jah¹lo²sa¹xā¹.
 Wā³nxīn¹khai¹nxe³ju³ta² txai²na² so¹lxi³
 ū³hū¹sa²na³nā¹. Yxah³lxin¹kxai²nān²tu³
 txa²wān³txa² ain³kxi²khaix¹sah¹lxi³hē¹la².
 Txa²wā¹sū³na² kwa³na³nē³jau³xa² ū³hū¹sa³ha²kxai³
 ū³wha²li¹lye¹nx²ta¹wa².

38 Yxān¹ta¹ txa²wān³txa² ain³kxi²sa²nxa³jah¹lo²su²
 yū³kxai²nān²tu³ a²nxe³jah¹lai²na² wān³txa²
 ain³kxah¹lxi³txa³hē¹la².

39 Jā¹nxe³jut3su² Txa²wā¹sū³na² wān³txa²
 i³yau¹ū¹ju³ta² ā³ten³khai¹nxe³jah³lxi³hē¹la².
 Yxān¹ta¹ wān³txa² yau³ā³lxa³ti³ e³jah¹la²
 i³kwai²kxah¹lxi³txa³hē¹la², Txa²wā¹sū³na²
 wān³txi³su² nū¹kxan²ti³na².
 40 Jā¹nxe³ha²kxai³ kāi³yah³lxin¹ju³ta² i²li³ju³ta²
 hau³hau³kot3sxā³ o²la³kxi¹jah³lxi³hē¹la².
 Ku³kuh³nxe² o²la³kxi²yah³lxi³txa³hē¹la².

15

Kris²tu³jah¹la² ka³ten³su² i³sa²yxau³xi²jau³su²

1 Nxa²ha¹te¹ txa²wā³tā³nāu³xāi³.
 Ain³kxi²sah¹lxi³hē¹la². Txa²wā¹sū³na² wān³txa²
 e³kxi¹nx2ta¹jau³xai³tā² ain³kxi¹jah³lxi³hē¹la².
 Nxe³jau³xai³tā² ain³so¹yah³lxin¹jau³xai³ta³lxi³
 yxo²i²ah³lxin¹jau³xai³txa³lxi²na³la².
 2 A²nxe³jau³xai²li² i³yau¹ū¹nx2ta¹jau³xai³tā²
 Txa²wā¹sū³na² wān³txa² wi¹jau³xai²la¹wa².
 Nxe³sxā³ ain³kxi²sxā³ yxo²i²yah³lxi¹nha²kxai³
 wxa²ē¹nāu³ai²na² sa²hau³ko³tūh¹nx2ti³na²hē³la².
 Nxū²kwai³lxū¹txi³ yxau³yah³lxin¹kxai²nān²tū³
 sa²hau³ko³nha²sxā³ yxau³yah³lxin¹tu¹wa².
 Yxān¹ta¹ jau¹xai²na² yxo²i²yah²lxan³kxai²nān²tū³
 wxa²ē¹nāu³ai²na² sa²ha³ko³txa²lxi³ju³ta³la³
 yū²nxa³wa².
 3 Nxe³sxā³ wān³txai³tā² Txa²wā¹sū³na²
 ū³hū¹sa²jau³xain²ti³ i³hen³txi³nx2ta¹jau³xain²txi²na³la².
 Nxe³jau³xai²na² wxi²kan¹jau³xai²la¹wa².
 Kris²tu³jah¹la² ya³lu²kxi²nē³lha²kxai³
 txa²wā¹ko³nxe³ti³ kāi³ki³ju³ta² sa²wa²su¹tū¹nhē³te³lhxā³
 ta¹hxai²hē¹la². Nxe³jau³xai²na² Txa²wā¹sū³na²
 ū³wha²li¹txā³nxai³tā² nxe³ta¹hxai²hē¹la².

4 Jā¹nxe³sxā³ ya³lu²kxi²nē³nū²la²
 sa²nī³kxain¹ta¹hxai²ti³ai¹ti²tu³wa². Hā²wxān³txi³nū²
 ye³ha¹li¹ ka³na³ki¹ a³lan²ni²ka³tu³ Txa²wā¹sū³na²
 hi²sen³su² ka³ten³su² ī³sa²yxau³xi²si¹ta¹hxai²hē¹la².
 Nxe³hī¹nān¹te²tu³ ka³ten³su² yxau²xai³nha²wa².
 Txa²wā¹sū³na² ũ³wha²li¹txā³nxai³tā²
 nxe³ta¹hxai²hē¹la².

5 Nxe³ha²kxai³ Pe²jah³la² ā³yū²txi²xi² a²to²se³
 nū³ka³txa² ā³yū²txi²xi² nxe³ta¹hxai³hē¹la².

6 Nxe³ka³tu³ yxo²i²tū³ka³txa² ka³lxa¹txi³
 500 nxe² a²nū²a² ka³lxa¹txi³ ā³sā²nū¹sxā³
 ā³yū²tain¹ta¹hxai²hē¹la². Nxe³tū³ka³txa²
 yxo²ha³kxa¹ ka³ten³ti³ hi¹nain¹nha²wa². Yxān¹ta¹
 ī²li²te²su² te²a¹ ya³lu²ain¹nha²wa².

7 Nxe³ha²kxai³ Ti³a²kah³lai¹tā² ī²nūn³ta¹hē¹la².
 Āh¹ jā¹nxe² yan¹nāu³a¹ ī³kaix¹so¹tū³ka³txa²
 yxo²ha³kxa¹ ī²ain¹nūn³ta¹hē¹la².

8 A²ne³ki³sa³nāu³a¹ txai²li² ī²nū³na¹hē³la². Wē³sa²
 yxau³ni¹te²a² wa³su³txi³ a³li³lah¹te²sxa³jai¹ti²tu³wa².
 Jā¹nxe² a²ne³ki³sa³nāu³a¹ Je³su²jah³la²
 wā²nā³ū¹sa³jah¹lo²sa¹wa².

9 Ī³kaix¹so¹sa²nūn³jah¹lo²sa¹wa².
 Txai²na² kāin²sa²nxa³jah¹lo²sa¹wa².
 Nxe³ha²kxai³ ī³kaix¹so¹tū³ka³txa² yxo²ha³kxa¹
 ā³sen³sai¹sain¹nha²wa². Kxā³nhxī¹nāu³aj³tā²
 Je³su²jah³lai²na² wān³txa² yxo²i²tū³ka³txa²
 khāuh³lxa³txai¹na¹hē³la². Nxe³na¹ju³ta²:

— Wain³txa²na³nā¹. Txa²ē¹nān¹jau³xa² te²sa¹wa².

10 Nxe³yān¹ta¹ Txa²wā¹sū³na² sa²kxai³lu²
 kāin² thāi³ti³la² a³lxi²sa²ha²kxai³
 txa²ē¹nāu³a² sa²hau³kot³sa³ha²kxai³
 ī³hxi²kat¹sa³na²hē³la². Ī³hxi²kat¹sa²ju³ta²

kwa²hāi¹nxe² ī³hxi²kat1sa²nxa³hē³la².
 Nxe³sa²nxa³ju³tan¹te²kxa³yā³lhu² ya³lo³txi²sxā³
 o²la³kxi²na¹ju³ta² ī³kaix1so¹tū³ka³txa²
 yxo²ha³kxa¹ txa²wā¹wa³ka³li³yu³ta²
 ā³sen³sai¹ai¹na¹hē³la². Nxe³na¹kxan²ti³ nxū¹txai²na²
 txa²nū³kxū³na¹ju³ta³la³ o²la³kxi²te²txā³wa².
 Txa²wā¹sū³na² ī³hxi²kat1sa²ju³ta² so¹lxi³
 o²la³kxi²jah¹lo²sa¹wa².

11 Jā¹nxe³jut3su² txai²la³ tā³nxa²
 tū¹kā³txai²la³ tā³nxa² ī³hen³txi³nx2ti³nha¹jau³xa²
 kwa²hāi¹nxū¹hī³nx2na³la². Ī³hen³txi³jah¹la²
 ī²li³te²a¹ kwa²hāi¹nxū¹hī³nx2na³la². Nxe³yān¹ta¹
 ī³hen³txi³nx2ti³jau³xai³tā² yxo²ī²yah³lxin¹jau³xa²
 nxe³jau³xai²na² so¹lxi³ ka³lih³kxi²na¹jau³xai²la¹wa².
 Ain³kxah¹lxi¹nha²kxai³ yxo²ī²yah¹lxi³hxai¹nhē³la².

Yxo²ī²tū³ka³txi³ki³na¹xai²na² ka³ten³su²
ī³sa²yxau³si¹nhē³nū³jau³su²

12 Nxa²ha¹te¹ Txa²wā¹sū³na² hi²sen³kxai³lu²
 Kris²tu³jah¹la² ka³ten³su² ī³sa²yxau³xi²si¹jau³xa²
 ī³hen³txi³nx2ta¹tai¹ti²tu³wa². Nxe³nx2ta¹ha²kxai³
 ih¹nxe³kxa²yan³ti³tā³ ī²li³te² ī³nxai²na¹
 e³yah³lxin¹thai¹la²? E³yah³lxin¹te³nah¹lxi¹:

— A²nū²a² ya³lu²kxai²nān²tu³ hai³txi³
 ka³ten³su² ī³sa²yxau³xi²ju³ta² yū²nxa³lho³li¹.
 Nxe³yah³lxi³ta¹hi¹nhē¹la².

13 Nxe³yān¹ta¹ ka³ten³su² ī³sa²yxau³xi²ju³ta²
 yū²nxa³ke³la³te²kxai³ Kris²tu³jah¹la² hai³txi³
 ka³ten³su² ī³sa²yxau³xi²hī²nxa³wa².

14 Yxān¹ta¹ Te²yā¹nxe³sxā³ Kris²tu³jah¹la²
 ka³ten³su² ī³sa²yxau³xi²nxa³ke³la³te²kxai³
 ī³yau¹ū¹nx2ta¹jau³su² yū²hī³nx2nxa³wa².

Te²ya¹nxūn³sxā³ wān³txa² yxo²i²yah³lxin¹jau³xa²
yū³nū³nhī³nx2nxa³wa².

15

Jā¹nxe³ju³tan¹te²kxa³ya³lhu²
nxe³ke³la³te²kxai³la¹ txa²wā¹wān³txa²
ī³ye³kxi²kī³te³nah¹lxi¹:

— Txa²wā¹sū³na² ki³han³jah¹lai²la¹wi¹.
Nxe³hī³kī³tā³la². Nxe³sxā³ Txa²wā¹sū³na² hi²sen³su²
Kris²tu³jah¹la² ka³ten³su² ī³sa²yxau³xi²si¹ju³ta³
ī³hen³txi³sī¹na¹ha²kxai³ txa²wā¹wān³txa²
ī³ye³kxi²kī³te³nah¹lxi¹:

— Txa²wā¹sū³na² ki³han³jah¹lai²la¹wi¹.
Nxe³hī³kī³tā³la². Jā¹nxūn³sxā³ a²nū²a²
ya²lun¹ti³te²nāu³xai³tā² ya²la³tu³ ka³ten³su²
ī³sa²yxau³xi²ti³hi¹tai¹nxa³ke³la³te²kxai³
Txa²wā¹sū³na² hi²sen³kxai³lu² Kris²tu³jah¹la²
hai³txi³ ka³ten³su² ī³sa²yxau³xi²ti³hit1sī³nx2nxa³wa².

16 Jā¹nxe³sxā³ ya²lun¹ti³ te²nāu³xa² ka³ten³su²
ī³sa²yxau³xain¹si¹hxa³ke³la³te²kxai³ Txa²wā¹sū³na²
hi²sen³kxai³lu² Kris²tu³jah¹la² ka³ten³su²
ī³sa²yxau³xi²nūn³si¹hī³nx2nxa³wa².

17 Nxe³sxā³ Txa²wā¹sū³na² hi²sen³kxai³lu²
Kris²tu³jah¹la² ka³ten³su² ī³sa²yxau³xi²si¹hxa³ke³la³te²kxai³
Je³su²jah³lai²na² wān³txa² yxo²i²yah³lxin¹jau³xa²
kwa²to³toh³lxi³jau³su² hī³nx2na³la².
Kwa²to³toh³lxi³jau³su² ke³la³te²kxai³
ko³nxe³ti³ kāi³yah³lxin¹ju³ta² kan²txi³ ī³sxā³
yxau²xai³lyah³lxi³hī³nxa¹lxa². Hai³txi³
wxa²ē¹nai²na² sa²wa²su¹txa²lxi³hī³nx2nxa³wa².

18 Jā¹nxe³ke³la³te²kxai³ Kris²tu³jah¹lai²na²
wān³txa² yxo²i²tū³ka³txa² ā²la² ya³lu²te²nāu³xa²
a²ko³nxe³ju³ta² āh¹yū³ai¹nhī³nx2na³la². Hai³txi³

wxa²wa²su¹tai¹nhĩ³nx2nxa³wa².

19 Nxe³sxã³ ka³te³na² hin¹ki³tãu³a²
so¹lxi³ Kris²tu³jah¹lai²na² hxi²ka²

sa²hau³kot3sa²tẽ³ũ¹nhẽ³ke³la³te²kxai³
ya³lu²ki³sĩ¹na¹ sa²hau³ko³tũ¹nhẽ³ju³tai²li²
yũ³nẽ³lhĩ³nx2nxa³wa². Nxe³ke³la³te²kxai³la¹

ĩ³ãin²ta³kxi²nha²khaix1nxe³tũ³ka³txi³su²hĩ³ki³tã³la².

20 Nxe³yãñ¹ta¹ ya²la³tũ³ Txa²wã¹sũ³na²
hi²sen³kxai³lu² Kris²tu³jah¹la² ka³ten³su²
ĩ³sa²yxau³xi²ti³hi¹ta¹hxai³hẽ¹la². Wãn³txi³khai¹xai²la¹wa².

Nxe³sxã³ ka³ten³su² ĩ³sa²yxau³xi²si¹ha²kxai³
ya²lun¹ti²tũ³ka³txa² yxo²ha³kxa¹ ka³ten³su²
ĩ³sa²yxau³xi²si¹hain¹nũñ³tu¹wa².

21-22 Nxe³sxã³ kxã³nhxĩ¹nu¹tai²na² in³txa²
ka³na³ka³na³jah¹la² A³tãu²ah³lo²su² ha²kxai³
nxe³jah¹la² so¹lxi³ ko³nxe³ti³ kãĩ³ha²kxai³
ya³lu²ta¹hxai²ti³ai¹ti²tu³wa². Nxe³hi¹nãn¹te²tu³

a²nũ²a² yxo²ha³kxa¹ ya³lu²nẽ³ju³ta³nũ³a²
yũ³ki³tã³la². Te²yã¹nxe³ju³ta² a²nũ²a²

ka³na³ka³na³jah¹la² Kris²tu³jah¹lo²su² ha²kxai³
nxe³jah¹la² so¹lxi³ Txa²wã¹sũ³na² hi²sen³kxai³lu²
ka³ten³su² ĩ³sa²yxau³xi²si¹ta¹hxai²ti³ai¹ti²tu³wa².

Nxe³hi¹nãn¹te²tu³ a²nũ²a² yxo²ha³kxa¹ ka³ten³su²
ĩ³sa²yxau³xi²ti³hi¹tẽ³ju³ta³nũ³a² yũ³ki³tã³la².

23 Jã¹nxe³ju³tan¹te²kxa³ya³lhu² ka³ten³su²
ĩ³sa²yxau³xi²ki³tu¹wa². Yxãn¹ta¹ Kris²tu³jah¹la²

txã² ka³ten³su² ĩ³sa²yxau³xi²tai¹ti²tu³wa².
Nxe³sãn²ka³tu³ hã²wxãn³txa³ a³ka³nxi²sxã³

wã³li²tãu³a¹ yxo²ĩ²tũ³ka³txi³ki³na¹xai²na²
sa²kxai³lu² ã³ta³lo³hêt1sxã³ ka³ten³su²

ĩ³sa²yxau³xi²ti³hi¹tẽ³tu¹wa².

24 Nxe³te²ka³kxa¹ ne³ki³son³ju³ta² wxã³tu¹wa².

Nxe³sxã³ Kris²tu³jah¹la² hi²sen³su² yuh³xai²nãn¹ta²
 wa³kxẽn³ti³nãu³xa² ã³na¹ai¹nha²kxai³
 a²hxi²kan¹ti³nãu³xai²na² ã³na¹ai¹nha²kxai³
 nũ³kxũn³txi³ o²la³kxi²jah¹la² ã³na¹ai¹nha²kxai³
 nxe³sãn²nũ²la² Txa²wã¹sũ³na² Txa²wã¹wĩ³na²
 Si³yxau³jah¹lo²su² ha²kxai³ nxe³jah¹la² hxi²ka²
 ũh³wxe³ain¹tu¹wa².

25 Jã¹nxe³sxã³ Txa²wã¹sũ³na² sa²kxai³lu²
 a²ko¹ko¹nũ³ka³txa² ã³na¹xa³ta³lxa¹ Kris²tu³jah¹la²
 hxi²ka² ũh³wxe³ai¹nxa³ta³lxa¹ Kris²tu³jah¹la²
 hxi²ki³kxai³lu² i³kwa³na³ain¹tu¹wa².

26 Nxe³sxã³ a²ko¹ko¹nũ³ka³txa² a²ne³ki³son³sxã³
 yu³lu²nẽ³ju³ta³nũ³a² ne³ki³so³tu¹wa², Txa²wã¹sũ³na²
 hxi²ka²sa².

27 Nxe³sxã³ Txa²wã¹sũ³na² ũ³wha²li¹txã³nxai³tã²
 nxe³te³nah¹lxi¹:

— Txa²wã¹sũ³na² hi²sen³su² yen³kxa²
 yxo²ha³kxa¹ ã³na¹sxã³ wa³ka³ti³lot3sxã³
 Kris²tu³jah¹la² hxi²ka² ũh³wxe³ain¹na²hẽ³li¹.
 Nxe³ta¹hxai²hẽ¹la². Nxe³jau³su² ha²kxai³ yen³kxa²
 yxo²ha³kxa²su¹ jau³jau¹xai²na² ũh³wxe³ain¹jau³su²
 hai³txi³ Kris²tu³jah¹la² hxi²ki³kxai³lu²
 Txa²wã¹sũ³na² wa³ka³ti³lo³txa³lho³la². Nxe³ju³ta²
 sa²kxai³lu² Txa²wã¹sũ³na² Kris²tu³jah¹la²
 a²hxi²kan¹ti³sa²ye²na³la².

28 Nxe³nũ²la² yen³kxa² yxo²ha³kxa¹
 Kris²tu³jah¹la² hi²sen³su² a²wa³kxẽn³su²
 hĩ¹na¹ Txa²wã¹sũ³na² kwa³na³kxi²ju³ta³nũ³a²
 wã²nxũh¹ ũh³wxe³nũh¹tu¹wa². Hã²wxãn³txa³
 Txa²wã¹sũ³na² hi²sen³su² yen³kxa² yxo²ha³kxa¹
 kwa³na³tãu³lon³tu¹wa². A²nxe³jah¹la² sa²kxai³lu²
 a²kxã³nxa² yen³kxai²na² yxo²ha³kxa¹ Kris²tu³jah¹la²

hxi²ka² ũh³wxe³jah¹lai²la¹wa².

29 Nxa²ha¹te¹ a²nũ²a² sa²kxai³lu² ya³lu²te²a²
 ĩ³yau³xa² ũ³hũ¹kxi²sa²sai¹xi²nũh¹kxai²nãn²tũ³
 ĩh¹n¹xet3sĩ³te²la¹xã³? ĩh¹nxe³kxa²ya³n³ti³ta³nhĩ¹te²la¹xã³?
 Ka³ten³su² ĩ³sa²yxau³xi²ju³ta² yũ²nxa³ke³la³te²kxai³
 ĩh¹nxe³kxa²ya³n³ti³ta³ ya³lu²te²a² ĩ³yau³xa²
 ũ³hũ¹kxi²sa²sai¹xi²nũh¹hĩ³te²la¹xã³?
 Kwa²hã¹nxe³hĩ³nx2na³la².

30 Te²yã¹nxe³sxã³ka³ten³su²ĩ³sa²yxau³xi²ju³ta³nũ³a²
 yũ²nxa³ke³la³te²kxai³ ĩh¹nxe³kxa²ya³n³ti³ta³
 ye³khãuh³lxi²sin¹to³hĩ³te²la¹xã³? Kwa²hã¹nxe³hĩ³nx2na³la².

31 A³lan²ta² hã¹nxe³ti³xa¹ ĩ³ya²lu¹te³lhxã³
 khãuh³lxa³txi³sai¹n¹hxai²kxai³ jã¹nxe³sxã³
 khãuh³lxa³txi³sain¹nha²wa². Ya²la³lyau³xai²la¹wa².
 Nxe³sxã³ Je³su² Kris²tu³jah¹la² Txa²wã¹hxi²kan¹ta²
 Si³yxau³jah¹lo²su² ha²kxai² nxe³jah¹lai²na²
 wãn³txa² yxo²ĩ²yah³lxi¹nha²kxai³
 ã²la² a³la³kxi²ti³lon³yah³lxi¹nha²kxai³
 ka³lih³khaix¹sa³nha²wa². Jau¹xai²na² ya²la³tũ³jau³su²
 nũn³na³la².

32 E²fe³so³thĩ³na² yxau³na¹tãu³a² kãin²
 o²la³kxi²na¹wa². Ya²na¹la² ũn³txi³su² te²a²
 a²nũ³kxũn³ju³ta² yã¹nxe³sxã³ Txa²wã¹sũ³na²
 wãn³txa² ya³lo³txi²sxã³ ĩ³hen³txai¹na¹wa². E²fe³so³
 nũ³ka³txai²li² txa²wãn³txa² te³nai¹nxa³kxan²ti³
 ya³lot3sxã³ o²la³kxi²na¹wa². Yuh³xai²nãn¹txe²
 yen³kxa² a²yo³ha² hã¹sxã³ so¹kxi²na¹ju³ta²
 ten³na¹ke³la³te²kxai³ ĩh¹nxe³kxa²ya³n³ti³ju³ta²
 khãuh³lxa³txi³nha²hĩ³na¹te²la¹xa³? Ka³ten³su²
 ĩ³sa²yxau³xi²ju³ta² ya²la³tũ³ yũ²nxa³ke³la³te²kxai³
 wãn³txa² tĩn³yau³xai³tã² sa²yxo²wet1sxã³

kāi³hī³kī³tā³la². Nxe³ju³tai³tān¹jau³xa²
 nxe³te³nah¹lxi¹:

— Hī¹na² kāin² yain³ya³sah¹lxi³wxi¹. Kāin²
 ī³na¹a³sah¹lxi³wxi¹. Kwa² wa³nī³lon³ya³sah¹lxi³wxi¹.
 Nxe³ha²kxai³ ka³nxa³ha²ta³a² ya³lu²kī³ju³ta³nū³a²
 yū³tu¹wi¹. Nxe³hxai²na²hē³la².

33 Nxe³sxā³ ā³ke³tū¹nyhah¹lxi³txa³hē¹la².
 Wxa²ya³la³nāu³xa² yxau²xai³lya³hai¹nīn¹te²nāu³xa²
 kuh³lxa³thin¹sxā³ kāi³ain¹kxai²nān²tu³
 wxa²ē¹nāu³ai²na²ko³nxa³thin¹kāi²no³nxa²lxi³ha³ta²wa².

34 Hxi²ka¹ka¹nha²sxā³ a³la³kxi¹jxah³lxi³hē¹la².
 Wain³ju³ta² so¹lxi³ kāi³jah¹lxi³hē¹la². Ko³nxe³ti³
 kāi³yah³lxin¹ju³ta² o²la³kxi²yah³lxi³ta³lxa².
 Āu²lxa²to³nha²lxi³si¹nx2ta¹jau³su² nxe³ye¹nx2ta¹wa².
 Wxa²nū³ka³txi³nāu³xa² Txa²wā¹sū³na² wān³txa²
 yxo²ī²xa³te²a² yū³yah³lxi¹lxa².

Txa²wā¹nū²nāu³ai²na² ka³ten³su²
ī³sa²yxau³xi²jut3su²

35 Nxa²ha¹te¹ a²nū²a²ī³wā³txi³nx2ti³te³an¹jau³kxai³lu¹
 ī³ye³kxi²te³nah¹lxi¹:

— Txa²wā¹nū²nāu³ai²na² īh¹nxe³sxā³ ka³ten³su²
 ī³sa²yxau³xi²te³ji¹wi¹? Txa²wā¹nū²nāu³ai²na²
 īh¹nxe³khaix1nxe³sxā³ txa²wā¹nū²nāu³ai²la³te³ji¹wi¹?
 Nxe² ī³wā³txi¹nx2tai¹nhī³nx2na³la².

36 Toh³la² e³yah³lxi³txa³hē¹la².
 Yain³ta³ki³a² ū³whī¹kī³kxai²nān²tu³ ye³jen¹na²
 ya³lu²te²jai¹ti²tu³wa². Nxe² ya³lu²sān²nū²la²
 ka³lū³xi²te²jai¹ti²tu³wa². Jā¹nxe³tu¹wa².

37 Nxe³sxā³ ū³whī¹kī³ki³ai²li² a²ki³a²
 so¹lxi³ ū³whī¹kī³te²ju²hē³la². Tri²ka²ki³a²
 tā³nxa² ī²li³ki³a¹ ū³whī¹kī³te³ju²hē³la².

A²nxe³ta³ne³kxa² wi¹wen¹ta³nē³ka³nũ³a²
 hai³txi³ ũ³whī¹ki³te²sxa³yu²hē³la².
 Wi¹we¹nxa³ta³ne³ka³nũ³a² ũ³whī¹ki³te²ju²hē³la².

38 Jā¹nxe³sxā³ ki¹ai²li² ũ³whī¹ki³ki³ai²na²
 sa²kxai³lu² Txa²wā¹sũ³na² hi²sen³su² a²nũ²khai³xa²
 ten³ju³ta³nũ³a² sa²wet¹sxā³ ũ³hũ²xai³te²ju²hē³la².
 Nxe³sxā³ ki¹ai²na² yxo²ha³kxa¹ ki³ka³na³ka²
 a²nũ²khai³xa² ũ³hũ²xai³te²ju²hē³la².

39 Ka³ten³su² yxo²ha³kxa¹ a²sī³na²
 ha³na³ka³lxi³nxa² ai³te²ju²hē³la². In³txa²
 a²sī³na² ha³na³ka³lxi³nha²kxai³ ka³yxuh³xa²
 a²sī³na² ha³na³ka³lxi³nha²kxai³ ai³ka² a²sī³na²
 ha³na³ka³lxi³nha²kxai³ ai³na² a²sī³na²
 ha³na³ka³lxi³nha²kxai³ nxe³te²jai¹ti²tu³wa².

40 Te²yā¹nxe³sxā³ oh³xan¹te²a² a²nũ²khai³xa²
 ha³na³ka³lxi³nha²kxai³ yuh³xan¹te²a² a²nũ²khai³xa²
 ha³na³ka³lxi³nha²kxai³ nxe³te²jai¹ti²tu³wa².
 Nxe³sxā³ oh³xan¹te²a² a²ha²ta²na¹
 ha³na³ka³lxi² ye³yan³txi³ha²kxai³ yuh³xan¹te²a²
 a²ha²ta²na¹ ha³na³ka³lxi³ ye³yan³txi³ha²kxai³
 nxe³te²jai¹ti²tu³wa².

41 U³je³na³ka² a²ha²te¹ju³ta² ha³na³ka³lxi³nxa²
 ai³ha²kxai³ i³la³kxa² a²ha²te¹ju³ta² ha³na³ka³lxi³nxa²
 ai³ha²kxai³ hi³ka²ta³a² a²ha²te¹ju³ta²
 ha³na³ka³lxi³nxa² ai³ha²kxai³ nxe³te²jai¹ti²tu³wa².
 Hi³ka²ta³nāu³xai²li² te²yā¹nxe³sxā³ a²ha²te¹ju³ta²
 ha³na³ka³lxi³nxa² ai³nũ³te²jai¹ti²tu³wa².

42 Jā¹nxe³sxā³ te²yā¹nxũ³ki³tu¹wa².
 Ya³lu²te²a² ka³ten³su² i³sa²yxau³xi²tāu³a¹
 ā³lxa³txi³ i³sa²yxau³xi²tu¹wa². A²nũ²a²
 sa²nī³kxi²ki³kxai²nān²tu³ khon³hxa³te²ju²hē³la².

Yxān¹ta¹ ka³tēn³su² ī³sa²yxau³xi²tāu³a¹ hai³txi³
khon³hxan³ju³ta³la³ yū²nxa³lho³la².

43 Sa²nī³kxi²ki³tāu³a² a²nū²khai³xa²
ko³nxe³ha²kxai³nū³kxū³nxa³ha²kxai³te²jai¹ti²tu³wa².
Yxān¹ta¹ ka³tēn³su² ī³sa²yxau³xi²hī¹na¹ wi¹lha²kxai³
nū³kxū³nha²kxai³nxe³ki³tu¹wa².

44 Sa²nī³kxi²ki³tāu³a² a²nū²a² yuh³xan¹te²a²
sa²nī³kxi²hī³ki³tā³la². Yxān¹ta¹ ka³tēn³su²
ī³sa²yxau³xi²hī¹na¹ a²nū²a² oh³xan¹te²su²
ī³sa²yxau³xi²tu¹wa². Nxe³sxā³ yuh³xan¹te²nū²nāu³a²
yū³kxai²nān²tu³ yan¹nāu³a¹ oh³xan¹te²nū²nāu³a²
ā³lxi³ton³tu¹wa².

45 Nxe³sxā³Txa²wā¹sū³na² ū³wha²li¹txā³nxai³tān¹jau³xa²
e³te³nah¹lxi¹:

— A²wi¹lhi¹nān¹jah¹lai²na² A³tāu²ah³lo²su²
ha²kxai³ a²nū²khai³xa² ka³tēn³su²
sa²we¹ta¹hxai²ti³ai¹ti²tu¹wi¹. Yxān¹ta¹
ā³ta³lo³hē¹tāu³a¹ ye³jen¹nū³nān¹jah¹la²
Kris²tu³jah¹lo²su² ha²kxai³ a²ka³tēn³yu³ta²
ā²la² yū³jah¹lai²la¹wi¹. A²nū²a² ī³ka³tēn³su²
ti³hi¹jah¹lai²la¹wi¹. Oh³xan¹te²a²wxā³jah¹lai²la¹wi¹.
Nxe³ta¹hxai²hē¹la².

46 Nxe³sxā³ oh³xai²nān¹jah¹la²
ne³ka³ta²sxā³ wxā³ta¹hxai²nxa³ti³ai¹ti²tu³wa².
Yuh³xai³nān¹jah¹lo²nu¹tai²na² ne³ka³ta²sxā³
wxā³ta¹hxai²ti³ai¹ti²tu³wa². Ā³ta³lo³hē¹jah¹la²
oh³xai³nān¹jah¹la²wxā³ta¹hxai²ti³ai¹ti²tu³wa².

47 A²wi¹lhi¹nān¹jah¹lo²nu¹tai²na²su²
A³tāu²ah³lo²nu¹tai²na²su² kīh³nū³khai³xa²
Txa²wā¹sū³na² hi²sen³su² we¹ta¹hxai²ti³ai¹ti²tu³wa².
Ā³ta³lo³hē¹jah¹la² oh³xa² wxā³jah¹lo²su²
ta¹hxai²ti³ai¹ti²tu³wa².

48 Te²yā¹nxe³sxā³ yuh³xai²nān¹tū³kā³txa²
 yxo²ha³kxa¹ kīh³nū³xa² sa²we¹jah¹lu¹jā¹nxe³
 hī³nx2na³la². Yxān¹ta¹ oh³xai²nān¹tū³kā³txai²na²
 sa²kxai³lu² oh³xa²wxā³jah¹lu¹jā¹nxe³hī³nx2na³la².

49 Jā¹nxe³jut3su²hī¹nai²na²yuh³xai²nān¹jah¹lu¹jā¹txe²su²
 kī³tā³la². Yxān¹ta¹ kxā³nāu³a¹ oh³xai²nān¹jah¹la²
 yā¹txe²su²kī³tu¹wa².

50 Txa²wā³tā³nāu³xāi³. Nxe³jau³xai²na²
 ī³yau¹ū¹nx2ti³jau³xai²la¹wa². A²nū²khai³xa²
 txa²wā¹sīn³su²txa²wā¹txi³ha²yau³su²txa²wā¹nū²su²
 ha²kxai³ nxe² hxi²kan¹txi³ Txa²wā¹sū³na²
 yxau³ju³khai³xa² ā³wih¹kī³sxa³lho³la². Nxe³sxā³
 yuh³xai²nān¹te²a² sa²kxai³lu² khon³hxn³ju³ta²
 yū³ha²kxai³ hxi²kan¹txi³ oh³nān¹te²lo³nxa³lho³la².

51 Ain³kxi²khai¹nxe³sah¹lxi³hē¹la². Wān³txa²
 hāi³jau³xai³tā² ī³yau¹ū¹nx2ta¹tu¹wa².
 Txa²wā¹nū³kā³txi³kī³na¹xai²na² a²wā³kxi³kxai³
 ya³lu²kī³ju³ta³nū³a² yū³nē³lha²kxai³ a²wā³kxi³kxai³
 ya³lu²kī³ju³ta³nū³la³ yū³kī³sxa³ha²kxai³
 nxe³kī³tu¹wa². Nxe³yān¹ta¹ txa²wā¹nū²nāu³ai²na²
 yxo²ha³kxa¹ ā³lxa³ton³kī³tu¹wa².
 Ā³lxa³ti³hi¹tē³tu¹wa², Txa²wā¹sū³na² hxi²ka²sa³.

52 Wa³su¹txi³ ye³ka³tē³kī³kxa² yā¹nxe³sxā³
 ā³lxa³ton³kī³tu¹wa². Trū³be²ta²ka³txa² wāi²la²
 hū³ka³txa² ne³kī³san¹ka³txa² wxa²no²la³kxain¹tāu³a¹
 ā³lxa³ton³kī³tu¹wa². Nxe³tāu³a² ya³lun¹ti³tū³ka³txa²
 yxo²ha³kxa¹ ka³ten³su² ī³sa²yxau³xi²si¹hain¹tu¹wa².
 Ka³ten³su² ī³sa²yxau³xi²ti³hi¹tai¹nha²kxai³
 kho³nhxn³ju³ta³la³ yū²nxa³lho³la². Nxe³sxā³
 yxo²ha³kxa¹ ā³lxa³ton³ya³nhē³lain¹tu¹wa².

53 Jā¹nxe³ha²kxai³ khon³hxn³te²kī³nāu¹xa²

yxau²xai³ki³tāu³a² ya³lu²ki³ju³ta³nũ³a² yũ³nē³na³la².
 Yxān¹ta¹ hā²wxān³txa³ khon³hxa³kxi²nē³lxa³ju³ta²
 ā³lxa³ton³ki³tu¹wa². Nxe³kxai²nān²tu³
 ya³lu²ki³ju³ta³nũ³la³ yũ³nē³lxa³lho³la².

54 Jā¹nxe³sxā³ txa²wā¹nũ²ki³nāu¹khai³xai²na²
 khon³hxa³te²ki³nāu¹xai²na² ā³nā³lxi³to³tu¹wa².
 Txa²wā¹nũ²ki³nāu¹khai³xai²na² khon³hxa³te²sxa³ki³nāu¹xai²na²
 wen¹ki³tu¹wa². Te²yā¹nxe³sxā³
 a²nũ²ki³nāu¹khai³xai²na² ya³lu²te²ki³nāu¹xa²
 ā³nā³lxi³to³tu¹wa². A²nũ²ki³nāu¹khai³xai²na²
 ya³lu²nxa³te²ki³nāu¹xa² wen¹ki³tu¹wa².
 Nxe³hī¹na¹ Txa²wā¹sũ³na² ũ³wha²li¹txā³nxai³tā²
 e³lxah²lxi³tu¹wa². Nxe³jau³xai²na²sa¹:

– Ya³lu²ki³ju³ta² hxa³sxā³ ne³ki³son³na³li¹.
 Kō³nxe³ki³ju³ta² ā³wa²sut¹sxā³ yxau³ki³tā³li¹.
 Sũ³na² ũ³wha²li¹txā³nxai³tā² nxe³ta¹hxai²hē¹la².

55 Nxe³nē³lha²kxai³ ya³lu²ti³hit¹sa²jah¹lāi³.
 Īh¹nũ¹la³tā³ kwā³non³nha¹ju³ta³la³ sīn¹te²la¹xā³?
 Īh¹nũ¹la³tā³ khāuh³lxa³ti³sa²nhīn¹tāu³la³sīn¹te²la¹xā³?

56 Kō³nxe³ti³ kāi³ki³ju³tan¹te²kxa²ya³lhu²
 ya³lu²ju³ta³nũ³a² yũ³nē³na²hē³la².
 Nxe³nē³ju³tan¹te²kxa³ya³lhu² Txa²wā¹sũ³na²
 ũ³wha²li¹txā³nxai³tā² kō³nxe³ti³ ĩ³yī¹li²nē³na²hē³la².
 Nxe³nē³kxan²ti³ ya³lu²ki³ju³tai³kai³ ne³ki³son³na³la².
 Te²yā¹nxe³sxā³ kō³nxe³ti³ ĩ³yī¹li²nē³ju³tai³kai³
 ne³ki³son³na³la².

57 Je³su² Kris²tu³jah¹la² Txa²wā¹hxi²kan¹ta²
 Si³yxau³jah¹lo²su² ha²kxai³ ĩ³hxi²ka¹tũ¹nhē³ju³tan¹te²kxa³ya³lhu²
 ā³wa²sut¹sxā³ yxau³ki³tā³la². Nxe³ju³tai³li²
 Txa²wā¹sũ³na² sa²nēn¹kxi²ki³tā³la².

58 Jā¹nxe³jut³su² txa²wā³tā³syah³lxi¹nha²kxai³

ain³kxi²sah¹lxi³hē¹la². Ka³ten³su²
 ī³sa²yxau³xi²si¹nhē³ju³ta³nu³a² ya²la³tu³
 yū³nē³lha²kxai³ Txa²wā¹sū³na² wān³txa²
 yxo²ī²jah³lxi³hē¹la². Wxi²kan¹nūn³jah³lxi³hē¹la².
 Txa²wā¹sū³na² ī³ye³kxi¹nx2ti³ju³ta² so¹lxi³
 ya³lo³txi²sxā³ o²la³kxi¹jah³lxi³hē¹la².
 Yxah³lxin¹kxai²nān²tu³ wi¹lo²la³kxah¹lxin¹kxai²nān²tu³
 kxā³nāu³a¹ wi¹lo²la³kxah¹lxin¹kxa² yo³ha²
 ū³yhoh³xi¹nx2ti³tu¹wa². Ju¹tai²li² ā²la²
 ī²yah³lxin¹tai¹ti²tu³wa².

16

Txa²wā¹yen³kxa²wā²nhū¹nyhu¹ki³jau³su²

1 Ju¹ta³la³ nxe³ha²kxai³ yxo²ī²tū³ka³txai²na²
 Ju³te²a²ko³xa² yxau³te²nū³ka³txa² sa²kxai³lu²
 yen³kxa² so¹kxi²txā³nxa² wā²nhū¹ain¹yah³lxin¹ju³ta²
 ī³yau¹ū¹nx2ta¹tu¹wa². Yxo²ī²tū³ka³txi³nāu³xa²
 Ka³la²si²a² ko³xan¹te²nāu³xa² yxo²ha³kxa¹
 ī³yau¹ū¹hai¹nhxai²na¹kxai³, jā¹nxe³nx2ta¹tu¹wa².

2 To³mīn²ko³ nxe³hīn¹ta² yxo²ha³kxa¹
 ā³nūn¹yah³lxin¹tau³a¹ yen³kxa² so¹kxi²txā³nxa²
 wā²nhūh¹yah³lxin¹ta³nxā³nxū³a² wxa²hau³kot3sxā³
 ū³wha¹jah¹lxi³hē¹la². Ta³nxā¹nxai²li²
 yū³yah³lxin¹kxa² a²wā³kxi³kxai³ ū³wha¹i²
 a²wā³kxi³kxai³ sa²so² nxe³jah³lxi³hē¹la².
 Yxah³lxin¹kxai²nān²tu³ ye³jen¹na² wxā³na¹tāu³a¹
 ta³nxā¹nxai²li² ū³wha¹ta³lun²yah³lxi³hī³nxai¹lxa².

3 Na¹kxai²nān²tu³ hā²wxān³txa³ wxā³na¹ka³tu³
 ta³nxā¹nxai²li² ī³sa²si¹hā¹ū¹ha¹tu¹wa².
 Ha³teh³nxā³nxa² ī³yau¹ū³jau³xa² ū³wha²li¹lā¹ka³tu³
 wxa²nū³ka³txi³ ī³nxa² ī²li³te²a² ī²sxā³

ĩ³sa²so¹ah³lxin¹jah¹la² hxi²ka² ĩ³sa²si¹hã³ũ¹ha¹tu¹wa².
 Nxe³ha²kxai³ Je³ru³sa³lẽ²thĩ³na² yxo²ĩ²sxã³
 yxau³te²ki³nãu¹xa² ai³yah³lxin¹ka³tũ³
 ũ³hũ¹ain¹yah³lxin¹tu¹wa².

4 Nxe³yah³lxin¹kxai²nãn²tu³ hxi²ka¹na¹kxai²nãn²tu³
 ai³nũ³na¹tu¹wa². Nxe³na¹kxai²nãn²tu³
 ã³si³tẽ³kxi²sain¹tu¹wa².

Pau²lah³la²: “Nxe³na¹tũ¹xã¹” Jau³su²

5 Nxa²ha¹te¹ wxã³sxã³ ĩ²nx2ta¹tu¹wa².
 Ma³se³to²na²ko³xa² ai³lha²thet3sãn²sxã³
 hã²wxãn³txa³ wxã³na¹tu¹wa².

6 Nxa¹kxai²nãn²tu³ jũ¹nxa² kan²txi³
 yxau³ya³nx2ta¹ju³ta² ten³sa³nha²wa².
 Kwẽ³kon³tãu³a¹ yxau³ya³nx2ta¹ju³ta²
 ten³sa³nha²wa². Nxa¹kxai²nãn²tu³
 ã³nxai³na¹ju³ta³nũ³a² hxi²kan¹txi³
 ã³non²ta³kxi²sah¹lxi³hĩ³nxa¹lxa².

7 Kwa²a³nĩ²ã³wa³to¹ta²lxa¹ju³ta²
 ten³sa²nxa³nha²wa². Txa²wã¹sũ³nai²li²
 ten³kxai²nãn²tu³ kan²txi³ yxau³ya¹nx2ta¹ju³ta²
 ten³sa³nha²wa².

8 Ti¹ai²li² E²fe³so³thĩ³na² ãh¹yxau³na¹tu¹wa².
 Pẽn³ta³kos²ta² ti³wa³ka² ti¹a¹ ãh¹yxau³na¹tu¹wa².

9 Nxe³sxã³ txa²wa³ka³la² kãi²non³na³la².
 Txa²wãn³txa² wi¹lain³kxi²sain¹te²a²
 yũ³khai¹nx2na³la². Yxãn¹ta¹ ten³sai¹nxa³te²a²
 kãin²yũ³nũn³na³la².

10 Nxa²ha¹te¹ Ti³mo²jah³la² ne³ka³ta²
 wxã³kxai²nãn²tu³ wi¹lhit1sxã³ yxau³ya³nx3ti³ju³ta³nũ³a²
 hau³ko³jah¹lxi³hẽ¹la². Nxe³sxã³ jah¹lai²na²
 sa²kxai³lu² txai²yã¹nxe³sxã³ Txa²wã¹sũ³na²
 wa³ka³li³yu³ta² o²la³kxi²nũn³na³la².

11 Kō³te³si¹hain¹yah³lxan³jau³su²
 i²txai¹yah³lxi³hē¹la². Nxe³yān¹ta¹ wā³li²ju³ta³nū³a²
 hau³kot³sxā³ ā³non²ta³kxi¹txai¹yah³lxi³hē¹la²,
 wi¹lhin¹sxā³ wxā³si¹yah³lxin¹jau³sa². Nxe³ha²kxai³
 jah¹lai²li² a²lon³ti³tāu³xa² tē³lxi²sxā³ i³xain¹ju³ta²
 kāin² wahx³nxai¹na¹wa².

12 Nxa²ha¹te¹ A³po²lah³la²sa¹.
 Jah¹lai²na² a²lon³ti³tāu³xa² ā³si³tē³lxi³sxā³
 wxā³sī²nx²ti³si¹hai¹na¹jau³su² e³kxain¹to³ha¹hē³la².
 Nxe³ta¹ ha³lo²ai²li² wai³nxa³ha²kxai³ hāi¹sxā³
 yxau³nha²wa². Yan¹nāu³a¹ hxi²kan¹kxai²nān²tu³
 wxā³sī²nxa²lxi³tu¹wa².

Pau²lah³lai²na² a²wān³txa² a²ne³ki³sot³jau³su²

13 Nxa²ha¹te¹ a³la³kxi²sxā³ i²yxau³jah¹lxi³hē¹la².
 Nxū²kwai³lxū¹txi³ yxo²i²sxā³ yxau³jah¹lxi³hē¹la².
 Txa²wā¹sū³na² wān³txa² ya³lo³txi¹jah³lxi³hē¹la².
 Sa²yxō²ā³yah³lxi³txa³hē¹la².

14 A³lxi²waun¹nyhu¹sxā³ kāi³jah³lxi³hē¹la².

15-16 Es³te²fa³na²sah³la² a²yu³ta²
 whāi²na¹ i²yah³lxin¹tai¹ti²tu³wa².
 A²nxe³jah¹la² a²wi¹lhī¹na² Kre²si²a²ko³xa²
 yxau²xai³lain¹tai¹ti²tu³wa². Nxe³hī¹nai³tā²
 Txa²wā¹sū³na² yxo²i²te²a² yū²nxa³hī¹nai³tā²
 jah¹lai²na² a²yu³tai²li² yxo²i² ā³si³wxe³ain¹na²hē³la².
 Nxe³hī¹nān¹te²tu³ Txa²wā¹sū³na²
 a²wa³ka³li³yu³ta² so¹lxi³ o²la³kxai¹nhxai²na²hē³la².
 Nxe³jah¹lai²na² i³tih³nxe³nx²ti³jau³xai²na²
 sa²yxō²wet¹sxā³ yxau³jah¹lxi³hē¹la².
 A²nū²a² ā³non²ta³kxi²waun¹nyhu¹kī³ju³ta²
 yā¹nxe³jah³lxi³hē¹la².

17 Es³te²fa³na²sah³la² Fo³tu³na²to²jah¹la²
A³ka³i²ko²jah¹la² nxe³sxã³ wxã³ya³sai¹nha²kxai³
wi¹lxo³kxi²sai¹nhẽ¹la². Kãin²ã³non²ta³kxi²sain¹na²hẽ³la².
Ul²yxau³yah³lxi¹nha²kxai³ hxi²kan¹txi³
ã³hxi²nũn¹sah²lxa³nha²kxai³ã³non²ta³kxi²sain¹na²hẽ³la².
18 Kãin²ã³nxũ²kwai³lxũ¹sain¹na²hẽ³la².
Nxe³nx2tain¹kxaix3 jãx1sain¹na²hẽ³la².
Nxe³tũ³ka³txa² yã¹tũ³ka³txa² sa²nẽn¹kxain¹ki³ju³ta²
wain³na³la².

19 Nxa²ha¹te¹ A²si³a³ko³an¹tũ³ka³txa²
yxo²i²te²ki³nãu³xa²sa²kxai³lu²wi¹yxau³si¹nx2tain¹jau³su²
ĩ³sa²si¹hã³ũh¹nx2tain¹na³la². A³kwi²lah³la²
Pri³si²la³ka³lxa² yxo²i²tũ³ka³txa² a²sxi²hai²na²
ã³nũ¹nain¹tũ³ka³txa² a²yo²ha³kxa¹
Txa²wã¹sũ³na² wi¹lhin¹sxã³ i²si¹nx3tain¹jau³su²
ĩ³sa²si¹hã³ũh¹nx2tain¹na³la².
20 Txa²wã³tã³nãu³xai²li² ti¹na²
yxau³te²a² a²yo²ha³kxa¹ te²yã¹nxe³jau³xa²
ĩ³sa²si¹hã³nx2tain¹nũn³na³la². Txa²wã¹sũ³na²
wãn³txa² yxo²i²yah³lxi¹nha²kxai³
ĩ³yo²sai¹la³kxi²nha¹ju³ah³lxi³hẽ¹la².

21 Jã¹nxe³na¹jau³su² txa²hxi²ka²
ũ³wha²li¹lye¹nx2ta¹wa². Txai²li² Pau²lah³lo²su²
nxa¹wa².

22 Wxa²nũ³ka³txi³ i³nxa² i²li³te²a² sa²kxai³lu²
Txa²wã¹sũ³na² a³lxi²nxa³kxai²nãn²tu³ ko³nxe³ti³
ĩ³yĩ¹li²ũ¹jah¹lai²la¹wa². Txa²wã¹hxi²kan¹ta²
Si³yxau³jah¹lai²na² a³ka³nxi²sxã³ wã³li²ju³ta³nũ³a²
yau³son³na³la².

23 Je³su²jah³la² Txa²wã¹hxi²kan¹ta²
Si³yxau³jah¹lo²su² ha²kxai³ kãin² thã³ti³la²
a³lxi¹nx2ti³si¹jau³nũ³su² ten³sa³nha²wa².

24 Jã¹nxa¹jut3su² Je³su² Kris²tu³jah¹la²
a²sa³wi³ha³lxi³su² ki³sa²kxai³ a³lxi¹nx2ta¹wa².
Jã¹nxa¹jau³su² txai²li² Pau²lah³lo²na¹xai²na²
ta³lu²na¹wa².

Txa²wã¹sũ³na² Wãn³txa²
New Testament in Nambikuára, Southern
(BR:nab:Nambikuára, Southern)

copyright © 2012 Wycliffe Bible Translators, Inc.

Language: Nambikuára, Southern

Translation by: Wycliffe Bible Translators, Inc.

Nambikuára, Southern [nab], Brazil

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nambikuára, Southern

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022

5198f7a7-ab9d-5d69-b112-d94960f81d2a